

**Atomip nukinganik atortussiat sorsunnerunngitsumut atornissaannik nakkutillineq pillugu Kalaallit Nunaannut inatsisissatut siunnersuut**

*Kapitali 1*

*Siunertaq aamma nassuiaatit il.il.*

§ 1. Inatsimmut siunertaq tassaavoq Kalaallit Nunaannit atomip nukinganik atortussiat sorsunnerunngitsumut siunertalinnut atornissaasa qulakkeernissaat, aammalu Kunngearfiup Danmarkip nunat tamalaani sillimaniarnermik nakkutilliinermut pisussaaffimminnik naapertuutsisinissaa.

§ 2. Inatsimmi matumani makku imatut paasineqassapput:

1. Atomip nukinganik atortussiat: Aatsitassaq, annissugassatut atortussiaq imaluunniit fissiliniq (qulloorsinnaasunik) immikkut ittunik atortussiat.
2. Aatsitassaq: Aatsitassaq sunaluunniit, imm. 2 malillugu aalajangersakkatut agguaqatigiissitatut kimittussusilinni akuutissanik imaqarnermikkut akoorutissatigut aamma tigussaasutut suliaqarnerni annissugassatut atortussiuliornissamut periarfissiisoq.
3. Annissugassatut atortussiaq:
  - a) Urani, pinngortitami nassaassaasumik isotopiniq katitigaanermik imaqartoq,
  - b) urani, nalinginnaasumut naleqqiullugu uran 235-imik imaqassusaa annikinnerusoq,
  - c) thoriumi,
  - d) siuliani atortussiat taaneqartuni sunaluunniit saviminertut, akuukkatut, akoorutissatigut attaveqarfittut imaluunniit kimittussusilittut iluseqartut, aamma
  - e) qulaani taaneqartut atortussiat aalajangersakkatut kimittussusilinnik ataatsimik arlalinnilluunniit imaqartut atortussiat suulluunniit allat, takuuk imm. 2.
4. Fissiliniq immikkut ittutut atortussiaq:
  - a) Plutonium 239,
  - b) uran 233,
  - c) uran 235-mik imaluunniit 233-mik atorsinnaanngorsakkatut urani,
  - d) qulaani taaneqartut isotopiniq ataatsimik arlalinnilluunniit imaqartut atortussiaq sunaluunniit, aamma
  - e) imm. 2 malillugu aalajangersagaasutut fissiliniq atortussiat allat.
5. Ingerlatsivik: Reaktori, ajutoortoqarfimmi ingerlatsivik, allanngortitsinermik ingerlatsivik, tunisassiornermik ingerlatsivik, suliarinninnermik ingerlatsivik, isotopiniq avissaartitsinermik ingerlatsivik, immikkut ittunik toqqorsinermut ingerlatsivik, eqqakkanik suliarinninnermut imaluunniit toqqorterinermut ingerlatsivik, aammalu sumiiffiit allat tamarmik annissugassatut, imaluunniit fissiliniq immikkut ittut atortussiat nalinginnarmik atornerqarfigisaat.
6. Atomip nukinganik ikummateqarfik: Aatsitassanik piiiaanermut atomip nukissiorfiliarlunilu ingerlatsineq aqqusaarlugu taakkuninnga atorunnaartitsinermut atomip nukinganik tunisassiornermut atatillugu suliarisat tamarmik, aammalu eqqakkanik radioaktivusunik inaarutaasumik toqqortaqrnerit.

*Imm. 2.* Imm. 1, nr. 2-mi nalunaarneqartutut agguaqatigiissitatut kimittussusillit, imm. 1, nr. 3-mi nalunaarneqartutut kimittussusillit, aamma imm. 1, nr. 4-mi nalunaarneqartutut

fissiliniq atortussiat allat pillugit Euratomimi isumaqatigiissummi artikel 197 malillugu aalajangersorneqartunut assingusunik nunanut allanut ministeri (udenrigsministeren) erseqqinnerusunik malittarisassianik aalajangersaasinnaavoq.

**§ 3.** Kunngeqarfik Danmarkimi sillimaniarnermik nakkutilliinermut nunanut allanut ministeri oqartussaasutut kunngeqarfiup nunat tamalaani sillimaniarnermik nakkutilliinissamik pisussaaffiisa malittarinissaannut akisussaasuvoq.

*Imm. 2.* Upalungaarsimanermut Aqutsisoqarfik (Beredskabsstyrelsen) sillimaniarnermik nakkutilliinermut tunngatillugu suliaassanik isumaginnippoq, ilanngullugit immikkut ittutut nakkutilliinermik aalajangersakkanik aalajangiussisarneq, sillimaniarnermik nakkutilliinermik pisussaaffiit naapertuutsinnerinik misissuisarlunilu nakkutilliisarneq, aammalu sillimaniarnermut tunngatillugu nakkutilliartortarluni, takukkit §§ 4-6 aamma 8.

*Imm. 3.* § 4, imm. 1-4 malillugit nalunaarutiginninnermik tigusaqartarnermik, imm. 5 malillugu nalunaarummik tigusaqartarnermik, § 5, imm. 1-3 malillugu nalunaarusianik naatsortuutinillu tigusaqartarnermik, § 6, imm. 1 malillugu aalajangiussanik nassiusaqartarnermik, kiisalu § 8, imm. 1, 3 aamma 4 malillugit misissuinermit nakkutilliinermullu tunngatillugu suliaassanik isumaginnittarnermik Naalakkersuisunik isumaqatiginninniareerluni nunanut allanut ministeri Inuussutissarsiornermut, Suliffeqarnermut Niuernermullu Naalakkersuisoqarfimmut Upalungaarsimanermut Aqutsisoqarfimmik ikioqqusissummik pisussaaffiliisinnaavoq.

## *Kapitali 2*

### *Nalunaarutiginninnermut pisussaaffiit il.il.*

**§ 4.** Atomip nukinganik atortussiat atorneqarsinnaaffiiniq ingerlatsiviliortoq imaluunniit ingerlatsivimmik ingerlataqartoq sillimaniarnermik nakkutilliivigineqartarnermut ilaavoq, ingerlatsivimmullu tunngaviusunik teknikkikkut nalunaarsuuteqarlunilu ingerlatsivimmi atorneqartutut atomip nukinganik atortussiat pillugit nalunaarutiginnittassaaq.

*Imm. 2.* Tamatuma saniatigut atomip nukinganik atortussianik pigisaqartoq sillimaniarnermik nakkutilliivigineqartarnermut ilaavoq, tamannalu pillugu nalunaarutiginnittassaaq.

*Imm. 3.* Aatsitassanik piiasooq sillimaniarnermik nakkutilliivigineqartarnermut ilaavoq, aatsitassallu piiagaaneri pillugit tunngaviusunik teknikkikkut nalunaarsuutiniq paasissutissanillu nalunaarutiginnittassaaq.

*Imm. 4.* Imm. 1-3-mi ilaanani atomip nukinganik atortussianik assartuisooq imaluunniit toqqortaqarallartoq sillimaniarnermik nakkutilliivigineqartarnermut ilaavoq, tamannalu pillugu nalunaarutiginnittassaaq.

*Imm. 5.* Atomip nukinganik atortussianik atugaqarfiunngitsumik aamma atomip nukinganik ikummateqarfimmut tunngasunik suliaqartartoq sillimaniarnermik nakkutilliivigineqartarnermut ilaavoq, tamannalu pillugu nalunaarutiginnittassaaq.

*Imm. 6.* Atomip nukinganik atugassarinnngisatut siunertanut atorneqartussanik, aammalu piviusutigut atugaaqqissinnaanngitsunik atomip nukinganik atortussianik inaarutaasunik

atortuuteqartoq sillimaniarnermik nakkutilliivigineqartarnermut ilaanngilaq, tamannalu pillugu nalunaarutiginnittassanngilaq.

*Imm. 7.* Imm. 1-4 malillugit nalunaarutiginnittarneq, aamma imm. 5 malillugu nalunaaruteqarneq Upalungaarsimanermit Aqutsisoqarfimmut ingerlanneqartassaaq, taamaattorli takuuk § 3, imm. 3.

*Imm. 8.* Imm. 1-5 malillugit nalunaarutiginnittarneq aamma nalunaaruteqartarneq, aamma imm. 1-4 malillugit nalunaarutiginninnermi aamma imm. 5 malillugu nalunaaruteqarnermi ilaasussanik tunngaviusumik teknikkikkut nalunaarsuutit paasissutissallu pillugit malittarisassianik erseqqinnerusunik nunanut allanut ministeri aalajangersaasinnaavoq. Kalaallit Nunaanni pissutsinik tunngavilersuutigisinnaasatut allannguutit ilanngullugit, kiisalu nunat tamalaani sillimaniarnermik nakkutilliinermut pisussaaffinnik naapertuutsinissaq qulakkeerlugu Det Europæiske Atomenergifællesskabip iluani sillimaniarnermik nakkutilliinermut pingaarutilittut malittarisassianut erseqqinnerusumik malittarisassiat aalajangersakkat assinguniassapput.

**§ 5.** § 4, imm. 1 malillugu nalunaarutiginninnissamut pisussaaffeqartoq ingerlatsivik pillugu tunngaviusutut nalunaarsuutininik paasissutissanillu, atomip nukinganik atortussianik atuinermik, naatsorsuutininut ingerlatsinermullu tamanik takussutissiivinnik, kiisalu atomip nukinganik atortussiat nuussorneri pillugit paasissutissanik ilaqartumik aaqqissuussiveqassaaq, tassanngaanniillu nalunaarsuutit naatsorsuutillu nassiuttassallugit.

*Imm. 2.* § 4, imm. 2 malillugu nalunaarutiginninnissamut pisussaaffeqartoq atomip nukinganik atortussianut naatsorsuinermit nakkutilliinermullu aaqqissuussivimmik peqassaaq, tassanngaanniillu nalunaarsuutit naatsorsuutillu nassiuttassallugit.

*Imm. 3.* § 4, imm. 3 malillugu nalunaarutiginninnissamut pisussaaffeqartoq aatsitassat piiagaaneri pillugit tunngaviusutut teknikkikkut nalunaarsuutininik paasissutissanillu, kiisalu aatsitassat nuunneri pillugit ilaqartumik aaqqissuussiveqassaaq, tassanngaanniillu nalunaarsuutit naatsorsuutillu nassiuttassallugit.

*Imm. 4.* Imm. 1-3 malillugit nalunaarsuutit naatsorsuinerillu Upalungaarsimanermit Aqutsisoqarfimmut tunngatinneqassapput, taamaattorli takuuk § 3, imm. 3.

*Imm. 5.* Kalaallit Nunaanni pissutsinik tunngavilersuutigisinnaasatut allannguutit ilanngullugit Det Europæiske Atomenergifællesskabip iluani sillimaniarnermik nakkutilliinermut pingaarutilittut malittarisassianut assingusunik erseqqinnerusumik malittarisassianik nunanut allanut ministeri aalajangersaasinnaavoq, makku pillugit

- 1) imm. 1-3 malillugit taakkunaniittussatut aaqqissuussiviit aamma tunngaviusutut teknikkikkut nalunaarsuutit paasissutissallu,
- 2) imm. 1-3 malillugit naatsorsuutininut tunngaviliisussatut naatsorsuuteqarnermit aaqqissuussivik,
- 3) imm. 1-3 malillugit aaqqissuussivinni ilaatinneqartussatut nuussinerit nassiussallu pillugit paasissutissat,
- 4) imm. 1-3 malillugit nalunaarsuutit naatsorsuinerillu il.il. nassiussorneri, ilanngullugit ilusissaat, imarisassaat akulikissusissaallu pillugit, aamma
- 5) imm. 1-3 malillugit atomip nukinganik atortussianik nuussaqaqarnut aamma aatsitassanik nassiussaqaqarnut sioqutsisumik nalunaaruteqarnermit piumasagaatit.

§ 6. § 4, imm. 1-5 malillugit nalunaarutigisat tunngavigalugit, aammalu § 4, imm. 8-p aamma § 5, imm. 5-ip nassatarisaannik najoqqutassat malillugit ilisimatitsissutaasinnaasut nalunaarutaasut tunngavigalugit Upalungaarsimanermut Aqutsisoqarfik pineqartumut immikkut ittunik nakkutilliinissamut aalajangersakkanik aalajangiisarpoq.

*Imm. 2.* Imm. 1 naapertorlugu immikkut ittunik nakkutilliinissamik aalajangersakkat aalajangersarnissaat pillugit Upalungaarsimanermut Aqutsisoqarfiup aalajangiussinera eqqartuussivimmi apeqqutinut tunngasutigut nunanut allanut ministerimut maalaarutaasinnaavoq.

§ 7. § 2, imm. 2, § 4, imm. 8, aamma § 5, imm. 5-p nassatarisaannik nunanut allanut ministeri malittarisassat aalajangersarnissaannut Upalungaarsimanermut Aqutsisoqarfimmut pisussaaffiliisinnaavoq.

### *Kapitali 3*

#### *Misissuineq aamma nakkutilliineq*

§ 8. Inatsisip matuma, imaluunniit inatsisip matuma nassatarisaannik najoqqutassat aalajangersakkat, aammalu § 6, imm. 1 malillugu immikkut ittutut nakkutilliinermut aalajangersakkat malitsigisaannik sillimaniarnermik nakkutilliinermut pisussaaffiit naapertuutsitaaneriniq Upalungaarsimanermut Aqutsisoqarfik misissuisartuuvoq.

*Imm. 2.* § 4-mi ilaasoq piумаффигинеqарнермигугт sillimaniarnermik nakkutilliinermut pisussaaffiit naapertuutsitaaneriniq nakkutilliinerup isumagineranut pingaarutilinnik ilisimatitsissutit suulluunniit Upalungaarsimanermut Aqutsisoqarfimmut nalunaarutigisassavai.

*Imm. 3.* Upalungaarsimanermut Aqutsisoqarfik qaqugukkulluunniit pisariaqartumik kinaassutsimik uppernarsaateqarnissamut eqqartuussivimmit aalajangiinertaligaanngitsumik makkununga attaveqarsinnaavoq

- 1) inatsisip matuma nassatarisaannik aalajangersakkatut inatsit manna imaluunniit najoqqutassat malillugit sillimaniarnermut nakkutilliinermut ilaasutut sumiiffiit, atortut atortussiallu,
- 2) inatsisip matuma nassatarisaannik aalajangersakkatut inatsit manna imaluunniit najoqqutassat malillugit sillimaniarnermut nakkutilliinermut ilaasutut ingerlatsivinnut, atortunut, atortussiananut imaluunniit sulianut tunngasutut sumiiffinnut ilisimatitsissutinullu allanut, aamma
- 3) Kunngeqarfiup Danmarkip nunat tamalaani sillimaniarnermik nakkutilliinermut pisussaaffigisaannik malitseqarpata, imaluunniit taakkuninnga Kunngeqarfik Danmarkip naapertuutsitsinissaanutk tunngaviuppata sumiiffiit sinnerinut allanut.

*Imm. 4.* Imm. 3 malillugu attaveqarnermut atatillugu Upalungaarsimanermut Aqutsisoqarfik nakkutilliinermut isumagisassanik pisariaqartitanik suliaqarsinnaavoq, ilanngullugit inatsit manna, aamma najoqqutassat, inatsit manna malillugu aalajangersakkat, aammalu § 6, imm. 1 malillugu aalajangersakkatut immikkut ittutut nakkutilliinissamut aalajangersakkat malillugit sillimaniarnermik nakkutilliinissamut pisussaaffiit naapertuutsinnissaasa qulakkeernissaat pillugit uuttortaallunilu misissugassanik tigusaqarsinnaalluni.

*Imm. 5.* Inatsit manna malillugu sillimaniarnermik nakkutilliinermik atugassaqartitaasumut inatsit manna, imaluunniit najoqqutassat, inatsit manna malillugu aalajangersakkat, aammalu § 6, imm. 1 malillugu aalajangersakkatut immikkut ittutut nakkutilliinissamik aalajangersakkat malillugit sillimaniarnermut nakkutilliinissamut pisussaaffiit naapertuutsinnissaannut pisariaqartunik peqqussutinik Upalungaarsimanermit Aqutsisoqarfik nalunaaruteqarsinnaavoq.

*Imm. 6.* § 4, imm. 1-mi ilaasutut ingerlatsiviup atugaanerata sillimaniarnermik nakkutilliinermut piumasaqaatit sorliit malillugit atorneqaqqissinnaalernissaata tungaanut isummertoqarnissaa tikillugu ingerlatsiviit atugaanerisa unitsitaanissaat, kiisalu ingerlatsivimmi atomip nukinganik atortussiat tamakkiisumik imaluunniit ilaannakortumik oqartussaasunit aqutsinermit ilanngunneqarnissaat imaluunniit inissinneqarnissaat pillugit pisuni immikkut illuinnartuni Upalungaarsimanermit Aqutsisoqarfik piumasaqarsinnaavoq. Taamatuttaaq § 4, imm. 3-mi ilaasutut aatsitassanik piiaanermut assingusoq atuuppoq. Aammattaaq atomip nukinganik atortussiaq, § 4, imm. 2-mi ilaasoq tamakkiisumik imaluunniit ilaannakortumik Upalungaarsimanermit Aqutsisoqarfimmit aqutsinermit ilanngunneqarsinnaavoq imaluunniit inissinneqarsinnaavoq.

*Imm. 7.* Imm. 5 aamma 6 malillugit aalajangiisoqarneq sioqqullugu Upalungaarsimanermik Aqutsisoqarfik sapinngisamik siamasinnerpaamik annertussusilimmik nunatsinni oqartussaasoqarfimmit ilisimatitsissaaq.

*Imm. 8.* § 9 malillugu IAEA-mit misissuiartortartut taakkuninnga malittarinnissinnaanissaat siunertaralugu imm. 1, 3 aamma 4 malillugit misissuinermit nakkutilliinermillu tunngatillugu aqutsisoqarfik sinnerlugu danskini oqartussaasoqarfiit suliaassanik isumaginninnissaannut Upalungaarsimanermit Aqutsisoqarfik pisussaaffiliisinnaavoq.

*Imm. 9.* Imm. 5 aamma 6 malillugit Upalungaarsimanermit Aqutsisoqarfiup aalajangiussineri nunanut allanut ministerimut maalaarutigineqarsinnaapput.

*Imm. 10.* Nakkutilliinermik Upalungaarsimanermit Aqutsisoqarfiup suliaqarnera pillugu malittarisassiat erseqqinnerusut illersornissamut ministerimik (forsvarsministeren) isumaqatiginninniarearluni nunanut allanut ministerip aalajangersaavigai.

**§ 9.** Upalungaarsimanermit Aqutsisoqarfimmik imaluunniit inatsit manna, aamma najoqqutassat, inatsit manna malillugu aalajangersakkat malillugit misissuinermit nakkutilliinermillu suliaassat suliarinerinut atatillugu § 3, imm. 3 imaluunniit § 8, imm. 8 malillugit pisussaaffilikkatut oqartussaasoqarfimmik IAEA-mit misissuiartortartut qaqugukkulluunniit malittarinnissinnaapput.

#### *Kapitali 4*

##### *Naalagaaffiit akornanni tigooraasartutut naalagaaffinnut isumaqatigiissutit*

**§ 10.** Kalaallit Nunaanni piiakkatut atomip nukinganik atortussianik nunat tamalaani nuussinermi Kunngaqarfik Danmark sinnerlugu nunanut allanut ministerip aamma nunap pineqartup akornanni tamanna pillugu naalagaaffiit akornanni isumaqatigiissummik atsiuisoqarsimassaaq.

*Imm. 2.* Tamanna pillugu naalagaaffiit akornanni isumaqatigiisummik atsiuisoqarsimatinnagu Kalaallit Nunaanni atomip nukinganik atortussianik annikinnerusumik annertussusilinnik nunat tamalaani nuussuisoqarsinnaanerani pisuni immikkut ittuni nunanut allanut ministeri aalajangiussaqaarsinnaavoq.

*Imm. 3.* Imm. 2 malillugu aalajangiussinissamut Upalungaarsimanermit Aqutsisoqarfiup aalajangiussaqaarsinnaaneranut nunanut allanut ministeri pisussaaffiliisinnaavoq.

### *Kapitali 5 Pineqaatissiissutit*

**§ 11.** Kalaallit Nunaanni pinerluttulerinermut inatsit malillugu pineqaatissiissutaassapput

- 1) Inatsit manna, imaluunniit najoqqutassat, inatsit manna malillugu aalajangersakkat, imaluunniit § 6, imm. 1 malillugu aalajangersakkatut immikkut ittutut nakkutilliinissamik aalajangersakkat malitsigisaattut sillimaniarnermik nakkutilliinissamik pisussaaffinnik naapertuutsitsinngitsumut,
- 2) § 8, imm. 2 malillugu misissuinermit oqartussaasoqarfimmut paasissutissanik eqqunngitsunik imaluunniit salloqittaassutinik nalunaaruteqartumut imaluunniit paasissutissanik oqaatigisaqanngitsumut,
- 3) § 8, imm. 3 aamma 4 malillugit pisariaqartitatut nakkutilliinermik suliassanut misissuiartornermut, taakkulu sularinissaannut aqutissiuinngitsumut, imaluunniit
- 4) § 8, imm. 5 aamma 6 malillugit inatsit manna, imaluunniit najoqqutat, inatsit manna malillugu aalajangersakkat malillugit pineqartumut nalunaarutaasimasunik peqqussutinik il.il. akuerinninngitsumut.

*Imm. 2.* Najoqqutassani, inatsit malillugu sularineqartuni najoqqutassani aalajangersakkanik piaaraluni, imaluunniit mianersuaalliorujussuarluni unioqqutitsisumut pineqaatissiisummik aalajangiisoqarsinnaavoq.

**§ 12.** Kalaallit Nunaanni pinerluttulerinermut inatsimmi kapitali 5-imi malittarisassat malillugit ingerlatseqatigiiffiit il.il. (inatsisitigut inuttut naatsorsuussat) pinerluttulerinermi eqqartuussivikkut akisussaaffiligaasinnaapput.

**§ 13.** Inatsit manna malillugu aalajangersakkanik inatsimmik imaluunniit najoqqutassanik makkuninnga unioqqutitsinerit pillugit suliassani Kalaallit Nunaanni Eqqartuussisoqarfik siullertut aalajangiisartuuvoq.

### *Kapitali 6 Atugaalerfia*

**§ 14.** Inatsit ulloq 1. juli 2016-imi atugaalerpoq.

**1. IMARISAI**

**2. AALLARNIUT**

**3. TUNNGAVIGISAT**

- 3.1. Attueqqusinngilluinnarnermik politikkip atorunnaarsinnera
- 3.2. Kalaallit Nunaanni uranimik atortussianillu radioaktiviusunik allanik paaallunilu annissuinnermut atasutut immikkut ittutut nunanut allanut, illersornissamut sillimaniarnermullu politikikkikkut pissutsinut tunngatillugu isumaqatigiissut
- 3.3. Danmarkimut aamma Kalaallit Nunaannut nunat tamalaani sillimaniarnermik nakkutilliinnermut pisussaaffiit
  - 3.3.1. Kunngeqarfiup nunat tamalaani sillimaniarnermik nakkutilliinnermut pisussaaffii
  - 3.3.2. Danmarkimut aamma Kalaallit Nunaannut IAEA-mit sillimaniarnermik nakkutilliinnermut pisussaaffiit

**4. INATSISAASUT ATUUTTUT**

- 4.1. Danmarkimi atomip nukinganik atortussianik sillimaniarnermik nakkutilliinnermik isumaginninneq
- 4.2. Kalaallit Nunaanni atomip nukinganik atortussianik sillimaniarnermik nakkutilliinnermik isumaginninneq

**5. SAMMISAT PINGAARNERIT**

- 5.1. Siunertat aamma nassuiaatit il.il.
- 5.2. Nalunaarutiginninnermut pisussaaffiit il.il.
- 5.3. Misissuineq aamma nakkutilliineq
- 5.4. Naalagaaffiit akornanni tigooraasartutut naalagaaffinnut isumaqatigiissutit
- 5.5. Pineqaatissiissutit

**6. PISORTANUT ANINGAASAQARNIKKUT AQUTSINIKKULLU KINGUNERISINNAASAT**

- 6.1. Nunanut allanut ministereqarfik
  - 6.1.1. Aqutsinikkut kingunerisinnaasat
  - 6.1.2. Aningaasaqarnikkut kingunerisinnaasat
- 6.2. Illersornissamut ministereqarfik
  - 6.2.1. Aqutsinikkut kingunerisinnaasat
  - 6.2.2. Aningaasaqarnikkut kingunerisinnaasat

**7. INUUSSUTISSARSIORFIMMUT IL.IL. ANINGAASAQARNIKKUT AQUTSINIKKULLU KINGUNERISINNAASAT**

**8. INNUTTAASUNUT AQUTSINIKKUT KINGUNERISINNAASAT**

**9. AVATANGIISINUT TUNNGASUNUT KINGUNERISINNAASAT**

**10. EU-MI EQQARTUUSSIVEQARFIMMUT TUNNGASUT**

**11. OQARTUSSAASUT KATTUFFIILLU TUSARNIAAFFIGISAT**

**12. IMMERSUIFFIK EQIKKAASOQ**

**INATSISISSATUT SIUNNERSUUMMI AALAJANGERSAKKANUT ATAASIAKKAANUT OQAASEQAATIT**

**ILANNGUSSAQ 1:** NUNANUT ALLANUT MINISTEREQARFIUP AAMMA INUUSSUTISSARSIORNERMUT, SULIFFEQARNERMUT NIUERNERMULLU NAALAKKERSUISOQARFIUP AKORNANNI ATOMIP NUKINGANIK ATORTUSSIANIK ISUMANNAALLISAANERMIC NAKKUTILLIINEQ PILLUGU ATAATSIMORUSSATUT NALUNAARUSIAQ

*Inatsisissatut siunnersuumut oqaaseqaatit**Oqaaseqaatit nalinginnaasut***2. AALLARNIUT**

Inatsisissatut siunnersuutip Kalaallit Nunaanni atomip nukinganik atortussianik sillimaniarnermik nakkutilliineq inatsisilersugaraa, siunertarineqarlutik atomip nukinganik atortussianik, ilanngullugit uranimik sorsunnerunngitsumut atuinissap qulakkeernissaa, aamma suliaasaqarfimmi Kunngaqarfik Danmarkip nunat tamalaani sillimaniarnermik nakkutilliinermut pisussaaffiisa naapertuutsinnissaat. Kalaallit Nunaanni uranimik atortussianillu radioaktiviuninik allanik ujaasillunilu paaanermut attueqqusinnngilluinnarnermik taaneqartartup atorunnaarsinnissaa pillugu 24. oktober 2013-imi Inatsisartut tunngavigisassatut aalajangiussipput. Aalajangiussineq taanna sioqqullugu Kunngaqarfiup Danmarkip uranimik paaasuullunilu annissuisunngorsinnaaneranut tamakkiisumik kingunerisassanik misissueqqissaartumik suleqatigiissitat, danskit kalaallillu oqartussaasuinit ilaasortaaffigineqartut (kingornatigut uranimik suleqatigiissitat) pilersinneqarput. 2013-imi oktobarimit suleqatigiissitanit Uranimik paaallunilu annissuineq pillugu Nalunaarusiami (kingornatigut uranimik nalunaarusiaq) ilaatigut inerniliissutaavoq atomip nukinganik atortussianik sillimaniarnermut nakkutilliinissamut nunat tamalaani pisussaaffiit atuutsilerniarlugit aaqqissuussiviliornissaq pisariaqartinneqartoq, kiisalu Kalaallit Nunaannit uranimik paaallunilu annissuineq nunat tamalaani najoqqutarisat sakkortunerpaat naapertorlugit pissasoq. Uranimik suleqatigiissitat nalunaarusiaata malitseqartinnerani Kalaallit Nunaannut sillimaniarnermik nakkutilliinermut pisussaaffiit naapertuutsinniarlugit nutaamik inatsisissatut tunngavissanik pisariaqartitsisoqartoq nalilersuutaasimavoq.



**3. TUNNGAVIGISAT****3.1. Attueqqusinnngilluinnarnermik politikkip atorunnaarsinnera**

Namminersorlutik Oqartussat pillugit inatsit nr. 473, 12. juni 2009-meersoq (kingornatigut namminersornermut inatsit) malillugu suliaasaqarfiit tigusat iluanni namminersorlutik oqartussat inatsisiliornermut inatsisinillu atortitsinermit pissaaneqarput. Namminersornermut inatsit malillugu 1. januar 2010-mi aatsitassanik suliaasaqarfik Namminersorlutik Oqartussat tiguaat. Kalaallit Nunaanni aatsitassanik suliaasaqarfik Aatsitassat pillugit ingerlatallu tamatumunnga pingaarutillit pillugit Inatsisartut inatsisaat nr. 7, 7. december 2009-meersumit (aatsitassanut ikummatissanullu inatsimmit) inatsisilersugaavoq. Kalaallit Nunaanni aatsitassanik misissueqqaarnernut, ujaasinernut atuinernullu akuersissutit aatsitassanut ikummatissanullu inatsit malillugu akuersissutaasarput.

2013-ip tungaanut ukiuni arlalinni Kalaallit Nunaanni attueqqusinnngilluinnarnermik tunngavigisatut taaneqartartoq atuussimavoq. Tassannga piviusutut atuutsitsineq uranimik atortussianillu radioaktiviusunik allanik ujaasinermut taakkuninngalu paaanermut tamatigoortumik inerteqquteqarnermik imaqaarsimavoq. Uranimik atortussianillu radioaktiviusunik allanik oqariaaseq Kalaallit Nunaanni ujaasinermut tunngatillugu atorneqarsimavoq, tassani siunertarineqarluni qaqqat ujaraat ujaasiffigineqarsimasut ima annikitsigisumik atortussianik radioaktiviusunik imaqarnerisa aalajangiiffiginiarnerat, taamaalilluni uranimik ujaasisoqannginnera qularutissaanngitsumik oqaatigineqarsinnaassammat.

2012-imi attueqqusinnngilluinnarnermik politikkip taaneqartartup atorunnaarsinnissaa pillugu kalaallit kissaatigisaannut atatillugu, ilaatigut sumiiffinni aalajangersimasuni aatsitassarsiornerup akilersinnaassusaa qulakkeerniarlugu Kunngeqarfimmut Danmarkimut tamarmut tassannga tamakkiisumik kingunerisinnaasat misissoqqissaarnissaannut pisariaqartitsineq pinngorpoq. Pinngoqqaatinut allanut naleqqiulluni uranip sorsunnerunngitsumut atorneqarneranit ilaatigut atomip nukinganik sakkuliornermut atorneqarsinnaanerata allaassuteqarfia tamatumunnga patsisaavoq. Kalaallit Nunaanni qaqqani ujaqqat aamma pinngoqqaammik thoriumimik imaqaarsinnaapput, taannalu aamma atomip nukinganik sakkunut atorneqarsinnaasumik fissiliusunik atortussialiornermut atorneqarsinnaavoq. Uranimik paaallunilu annissuinermi aqqusaagassat tamaasa ilanngullugit tamanik takunnissinnaanerup nakkutilliinerullu qulakkeerniarnerinut naalagaaffiit innuttanut pisussaaffiit pituttuisunik pisusaaffinnik annikinnerusutullu pisussaaffigisassatut malittarisassianik imaqartumik nunat tamalaani aqqissuussivimmik annertuumik ineriartortitsisoqarsimavoq. Nunat tamalaani nakkutilliinermik aqqiinerne thorium aamma ilaavoq, taamaallaalli ilisimatusarnikkut tunngaveqartumik ikummatissatut atorneqarluni.

Attueqqusinnngilluinnarnermik politikkip atorunnaarsinnissaa Kalaallit Nunaata piginnaaneqarfigaa, uranimilli atortussianillu radioaktiviusunik allanik paaallunilu annissuineq Kunngeqarfiup Danmarkip nunanut allanut, illersornissamut

sillimaniarnermullu politikianik tamakkiisumik attuissaaq, taamaattumillu tassaavoq naalagaaffimmi oqartussaaffimmiittoq.

Attueqqusinnngilluinnarnermik politikkip atorunnaarsinnissaanik aalajangiussisoqassappat kingunerisassanut, aammalu uranimik atortussianillu radioaktiviusunik allanik paaallunilu annissuisinnaanermut tunngatillugu 2013-imi upernaakkut uranimik suleqatigiissitat, danskit kalaallillu oqartussaasoqarfiannit ilaasortaaffigineqartut pilersinneqarput. Uranimik atortussianillu radioaktiviusunik allanik paaallunilu annissuinerit nunat tamalaani najoqqutassanik sakkortunerpaanik naapertuutsitsilluni pisassanerat nalunaarusiami inassutigineqarpoq. Ilanngullugu atomip nukinganut tunngasutut sillimaniarnerup isumannaarsuinerullu iluini isumaqatigiissutitut iluseqartutut nunat tamalaani pisussaaffiit arlallit Kalaallit Nunaannut atuuttuunnginnerat paasineqarpoq. Tamakku saniatigut Det Internationale Atomenergiagenturip (kingornatigut IAEA) sillimaniarnermik nakkutilliinermut aqqissuussiviata atuutsilernissaanut aqqissuussiviliornissaq pisariaqartinneqarpoq, soorlulusooq annissuinerimik nakkutilliinermut inatsisiliornermut tunngasunik aqutsinermullu sinaakkutissanik pilersitsinissaq pisariaqartinneqarluni, taamaaliornikkut Kunneqarfiup Danmarkip nunat tamalaani pisussaaffii makkununga tunngasut: Atomip nukinganik sakkunik siammarterinnginnissaq pillugu Isumaqatigiissut (Traktaten om ikke-spredning af kernevåben), IAEA-mi sillimaniarnermik nakkutilliinermut isumaqatigiissutaa ilassutitullu protokolia, FN's Sikkerhedsrådip Isumaqatigiissutaa 1540/2004, FN-ip pineqaatissiissutai sakkunullu niueqqusinninnermik peqqussutai naapertuutsinneqarsinnaassammata, kiisalu nunat tamalaani annissuinerimik nakkutilliisarfiit ilanngullugit, tassaasut Nuclear Suppliers Group, Australien Gruppen, Wassenaar aamma Missile Technology Control Regime, tassani atomip nukinganik atortussianut, ilanngullugu uranimut tunngatillugu Nuclear Suppliers Group tassaalluni annissuinerimik nakkutilliinerup isumaginissaanut immikkut pingaarutilik. Uranimik atortussianillu radioaktiviusunik allanik paaallunilu annissuinerimut atasutut nunanut allanut, illersornissamut sillimaniarnermullu politikkipissutit pillugit Danmarkip aamma Kalaallit Nunaata akornanni pingaarnerutitamik suleqatigiinnissamik isumaqatigiissusiortoqassasoq uranimik suleqatigiissitattaq inassutigaa.

Attueqqusinnngilluinnarnermik politikkip atorunnaarsinnissaa pillugu tunngavigisassatut aalajangiussineq Inatsisartut 24. oktober 2013-imi akuersissutigaat, ukiunullu marlunnut piffissalikkap iluani uranimik nalunaarusiap inassutigisaasa atuutsilernissaannik Danmarkip aamma Kalaallit Nunaata suliaqaqqinnissaannut ingerlatassaq pilersinneqarpoq. Danmarkip aamma Kalaallit Nunaata 2015-ip naanerani pisariaqartitatu inatsisissat aqutsinikkullu aqqissuussiviit piareersimassagaat siunertarineqarpoq, aammattaarlu nunat tamalaani pisussaaffinnut, kiisalu nunat tamalaani najoqqutassanut sakkortunerpaanut Kalaallit Nunaannit uranimik atortussianillu radioaktiviusunik allanik paaallunilu annissuinerit naapertuutsissinnaaniarlugit nunat tamalaani isumaqatigiissutinik pingaarutilinnik tamanik Kalaallit Nunaata ilaatilernissaa siunertaalluni. 2014-imi Kalaallit Nunaanni inatsisartunut qinersisoqarnissaanik, aammalu 2015-imi folketingimut qinersisoqarnissaanik aalajangiussinerit nassatarisaannik ataatsimoorussatut anguniagarisaaq 2016-imi ukiup affaanut siullermut iluarsineqarpoq, taamaalillutik tamatuma kingornatigut Naalakkarsuisut

uranimik pīaanissamut atuisitsinissamik iliuusissat aallartisarnissaannut akuersissutinik nalunaaruteqarsinnaalissallutik.

Ujaasinertaanut tunngatinneqartut atugarineqarmat attueqqusinngilluinnarermik politikkit taaneqartartup atorunnaarsinneranut atatillugu uranimik atortussianillu radioaktiviunuk allanik taaguuseqartinneqartoq, inatsisissatut siunnersuummi § 2, imm. 1-imi nassuiarneqartut atomip nukinganik atortussiamik taaguutip atorneqarnera oqaatigineqassaaq. Ilaatigut piiarneqartut uranip thoriumillu aatsitassartaanut, kingornatigullu § 2, imm. 1, nr. 6-imi nassuiarneqartut atomip nukinganik ikummateqarfimmi ilaatinneqarsinnaasanut nakkutilliinermik iliuutsinut tunngatillugit sillimaniarermik nakkutilliisoqartarnera tamatumunnga patsisaavoq.

### **3.2 Kalaallit Nunaanni uranimik atortussianillu radioaktiviunuk allanik pīaallunilu annissuinermt atasutut immikkut ittutut nunanut allanut, illersornissamut sillimaniarermullu politikikkut pissutsinut tunngatillugu isumaqatigiissut**

Kalaallit Nunaanni uranimik atortussianillu radioaktiviunuk allanik pīaallunilu annissuinermt atasutut immikkut ittutut nunanut allanut, illersornissamut sillimaniarermullu politikikkut pissutsinut tunngatillugu danskit naalagaaffiata aamma Naalackersuisut akornanni 26. januar 2016-imi isumaqatigiissut atsiorneqarpoq. Isumaqatigiissummi pingaartut ilaatitaq illugiimmillu ilisimatitsisarfiisaaq tassaavoq Kalaallit Nunaannit uranimik atortussianillu radioaktiviunuk allanik pīaallunilu annissuinermt atatillugu naalagaaffeqatigiit tamakkiisutut soqutigisaasa isumaginissaannik qulakkeerinissamut pingaarutilittut pissutsit tamaasa pillugit danskit kalaallilu oqartussaasoqarfiit imminnut qanimut illugiillutillu ilisimatittarnissaannik qulakkeerinissaaq. Isumaqatigiissutinut tamakkiisunut suleqatigiinnissamut isumaqatigiissut sinaakkusiivoq.

Tamatumunnga atatillugu danskit kalaallilu oqartussaasuisa akornanni ataatsimoorussatut nalunaarutit marluk suliarineqarput, tassaasut atomip nukinganik atortussianik sillimaniarermik nakkutilliinerit aamma atortussianik dual-use'nik teknologiimillu annissuinermt nakkutilliinerit siunissami isumaginissaat. Taakku saniatigut namminersornermt inatsimmi § 4 malillugu Kalaallit Nunaannit uranip piiarneranut tunngatillugu atomip nukinganik sillimaniarermut tunngatillugu nunatsinni pissutsinut taamaallaat tunngasunik suliaasaqarfinnut tunngasutut isumaqatigiissut suliarineqarluni.

Atomip nukinganik atortussianik sillimaniarermik nakkutilliineq pillugu nunanut allanut ministereqarfiup (Udenrigsministeriet) aamma Inuussutissarsiornermt, Suliffeqarnermt Niuernermullu Naalackersuisoqarfiup akornanni Ataatsimoorussatut Nalunaarut 26. januar 2016-imi atsiorneqarpoq. Sillimaniarermik nakkutilliineq pillugu ataatsimoorussatut nalunaarut tassaavoq inatsisissatut siunnersuutip matuma saqqummiunnissaanut politikikkut tunngavigisaq, kingornatigut aqutsinikkut najoqqutassat atuutsilernissaannut, kiisalu pisariaqartitatut aqutsinermt aqqissuussiviit pilersillugillu atuutsilernissaannut atugassamut. Sillimaniarermik nakkutilliineq pillugu ataatsimoorussatut nalunaarut Danmarkip aamma Kalaallit Nunaata akornanni atuutsitatut piginnaasanik agguataarinermut takussutissaavoq, Kunneqarfiup Danmarkip sillimaniarermik nakkutilliinermt

pisussaaffiisa isumaginissaannik pisariaqartitsinerup nassatarisaannik suliassanik nalunaarisutut Danmarkip aamma Kalaallit Nunaata akornanni tigussaasunik suliassanik agguataarinermik nassuiaasuulluni. Pingaarutilittut danskit aamma nunatsinnit oqartussaasut akornanni qanimut suleqatigiittoqassaaq, aammalu qitiusumik aalajangiussinerut tunngatillugu qanimut ataqatigiissaarisooqassalluni. Inuussutissarsiornermut, Suliffeqarnermut Niuernermullu Naalackersuisoqarfik suliassanik tigussaasunik arlalinnik suliqaqarni ikiuuttartussaassaaq, tamannalu imm. 5.1-imi erseqqinnerusumik nassuiarneqarpoq. Sillimaniarnermik nakkutilliineq pillugu ataatsimoorussatut nalunaarummit IAEA-mi sillimaniarnermik nakkutilliinerut pisussaaffiit naapertuutsinnissaasa qulakkeernissaat pillugit Danmarkip aamma Kalaallit Nunaata isumaqatigiinnerat erseqqissarneqarpoq. Aammattaaq Danmarkimi atuuttuusunik EU-mi sillimaniarnermik nakkutilliinerut inatsisilersuutit ilaannik pingaarutilinnut assingusunik (Euratomip iluani sillimaniarnermik nakkutilliinerup atornera pillugu Kommissionip peqqussutaa (Euratom) nr. 302/2005, 8. februar 2005-imeersoq (kingorna Euratomimi peqqussut 302/2005)) sillimaniarnermik nakkutilliineq pillugu malittarisassiat piviusutut naammassinissaat pillugit isumaqatigiittoqarpoq. Naalagaaffinnut uranimik annissuisunut nunat tamalaani najoqqutassanik sakkortunerpaanik naapertuutsitsinissaq ataatsimoorullugu kissaatigineqarmat Kalaallit Nunaanni atomip nukinganik atortussianik piiarneqartunik nunat tamalaani annissuisoqarnerani naalagaaffiit akornanni naalagaaffiup tigooraasussap isumaqatigiissuteqarfiginissaa tunngavigineqassasoq ilanngullugu erseqqissarneqarpoq.

Tunisassianik dual-use'nik teknologiimillu annissuinerut nakkutilliineq pillugu Erhvervs- og Vækstministereqarfiup/Erhvervsstyrelsen aamma Inuussutissarsiornermut, Suliffeqarnermut Niuernermullu Naalackersuisoqarfiup akornanni ataatsimoorussatut nalunaarut 26. januar 2016-imi atsiorneqarpoq. Kalaallit Nunaannit atomip nukinganik atortussianik aammalu tunisassianik teknologiinillu allanik marloqiusamik atugaasinnaasunik (tunisassianik sorsunnerunngitsumut sakkutooqarnermullu atornerqartunik) annissuinerut atatillugu nunat tamalaani annissuinermik nakkutilliinerut pisussaaffinnik naalagaaffiup isumaginninnissaata ilusissaanik ataatsimoorussatut nalunaarut, tassungalu atasutut tunisassianik marloqiusamik atugaasinnaasunik annissuinermik nakkutilliineq pillugu Kalaallit Nunaannut inatsisisaatut siunnersuut, inatsisisaatut siunnersuummik matuminnga saqqummiussineq peqatigalugu saqqummiunneqartoq aalajangersaapput. Siunertaq tassaavoq tunisassiat teknologiillu mianersuuttariallit piuneerussaasutut sakkut ineriartortillugillu siammarterinerut ilaatissannginnerisa, imaluunniit nunat tamalaani eqqissisimanerut, sillimaniarnermut aalaakkaasuunermullu aarleqquteqartitsisunut nunanut annissorneqassannginnerisa qulakkeernissaat.

Namminersornermut inatsimmi § 4 naapertorlugu suliassaqaqfimmi atomip nukinganut sillimaniarnermi piginnaasaqarfiup ilaanik isumaqatigiissut Sundheds- og Ældreministereqarfiup aamma Inuussutissarsiornermut, Suliffeqarnermut Niuernermullu Naalackersuisoqarfiup aamma Aningaasaqarnermut Aatsitassanullu Naalackersuisoqarfiup akornanni 29. januar 2016-imi atsiorneqarpoq. Aatsitassarsiornermut atatillugu sanaartorneqarlutillu ingerlatarineqartunik atomip nukinganik ingerlatsivinnut

akuersissuteqarlunilu nakkutilliisarnermut tunngatillugu suliaasaqarfimmi atomip nukinganut sillimaniarnermut Kalaallit Nunaata piginnaasaqarnera isumaqatigiissummi aalajangerneqarpoq.

Uranimik nalunaarusiamut malitsigisitatut atomip nukinganik isumannaaralunilu sillimaniarnermut tunngatitanik nunat tamalaani isumaqatigiissutinut arfinilinnut tunngatillugu Kalaallit Nunaannut naalagaaffimmi killilersuutip atorunnaarsinnissaanut Naalakkersuisut akuersissuteqarneri pillugit oqaaseqaatit pillugit Inatsisartut aalajangiussaannik Inatsisartut ulloq 2. december 2015-imi aalajangiussaqrput. Ingerlassamut tassunga atatillugu isumaqatigiissutit imarisaannik, Danmarkip aamma Kalaallit Nunaata akornanni piginnaasaqarfiit agguataarnerinik, inatsisaareersunik, aammalu inatsisissanik aqutsinermilu aqqissuussanik nutaanik pisariaqartitsinernik nassuiaasunik allakkialiortoqarpoq. Taakku tamarmik isumaqatigiissutini Kalaallit Nunaata ilaalersinnaaneranut tunngavilersuisuupput.

### **3.3 Danmarkimut aamma Kalaallit Nunaannut nunat tamalaani sillimaniarnermik nakkutilliinermut pisussaaffiit**

#### **3.3.1. Kunngeqarfiup nunat tamalaani sillimaniarnermik nakkutilliinermut pisussaaffii**

Kunngeqarfik Danmarki Naalagaaffiit Peqatigiinnut (FN-imut) ilaasortaanermini FN-ip angerfigeqatigiissutaani anguniakkanut pisussaaffinnullu ilaavoq, ilanngullugu kapitali 1-imi inuiaat akornanni eqqissisimanerup isumannaatsuunerullu attatiinnarnissaa pillugu nalunaarutigisatut siunertamut. Kunngeqarfimmut tamatumunnga peqataaqataannissaq nunanut allanut, illersornissamut sillimaniarnermullu politikkikkut suliaasani qitiutitatut tunngaviuvoq. Uranimik nalunaarusiami takuneqarsinnaasutut (kapitali 4) atomip nukinganik atortussianut nunat tamalaani nakkutilliisartut, kiisalu IAEA-mi sillimaniarnermik nakkutilliinermut aqqissuussivik siunertami tassani tunngaveqarput.

Imm. 3.1-imi taaneqartutut pinngoqqaatinut allanut naleqqiulluni uranip radioaktiviunermigut, aammalu atomip nukinganik ikummateqarfimmi ilaasinnaanermigut, saniatigullu sorsunnerunngitsumut atugaanermi saniatigut assigiinngitsunik ilusilimmik sakkutooqarnermi, ilanngullugit sakkut atomitortuni atugarineqartarnermigut allaassuteqarpoq. Uranip unioqqutitanik sakkunik ingerlatsivinni ilaassannginnerata, imaluunniit qunusiarinnilluni anguniagaqarnermut atatillugu atorneqassannginnerata qulakkeernissaannut Kunngeqarfiup Danmarkimut pingaarnertut pisussaaffit tassanga malitseqartuupput. Taamaalilluni nunat tamalaani nakkutilliisartuusuni aamma IAEA-mi sillimaniarnermik nakkutilliinermik aqqissuussiviani piviusutut aalajangersagaqaraluartoq taassuminngaannaq malitseqaataavoq pineqartutut ikummateqarfimmi ingerlassanik tamanik nakkutilliisinnanissamut pisariaqartitsineq, ilanngullugit atomip nukinganik nukissiornermut atatillugu suliarisat tamaasa.

Sakkut atomitortut siammartissannginneri pillugit isumaqatigiissut nunat tamalaani sakkussakilliliinermik siammarterinnginnissamillu iliuuserisamut tunngaviuvoq, sillimaniarnermillu nakkutilliinermut aqqissuussivilioqqusisuulluni. Tamanna siullermik

pingaarnermillu IAEA-mi sillimaniarnermik nakkutilliinermut aaqqissuussiviatigut, naalagaaffiit innuttaasa pisussaaffiit pituttuisukkut atuutsinneqarpoq. Taamaattorli Kunngearfimmu tamarmut nunanut allanut, illersornissamut sillimaniarnermillu politikikkut soqutigisat aallaavigalugit IAEA-mi sillimaniarnermik nakkutilliinermut aaqqissuussivianut naleqqiullugu qaangiisunik nakkutilliinissamut suliarisassanik pisariaqartoqarsinnaaneramik nalilersuisinnaaneramik tamanna killiliinngilaq.

Aammattaq uranimik piiallunilu annissuineq nunat tamalaani najoqqutassat sakkortunerpaat naapertorlugit pisassanerata uranimik nalunaarusiami inassutigineranut tamanna tunngaviuvoq. Inassutigisat taanna ilaatigut uranimik nalunaarusiami immikkoortoq 7.2-mik tunngaveqarpoq, tassani allassimalluni uranimik annissuisartutut nunat, soorlu Canada, Australia aamma USA, kiisalu Det europæiske atomenergifællesskab (Euratom), atomip nukinganik atortussianik annissuineranut atatillugu immikkut ittumik qanoq iliornissamut piareersaanissamik siunertaqartumik politikikkut periutsumik ineriartortitsisimasut. Politikikkut periutsumut, tigussaasutut ilutsimigut nunamit nunamut assigiinngiiaartumut qitiutitaq tassaavoq atomip nukinganik atortussiat annissorneri nunamik tiguisissamik illugiilluni, naalagaaffinni isumaqatigiissutit (naalagaaffinnut tiguisisunut isumaqatigiissutit) atsiorneqarsimanerannik tunngaveqartinnissaat. Isumaqatigiissutit atortussianik tiguneqartunik isumaginninnermut tunngatillugu pituttuisunik pisussaaffinnik imaqqassapput, ilaatigut inaarutaasumik atugarinerinut, timitalittut illersuineranut aammalu annissuqqinnermut tunngatillugu piumasaqaatinut tunngatillugit, siunertarineqarluni atornerluinissap pinaveersaarnissaa. Sinaakkutissatut isumaqatigiissutit tamakku aqutsinikkut aaqqissuussinertut taaneqartartunik tamatigut ilassuteqarfiusarput, naalagaaffinnut tiguisisunut isumaqatigiissutini pisussaaffiit naapertuutsinnissaat qulakkeerniarlugit pisariaqartitanik nalunaarsuinerit nalunaaruteqartarnerillu pillugit aalajangersakkanik imaqartunik. Politikikkut periuseq taanna IAEA-mi sillimaniarnermik nakkutilliinermut aaqqissuussivianit (takuuk imm. 3.3.2) malitsigineqartumik nunat tamalaani pisussaaffinnik naapertuutsitsippot, ilaallutik politikikkut pituttuisutut pisussaaffiit, naalagaaffinnit tiguisisunut naalagaaffimmit najoqqutalikkatut qularnaveeqqusiissutinut tunngatillugu (takuuk uranimik nalunaarusiami imm. 6.3.3) annissuinermik nakkutilliisartumit Nuclear Suppliers Groupimit malitsigisitaasut, suliassaqarfiilli ilaanni aamma ingerlariaqqittoqarpoq. Uranimik tunisassioortutut nunat akornanni, soorlu USA-mi, Canadami Australiamilu ataatsimoorussatut periusaasoq alla tassaavoq aatsitassaq piiagaq annissuinermik nakkutilliinermut ilaatinneqarnera, naak aatsitassaq piarneqartoq annissuinermik nakkutilliisartumit Nuclear Suppliers Groupimit atomip nukinganik atortussianut annissuinermik nakkutilliinermi allattukkani ilaanngikkaluartoq. Qulaani pineqartutut tunngavigisaasunit Kalaallit Nunaannit atomip nukinganik atortussiap piiagaasup nunat tamalaani nuussorneqarnera illugiilluni naalagaaffimmik tiguisumik isumaqatigiissummik tunngaveqassasoq inatsisissatut siunnersuummi matumani siunnersuutigineqarpoq. Ilanngullugu tunisassianik marloqiusamik atugaasinnaasunik annissuinermik nakkutilliineq pillugu Kalaallit Nunaannut inatsisissaatut siunnersuut, inatsisissatut siunnersuummik matuminnga saqqummiussineq peqatigalugu saqqummiunneqartumi aatsitassaq piiagaq

aalajangersimasutut agguaqatigiissillugu kimittussuseqartoq annissuinissamut akuersissummik pisariaqartitsisoqarfiussasoq siunnersuutigineqarpoq.

### **3.3.2 Danmarkimut aamma Kalaallit Nunaannut IAEA-mit sillimaniarnermik nakkutilliinermut pisussaaffiit**

IAEA-p malittarisassiaasa assingi malillugit Danmark aamma Kalaallit Nunaat sillimaniarnermut nakkutilliinermik pisussaaffinnut ilaapput, taamaattoorli Danmarkimut tunngatillugu ataani nassuiaataasuni takusinnaasattut IAEA-mi sillimaniarnermik nakkutilliinermut isumaqatigiissut ilassutitullu protokoli IAEA-p, Euratomip aamma Euratomimi atomimik sakkuuteqanngitsutut naalagaaffiit akornanni isumaqatigiissutaapput, Kalaallit Nunaalli – Kalaallit Nunaat EU-mi imaluunniit Euratomimi ilaasortaangimmat – Kunngaqarfiup Danmarkip illugiilluni IAEA-mi sillimaniarnermik nakkutilliinermut isumaqatigiissutaanut, kiisalu ilassutitut protokolimut ilaavoq.

Sillimaniarnermik nakkutilliinermut pisussaaffiit pingaarnertut atomip nukinganik atortussiat ingerlatsiviillu, kiisalu atomip nukinganik ikummateqarfiup ineriartortinneranut pingaarutilittut pissutsinut allanut tunngatillugit IAEA-lu ilisimatitsissutinik agguaqatigiinnermut tunngapput. IAEA-mut tunngatillugu sillimaniarnermik nakkutilliinermut pisussaaffinniippat naalagaaffiit innuttanut pisussaaffiini pituttuisumik piumasagaatit, nalunaaruteqartarnermut misissuiartortunillu aqutissiuussisarnermut, Kunngaqarfik Danmarkimi sillimaniarnermik nakkutilliinermut akisussaaffeqartutut oqartussaaffiup toqqartorneranut, aammalu atomip nukinganik atortussianik naatsorsuinnermut nakkutilliinermullu suliaqarfissatut qarasaasiakkut naatsorsuiviliiorlunilu ingerlatsinermut tunngasut.

IAEA-p sillimaniarnermik nakkutilliinera pillugu 1. marts 1972-imi atuutilertumik Danmark IAEA-lu isumaqatigiissummik atsiuippat (INFCIRC 176). Isumaqatigiissut taanna Euratomimi atomimik sakkuuteqanngitsutut naalagaaffiit, Euratomip aamma IAEA-p akornanni sillimaniarnermik nakkutilliinermut isumaqatigiissummit (INFCIRC 193-imit) 21. februar 1977-imi atuutilersumik taarserneqarpoq. Illugiilluni sillimaniarnermik nakkutilliinissamik isumaqatigiissutaqqaartoq, malitsigisaatullu qulaani taaneqartutut EU-mi naalagaaffiit ilaasortat, Euratomip aamma IAEA-p akornanni isumaqatigiissutaasoq Kalaallit Nunaannut aamma atuuttuusimapput. EU-mit aamma Euratomimit Kalaallit Nunaata anineranut atatillugu Kunngaqarfiup Danmarkip aamma IAEA-p akornanni illugiilluni sillimaniarnermik nakkutilliinissamik isumaqatigiissutaqqaartumut Kalaallit Nunaat 31. januar 1985-imit atuutilertumut ilaaqqilerpoq. Danmarkimut aamma Kalaallit Nunaannut qulaani taaneqartutut sillimaniarnermik nakkutilliinissamut isumaqatigiissutit atomip nukinganik atortussiat sorsunnerunngitsumik atorneqarnerinik nakkutilliineq pillugu nalunaarut nr. 315, 27. juni 1972-imeersukkut atuutsitaasukkut (kingornatigut nalunaarut atuutsitaq 315/1972-imeersoq), atomip nukinganik ingerlatsiviit pillugit inatsit nr. 170, 16. maj 1962-imi (kingornatigut atomip nukinganik ingerlatsivinnut inatsit) § 8-mi tunngaveqartukkut Kunngaqarfik Danmarkimi atuuttuupput.

Sillimaniarnermik nakkutilliinermut siunertaq Danmarkimut aamma Kalaallit Nunaannut atuutsitatut sillimaniarnermik nakkutilliinermut isumaqatigiissutini artikel 28-mi nassuiarneqarput, tassaatillugit sakkunut atomitortunut, atomip nukinganik qaartiterutinut allanut, imaluunniit siunertanut ilisimaneqanngitsunut sorsunnerunngitsumit atomip nukinganik atortussianik annertuumik annertussusilinnik tikiffissarinngisanut nuussuisoqarnerata piffissaq eqqorlugu paasineqarnera, kiisalu piaartumik paasinninnissamut aarleqquteqarneq aqqutigalugu atomip nukinganik atortussianik taamatut atuinissamut qununarsaarinnissaq. Qulaani siunertarisat anguniarlugit IAEA-lu sillimaniarnermik nakkutilliinermut isumaqatigiissummik atsiugaqarsimasunut naalagaaffinnut tamanut assigiissumik IAEA sillimaniarnermik nakkutilliinermut siunertanik pingasunik nassuiaasimavoq:

- 1) Naalagaaffimmi atomip nukinganik atortussianik sulianillu nalunaarutaasimanngitsunik paasisaqarnissaq.
- 2) Ingerlatsivimmi atomip nukinganik atortussianik imaluunniit ingerlatsiviup avataani sumiiffinni nalunaarutaasimanngitsunik tunisassiornermik imaluunniit suliarinninnermik paasisaqarnissaq.
- 3) Ingerlatsivinni aamma ingerlatsiviit avataanni sumiiffinni atomip nukinganik atortussianik nalunaarutaasimasunik tikiffissarinngisamut nuussuisoqarneranik paasisaqarnissaq.

Kunngaqarfik Danmarkimi sorsunnerunngitsumik siunertanut atorneqartut annissugassatut, aamma fissilinnik immikkut ittutut atortussiat IAEA-mi sillimaniarnermik nakkutilliinermut pisussaaffinniittuunera Danmarkimut aamma Kalaallit Nunaannut atuutsitaasumi sillimaniarnermik nakkutilliinermut isumaqatigiissummi artikel 2-mi allassimavoq. IAEA-mi pisussaaffinniipputtaaq Kalaallit Nunaanni tunisassiarineqarsinnaassatut uranimik kimittorsagaq (aamma yellowcaketut ilisimaneqartoq), § 2, imm. 1, nr. 6-imut immikkut ittumik oqaaseqaatini nassuiarneqartoq. Danmarkimut aamma Kalaallit Nunaannut atuutsitatut sillimaniarnermik nakkutilliinermut isumaqatigiissummi artikel 34 (a) aamma 34 (b)-mi allassimasutut annissuinermi eqquusinermilu annertussutsimut, katitigaanermut tikiffigisassamullu tunngatillugu IAEA-mut ilisimatitsinissamik pisussaaffimmut uranimik kimittorsagaq ilaavoq. Pisussaaffik taanna atortussiaq immikkut ittumik sorsunnerunngitsumik siunertanut annissorneqarsimanngippat uranimik kimittorsagaannarmut pinnani, aammali uranimik thoriumimillu imaqtartut atomip nukinganik atortussianut (ilanngullugu piiagaasimasoq) naalagaaffimmut sakkunik atomitortunik atuinngitsumut toqqaannartumik imaluunniit toqqaannartuunngitsumik annissorneqartumut atuuttuavoq. Uranimik kimittorsagaq aallaaviatigut artikel 34 (c)-p nassatarisaanik IAEA-mi sillimaniarnermik nakkutilliinermut pisussaaffinni tamakkiisuni ilaangilaq, taanna annissuinermut atortussianut, imatut katitigaallutillu pitsaassuseqalersimasut ikummatinik sanaartornermut atorneqarsinnaalersunut, imaluunniit isotopiskimik atorsinnaanngorsagaalersunut tunngasuulluni. IAEA-mit tamakkiisumik sillimaniarnermik nakkutilliinissamut pisussaaffiit, ilanngullugit misissuiartortunut aqqutissiuisarnerit Danmarkimut aamma Kalaallit Nunaannut atuutsitatut sillimaniarnermik nakkutilliinermut isumaqatigiissutini artikel 42-45, artikel 48, artikel 49, artikel 51-58, artikel 62-67 aamma artikel 71-89-mit



tungaveqartinneqarput. Ataani immikkoortumi allassimasutut aamma ilassutitut protokilip nassatarisaanik uranimik kimittorsagaliornermut ilassutinik nalunaaruteqartarnissamut pisussaaffeqartoqarpoq.

Atomip nukinganik atortussiat atoqqitaaqqissinnaasut annikitsut, imaluunniit atomip nukinganik atortussiat atomip nukinganik suliassaangitsunut taamaallaat atorneqartut sillimaniarnermik nakkutilliinissamut pisussaaffinnit, ilanngullugit misissuiartortarnernit IAEA-mit ilanngunneqartassannginnerinik akuersissutaasinnaapput, takukkit Danmarkimut aamma Kalaallit Nunaannut atuutsitatut sillimaniarnermik nakkutilliinermut isumaqatigiissutini artikel 36-37.

Naalagaaffiik IAEA-lu sillimaniarnermik nakkutilliinermut isumaqatigiissummik atsiuisut tamatumani saniatigut atomip nukinganik ikummateqarfimmum tunngasunik nunami pineqartumi suliarisanut tamanut ilassutitut protokolimik isumaqatigiissutitut taaneqartartoq aqutigalugu IAEA-mut annertunerujussuartut allisamik ilisimatitsinermut misissuiartortitsinermut aqutissiuussisummik tunniussisinnaapput.

IAEA, Euratom aamma Euratomimi sakkunik atomitortunik pigisaqanngitsutut nunanut ilaasortaasut akornanni isumaqatigiissutikkut Danmarkimut tunngatillugu EU-mi ilaasortaannikkut Sakkut atomitortut siammartissannginneri pillugit Isumaqatigiissummumt ilassutitut protokoli atsiorneqarpoq, atuutilerluni ulloq 30. april 2004-mi (INFCIRC 193/Add.8). Kalaallit Nunaannut tunngatillugu Kunngaqarfiup Danmarkip aamma IAEA-p akornanni Sakkut atomitortut siammartissannginneri pillugit Isumaqatigiissummumt ilassutitut protokoli atsiorneqarpoq ulloq 22. marts 2013-imi (INFCIRC 176/Add.1). 2003-mi Danmarkimi atuutsitatut ilassutitut protokolimik akuersissuteqarnermi atomip nukinganik ingerlatsivinnut inatsimmi § 8-mi tunngaviliineq ilassutitut protokolimi sillimaniarnermik nakkutilliineq pillugu nukittorsakkatut aalajangersakkanut matussusiinissaanut aamma naammattuusoq, nakkutilliinerup nukittorsakkap aqunneqarneranut tunngavittut nalunaarussiaq 315/1972 atuuttoq naammattuusoq, kiisalu Kalaallit Nunaata danskit inatsisaannut ilaasoq nalilersuutigineqarpoq.

IAEA-p ilassutitut protokolianik atsiuisimasutut sakkunik atomitortunik peqanngitsutut nunat atomip nukinganik ikummateqarfimmik tapersersuisunik nunami pineqartumi timitalittut ingerlatsiviini sumiiffinnilu sunut tamanut IAEA-mut ilisimatitsinissamut aammalu IAEA-mit misissuiartortunut aqutissiuinissamut pisussaaffeqarput. Tamanna Danmarkimut aamma Kalaallit Nunaannut Kunngaqarfiup Danmarkip ilassutitut protokoliinut atuuttut malillugit makkuninnga imaqarpoq:

- IAEA-p sinniisuinut paasissutissiineq, taakkunungalu naalagaaffiup atomip nukinganik ikummateqarfiani ilaatitanut tamanut, uranimik aatsitassarsiortoqarfinnit atomip nukinganit atortussianut eqqakkanut, sumiiffinnullu allanut atomip nukinganik atortussianit atomip nukinganik atuinerusuunngitsaqarfinnut aqutissiuinissaq,
- sumiiffimmi imaluunniit ingerlatsivittut sumiiffimmi illut tamaasa pillugit paasissutissiineq, kiisalu piffissami sivikitsumi nalunaaruteqareerluni IAEA-p tassunga aqutissiuunneqarsinnaanera,

- atomip nukinganik atortussianik ilaqaangitsumik atomip nukinganik ikummateqarfimmi naalagaaffiup ilisimatusarnikkut ineriartortitsinikkullu suliarisaat pillugit IAEA-p sinniisuinut paasissutissiineq, taakkunungalalutiq aqutissiuinissaq,
- atomip nukinganut tunngasunik atortunik atortussianillu mianersuussassanik suliaqarneq annissuinerlu pillugit paasissutissiineq, aammalu naalagaaffimmi suliaqarfittut eqqussuivittullu sumiiffinnut IAEA-p sinniisuinut aqutissiuinissaq,
- IAEA-mit pisariaqartutut missiliuutigineqarpat sumiiffiit nalunaarsugaasut avataanni avatangiisinit misissugassanik IAEA-p katersuinissaa, aamma
- IAEA-mit misissuiartortartunik toqqartuinnermut, visanik atugassiinnermut, aamma nunat tamalaani pilersitatut attaveqaqatigiinnermut aaqqissuussanik IAEA-mit atuinnermut ingerlassat pisariillisakkat.

Illassutitut protokolimi artikel 2.a.(v)-p nassatarisaanik Kalaallit Nunaanni atomip nukinganik atortussianik paaasoqarsinnaanera aamma uranimik kimittorsagakkamik tunisassiorfittut ingerlatsivik uranisiorluni aatsitassarsiorfiit aamma tunisassiorfittut ingerlatsiviit pillugit nalunaaruteqartarnissamut pisussaaffinnut ilaaneri erseqqissaavigineqarsinnaapput, ilanngullugit sumiiffik, suliaqarnikkut killiffigisaq, ukiumoortumik missiliuutitut tunisassiorsinnaassuseq, kiisalu naalagaaffimmut ataatsimoortillugu ukiumoortumik tunisassiorneq. Saniatigut aatsitassarsiorfinni imaluunniit tunisassiornermik ingerlatsivinni ataasiakkaani ukiumoortumik tunisassiarisat pillugit IAEA paasissutissanik qinnuteqarsinnaavoq. Sillimaniarnermik nakkutilliinnermut isumaqatigiisummi artikel 34 (c)-mut ilaangitsumik uranimik kimittorsakkamik tunisassiorqarpat imaluunniit annissuisoqarpat, taamaalilluni oqaatigineqartutulli annisukkatut atortussat paasineqarlutik, ikummatissiornermut imaluunniit isotopiskimik atorsinnaangorsaanermut atugarisassanngorlugu suli imatut katitigaallunilu pitsaassuseqalinngitsumik, illassutitut protokolimi artikel 2.a.(vi)-ip malitsigisaanik atomip nukinganik atortussiap annertussusaanik, katitigaaneramik naatsorsuutigisatullu atugaanissaanik IAEA-mut nalunaaruteqarnissamut pisussaaffeqarpoq, ilanngullugit sumiiffimmi urani 10 tonsit imaluunniit thoriumi 20 tonsit sinnerlugit peqartoqassappat. Ukiut tamaasa naalagaaffimmut tassunga urani 10 tons imaluunniit thorium 20 tons annertunerusorluunniit pineqartillugit atomip nukinganut tunngasuunngitsunut siunertanut annisukkatut atortussiat annertussusaat, katitigaaneri aamma annissuinnermut tikiffissaq pillugit naalagaaffiit annissuinnerminni IAEA-mut ilisimatitsinissamut pisussaaffeqarput. Pisussaaffigisami tassani aatsitassaq piiagaq ilaangilaq.

Danmarkimut aamma Kalaallit Nunaannut atuutsitatut Kunngeqarfiup Danmarkip illassutitut protokiliini artikel 2. (vii) malillugu sillimaniarnermik nakkutilliinnermut isumaqatigiisummi artikel 36 (b) malillugu IAEA-mi sillimaniarnermik nakkutilliinnermik atuiffiussanngitsutut akuerineqarsinnaagaluartut, imaluunniit artikel 37 malillugu atuiffiussanngitsutut akuerineqartut, atomip nukinganik atortussianut, atomillu nukinganik atuiffiussanngitsumut atomip nukinganik atortussianut annikinnerusunut, annertussutsit aalajangersimasutut aalajangiunneqarsimasut qaangersimassappatigit nalunaaruteqartarnissamut pisussaaffinnut aamma ilaapput.

4. april 2016

UPA2016/107

Ilanngussaq 1

IAEA-mit annertusisatut misissuiartortunut aqutissiuineq Danmarkimut aamma Kalaallit Nunaannut atuutsitatut ilassutitut protokolini artikel 4-9-mit takuneqarsinnaavoq.

#### 4. INATSISAASUT ATUUTTUT

##### 4.1 Danmarkimi atomip nukinganik atortussianik sillimaniarnermik nakkutilliinermik isumaginninneq

Danmarkimi sillimaniarnermik nakkutilliinermut akisussaaffik danskit EU-mi Euratomimilu ilaasortanerisa malitsigisaannik pingaarnertut Euratom aqputigalugu isumagineqarpoq. Euratomimi isumaqatigiissummi kapitali 7, artikel 77 malillugu atuisunit nalunaarutigisatut sorsunnerunngitsumut siunertanut naleqqiullugu aatsitassap piiakkap, annissugassatut aamma fissilini immikkut ittut atortussiap atorpeqassannginneri pillugit Kommissioni naalagaaffiit ilaasortat sinnerlugit qularnaariniassaaq. Euratomip iluani sorsunnerunngitsumut atomip nukinganik atortussianik Kommissionip nakkutilliinera (EU-mi) atomip nukinganik atortussiat piiarneqalernerannit, imaluunniit isumaqatigiisutip avataaniittumit nunamit eqqunneqarneranit aallartittarpoq. Euratomip iluani aatsitassaq piiagaq aamma atomip nukinganik atortussiap nassuiarneranut ilaavoq, tamannalu atomip nukinganik atortussianik IAEA-mi nassuiaataasumut allaanerussuteqarpoq.

Nalinginnaasumik naalagaaffinni aqqissuussivinnit isumagineqartaraluartut atomip nukinganik atortussianik naatsorsuisarnermik nakkutilliisarnermillu isumaginnittarnermik, IAEA-p, Euratomip siusinnerusukkullu taaneqartut naalagaaffiit ilaasortat sakkunik atomitortunik peqanngitsut akornanni 1977-imi atuutilersut isumaqatigiisutip nassatarisaanik EU-mi naalagaaffinnit ilaasortaasunit ataasiakkaanik nalunaaruteqartarnermik tunngaveqartumik Euratom suliarinnittuusarpoq.

Naalagaaffinni ilaasortani ingerlatsiviliortut taakkuninngalu ingerlatsisut inunnut suliffeqarfinnullu, tamatumalu saniatigut naalagaaffinni ilaasortaasuni atomip nukinganik atortussianik pigisaqarlutillu atuisunut sillimaniarnermik nakkutilliinermut piusussaaffiit Euratomimi isumaqatigiissummi artikel 78 aamma 79-imit inatsisilersugaavoq, ilanngullugu imaaliallaannaq naalagaaffinni ilaasortaasuni atuutsitaq Euratomimi peqqussut 302/2005. Peqqussummiippot Kommissionimut annikitsortalersukkatut unnerluuteqarnermut nalunaaruteqartarnermullu pisussaaffiit. Tassaappot naalagaaffiit ilaasortaasut pinnatik suliarinnittut Kommissionimut sillimaniarnermik nakkutilliinermut paasissutissanik nalunaarutiginnittartut, kingornatigut IAEA-mut Kommissionimit nalunaarutaasartunik.

Kommissionimit misissuiartortitat qaqugukkulluunniit sumiiffinnut tamanut, ilisimatitsissutitut atortussianut tamanut, kiisalu inunni tamani, atorfigisamikkut nakkutigisassanik atortussianik, atortunik imaluunniit ingerlatsivinnik suliaqartuusuni misissugaqarsinnaanerit Euratomimi isumaqatigiissummi artikel 81-imit malitsigisitaavoq. Inuit imaluunniit suliffeqarfiit pisussaaffiligaasunik pisussaaffiit unioqutissappatigut Kommissioni taakkununga pineqaatissiissutit aallartisarsinnaavai, takuuk Euratomimi isumaqatigiissummi artikel 83. Pineqaatissiissutit taakku sakkortussusaat malillugit aqqissugaappot: mianersoqqussut, immikkut ittumik iluaqutissat, soorlu aningaasaqarnikkut tapiissutit imaluunniit teknikkikkut ikiorsiissutit arsaarinnissutaaneri, suliffeqarfiup piffissami annertunerpaamik qaammatini sisamani Kommissionip aamma naalagaaffiup suliffeqarfiup najoqputaqarfigisaata akornanni ataatsimoorullugu isumaqatigiisut naapertorlugu inummit imaluunniit inunnit toqqartukkamit/-nit

aqunneqalernissaa, kiisalu annissuineramik imaluunniit fissilini immikkut ittunik atortussianik tamakkiisumik imaluunniit ilaannakortumik arsaarinnineq. Pineqaatissiissutit tamakku piviusunngortinnissaannik naalagaaffiit ilaasortat isumaginnittussaapput.

Danmarkimut atuuttutut ilassutitut protokolimut, aammalu IAEA-p, Euratomip naalagaaffiillu ilaasortat sakkunik atomitortunik peqanngitsut akornanni atsiugaasumut naleqqiullugu pineqartoq tassaavoq isumaqatigiissut akulerussatut taaneqartartoq, taamaalilluni suliaasaqarfiit aalajangersimasut EU-p piginnaasaqarfianniillutik, ilassutitullu protokolimi suliaasaqarfiit allat naalagaaffiit ilaasortaasut piginnaasaqarfianniillutik. Atomip nukinganik atortussianut ingerlatsivinnullu tunngasutut ilassutitut protokolimi aalajangersakkat EU-p piginnaasaqarfianniippat, ilassutitulli protokolimi aalajangersakkat allat atomip nukinganik atortussianut tunngasut naalagaaffiit ilaasortat piginnaasaqarfianniillutik, ilanngullugit atomip nukinganik ikummateqarfimmut ineriartortitsinissamik pilersaarutit, atomip nukinganik atortussianik atuisoqarfiunngitsuni ineriartortitsinermik ilisimatusarnermillu suliarisat, kiisalu atomip nukinganik ikummateqarfimmut tunngasunik marloqiusumik atugaqarfiusunik tunisassianik mianersuussassanik aalajangersimasunik sanaartornerit. Taamaattorli ilassutitut protokolimut Ilanngussaq III-p Danmarkimut atuutsitaasup naalagaaffiup ilaasortaasup akisussaaffeqartup kissaatigissappagu pineqaatissiissutit taakku piviusunngortinnissaannik Kommissionimut nuunneqarsinnaapput, tamannalu Danmarkimut tunngatillugu pisimavoq. Taamaalilluni atomip nukinganik atortussianut tunngatillugu paasissutissat pisariaqartut tamaasa Kommissionip katersugarai, kiisalu Danmarkimit paasissutissat pisariaqartinneqartut sinneri pissarsiarisasrlugit, Danmarki sinnerlugu IAEA-mut nassiuteqqinneqartartut.

Euratomimi isumaqatigiissummit, aamma Euratomimi peqqussut 302/2005-imit kiisalu IAEA-mit malittarisassat malitsigisaattut sillimaniarnermik nakkutilliinermut pisussaaffiit Danmarkimi pingaarnertut siusinnerusukku Forskningscenter Risømit, maannakku Dansk Dekommissioneringimit Euratomimi peqqussut 302/2005 tunngavigalugu isumagineqarput. Dansk Dekommissioneringip nammineq akisussaaffeqarfiinut atomip nukinganik atortussianut tunngatillugu, aammalu danskini oqartussaasoqarfiit, sullissiviit suliffeqarfiillu il.il. allat akisussaaffeqarfigisaattut atomip nukinganik atortussianut tunngatillugu Dansk Dekommissionering Kommissionimut qaammatikkaartumik nalunaaruteqartartuuvoq. Suliarisat piviusutut atomip nukinganik atortussiat annertussusaannik, inissisimaffigisaannik atornerarnerannillu naatsorsuutinik ingerlatsisarnermik imaqarpoq. Saniatigut atomip nukinganik atortussialinni danskit suliffeqarfiutaannik sillimaniarnermik nakkutilliinermut misissuisinnaanerni Dansk Dekommissioneringip sillimaniarnermik nakkutilliinermik sulisorisai peqataasarput.

Saniatigut annissuisartut Nuclear Supplier Groupip immikkut ittutut mianersuutassatut tunisassianik allattuiffiani ilaasunik annissugassat, imaluunniit fissilini immikkut ittutut atortussiat annissorneqarsimassappata Erhvervsstyrelse kvartalikkaartumik Kommissionimut nalunaaruteqartarpoq.

Nunanut allanut Ministereqarfik 1996-imiilli Danmarkimi sillimaniarnermik nakkutilliinermut nalunaaruteqartarnermik isumaginninnissamut, aammalu Euratomimi suleqatigiinnerup ataani danskit soqutigisarisaanik isumaginninnermut akisussaaffeqarpoq. Piviusuni 2013-imi upernaq tikillugu atomip nukinganik suliarisanut tunngatillugu Energistyrelse ukiumoortumik nalunaaruteqartarnermik isumaginnittarsimavoq (kingornatigut Nunanut allanut Ministereqarfiup tigusaanik).

Taamaalilluni IAEA-mi ilassutitut protokolip ataani ukiumoortumik nalunaaruteqartarnermik piunasaqaammut tunngatillugu atomip nukinganik atortussianik atuisoqarfiunngitsumik atomip nukinganik ikummateqarfimmut tunngasunik suliat pillugit paasissutissanik Nunanut allanut Ministereqarfik pissarsiortarpoq. Paasissutissat taakku Kommissionimut ingerlateqqinneqartarput. Tamakku saniatigut Erhvervsstyrelse atortunik aamma atomip nukinganik atortussiaanngitsunik aalajangersimasunik annissuinnermut eqqussuinnermullu tunngatillugu IAEA-mut kvartalikkaamik paasissutissanik toqqaannartumik nalunaaruteqartarpoq.

Taamaalilluni IAEA-mut danskinit nalunaaruteqartarnermut pisussaaffiit Kommissionimit pingaarnertut isumagineqartarput, taannalu aamma EU-p iluani sillimaniarnermik nakkutilliinermut suliaassanik isumaginnittuusarluni. Tamakku ilutigalugit IAEA suleqatigalugu Kommissioni misissuinnermik ingerlassaqartarpoq, taamaattumillu Danmarkimi IAEA-mit aamma Kommissionimit (Euratom) misissuisoqartarluni.

#### **4.2 Kalaallit Nunaanni atomip nukinganik atortussianik sillimaniarnermik nakkutilliinermik isumaginninneq**

Atomip nukinganik atortussianik sorsunnerunngitsumik atuinnermik nakkutilliinermut Kalaallit Nunaannut malittarisassatigut tunngavigisat atuuttut tassaapput atomip nukinganik ingerlatsivinnut inatsimmi § 8 aamma § 38, imm. 3, kiisalu atuuttut nalunaarut 315/1972, atomip nukinganik atortussianik sorsunnerunngitsumik atuinnermik nakkutilliineq pillugu nalunaarut nr. 98, ulloq 5. marts 1974-ikkut allanngortinneqartoq.

Atomip nukinganik ingerlatsivinnut inatsimmi § 8-mi allassimavoq atomip nukinganik ingerlatsiviit il.il. taamaallaat sorsunnerunngitsumik siunertanut atorneqarnerinik nunat tamalaani isumaqatigiissutit nakkutilleeqqusiffiini tassannga pisariaqartitatut najoqqutassat piviusunngortinnissaannut, ilanngullugulu isumaqatigiissutini ilaasutut nakkutilliinermik inunnut suliarinnittunut statsministeri ingerlatsivinnut pisariaqartitatut misissuinnermik suliaqarnissamut aqutissiuisinnaatitsisinnaasoq. Inatsit malillugu najoqqutassani suliarineqartuni aalajangersakkanik malittarisassianik unioqqutitsinnermut akileeqqusissummik imaluunniit paarnaarussaannissamik pillaanissamik aalajangiinissamut atomip nukinganik ingerlatsivinnut inatsimmi § 38, imm. 3 periarfissiivoq.

Ullumikkut Kalaallit Nunaannut atuuttuusumik Kunneqarfik Danmarkimi sillimaniarnermik nakkutilliinermut isumaqatigiissutip 1972-imeersup atuutsilernissaa siunertaralugu nalunaarut atuuttoq 315/1972 atomip nukinganik ingerlatsivinnut inatsimmi § 8 aamma § 38, imm. 3 tunngaveqartumik suliarineqarpoq. Nalunaarummi atomip

nukinganik atortussiat imatut paasineqarput: urani, plutonium aamma thorium, suliarineqanngitsut – aatsitassat piiakkat eqqaassanngikkaanni – imaluunniit suliarineqartut, saviminertut ilusillit, akuukkat, imaluunniit akoorutissatut attavilikkat.

Nalunaarummi § 2-mi allassimavoq Atomenergikommissionimit akuerineqaqqaarani atomip nukinganik atortussiat pigineqaqqusaanngitsut. Saniatigut § 3-mi allassimalluni akuersissummi aalajangersarneqartutut malittarisassat malillugit atomip nukinganik atortussianik pigisallit:

- 1) atomip nukinganik atortussiaatinik naatsorsuinermit ingerlatsisassatut, aammalu – atomip nukinganik ingerlatsivinnut tunngatillugu – ingerlatsinermit pissutsinik nalunaarsuisassasut,
- 2) nr. 1-.imi pissutsit pineqartut pillugit nalunaarusianik nassiussuisassasut,
- 3) atomip nukinganik atortussianik eqqussuineq pillugu atomenergikommissionimut sioqqutsisumik nalunaaruteqartassasut, kiisalu
- 4) nakkutilliinerit ingerlanneqarnerini peqataasassasut.

Nakkutilliinermit tunngatillugu § 4-mi allassimavoq § 2 malillugu akuersissummi aalajangerneqartutut malittarisassiat malillugit Atomenergikommissionimit tassunga pisussaataasutut inuit suliffeqarfinnut il.il. atomip nukinganik atortussiaateqartunukarsinnaasut, nakkutilliinerimullu suliassanik pisariaqartunik suliarinnissinnaasut, ilanngullugit misissuinerit, uuttortaanerit misissugassanillu tigooraanerit.

Tamatuma saniatigut Atomenergikommissioni § 5-ip nassatarisaanik atomip nukinganik atortussianik pigisaqarnermit malittarisassianik (§ 3), kiisalu taakkuninnga nakkutilliinermit malittarisassianik (§ 4) allannguisinnaavoq.

Ilanngullugu nalunaarummi § 6-imi allassimavoq Atomenergikommissionimit akuersissuteqarani atomip nukinganik atortussianik annissuequsaasoqanngitsoq. Kiisalu § 7-imi allassimasutut aqutsinermit oqartussaasunut qaffasinnerusunut Atomenergikommissionip aalajangiussineri ingerlateqqinneqarsinnaanngitsut erseqqissarneqarsinnaavoq.

Eqqartuussisoqarfinit suliaqarnissamut nalunaarummi malittarisassianik aalajangersaasoqarsimannigilaq, taamaattorli atomip nukinganik ingerlatsivinnut inatsimmi § 38, imm. 3-mik tunngaveqartumik tamatumunnga periarfissaqarpoq.

## 5. SAMMISAT PINGAARNERIT

### 5.1 Siunertat aamma nassuiaatit il.il.

Sillimaniarnermik nakkutilliineq pillugu ataatsimoorussatut nalunaarummi allassimasutut Kalaallit Nunaanni atomip nukinganik atortussianik sillimaniarnermik nakkutilliineq pillugu inatsisissatut siunnersuummik naalagaaffik saqqummiussinissamik siunertaqarpoq, Atomip nukinganik sakkunik siammarterinnginnissaq pillugu Isumaqatigiissutip aamma IAEA-p ataani Kunngearfiup Danmarkip sillimaniarnermik nakkutilliinermut pisussaaffiisa naapertuutsinnissaasa qulakkeernissaat, kiisalu suliassaqarfimmi nunat tamalaani najoqqutassiat sakkortunerpaat, ilaatigut soorlu Australiami Canadamilu takuneqarsinnaasut malittarinissaasa qulakkeernissaat siunertaralugit.

Taamaattumik inatsimmi § 1-imi siunertamut aalajangersakkap pingaarnertut ilaatitanut marlunnut tunngasuunissaa siunnersuutaavoq; sorsunnerunngitsumut siunertanut atomip nukinganik atortussiat atugaanissaasa qulakkeernissaat, aammalu nunat tamalaani sillimaniarnermik nakkutilliinermut pisussaaffimminik Kunngearfiup Danmarkip naapertuutsinerata qulakkeernissaa.

Ilaatitaq siulleg atomip nukinganik atortussiat unioqqutitsilluni sakkoqarnermik ingerlassani ilaatissannginnerinut imaluunniit qunusiarinnilluni anguniagaqarnermut atatillugu atorpeqassannginnerinut qulakkeerinissamut Kunngearfiup Danmarkip pingaarnertullugu pisussaaffianut tunngapput. Ilaatigut IAEA-mit aalajangersorneqartunik naalagaaffiit innuttaannut pisussaaffinnut pituttuisutut minnerpaamik najoqqutarisitanut naleqqiullugit ingerlaqqittunik sillimaniarnermik nakkutilliinermut iliuuseqarnissamik pisariaqartitsisoqarsinnaaneramik Kunngearfik Danmark, nunanut allanut, illersornissamut imaluunniit sillimaniarnermut politikkikkut isumaliutaasut aallaavigalugit nalilersuinnaassaaq. Tamanna uranimik nalunaarusiap inassutigisaanit, aamma sillimaniarnermik nakkutilliineq pillugu ataatsimoorussatut nalunaarummit malitsigisaavoq, imm. 3.3.1-imilu nassuiarneqarpoq. Ilaatitap aappaata nunat tamalaani sillimaniarnermik nakkutilliinermut pisussaaffimminik Kunngearfiup Danmarkip naapertuutsinissaanik innersuussivoq, tassani nunat tamalaani sakkussakilliliinermut siammarterinnginnissamullu iliuutsimut Atomip nukinganik siammarterinnginnissaq pillugu Isumaqatigiissut tunngaviulluni, aammalu sillimaniarnermik nakkutilliinissamut aaqqissuussiviliornissamik innersuisuulluni, siullermik pingaarnertullu IAEA-mi sillimaniarnermik nakkutilliinermut isumaqatigiissut ilassutitullu protokoli aqqutigalugit, Kalaallit Nunaannut Kunngearfik Danmarkip sillimaniarnermik nakkutilliinermut pisussaaffiit innuttaannut pisussaaffittut pituttuisukkut atuutsinneqalersimalluni.

Atomip nukinganik atortussianik nassuiaammut tunngatillugu IAEA-p atomip nukinganik atortussianik nassuiaasua tassaavoq nalunaarut atuuttoq 315/1972, takuuk Kalaallit Nunaannut atuutsitatut Kunngearfiup Danmarkip sillimaniarnermik nakkutilliinermut isumaqatigiissutaani artikel 98, aatsitassanik piiakkanik ilaqanngitsoq. Euratomimi peqqussut 302/2005-imut assingusumik Kalaallit Nunaanni sillimaniarnermik nakkutilliinermut malittarisassianik, ilanngullugulu Danmarkimi eqqartuussivinni atuuttunik



nassuiaatinik siunnersuuteqartoqartoq sillimaniarnermik nakkutilliineq pillugu ataatsimoorussatut nalunaarummi allassimavoq.

Aatsitassat piiakkat imaluunniit tunisassiarineqartut sillimaniarnermik nakkutilliinermut ilaasut Euratomimi isumaqatigiisummi artikel 77-imi aamma artikel 79-imi allassimavoq. Ilanngullugu Euratomimi peqqussut 302/2005-imi allassimavoq artikel 24-25 aatsitassanik piiasumut tunngatinneqartuusut. Kalaallit Nunaannut atuutsitatut Kunngeqarfik Danmarkip ilassutitut protokolia aamma uranisiorluni aatsitassarsiorfittut ingerlatsivinnut nalunaaruteqartarnissamik pisussaaffinnik misissuiartortunullu aqutissiuisarnissanik aalajangersaammat aatsitassat piiakkat atomip nukinganik atortussianik nassuiaammi ilaasariaqarnera nalilersuutaavoq.

Taamaattumik § 2-mi atomip nukinganik atortussianik inatsisissatut siunnersuutip nassuiaassutaa atomip nukinganik atortussianik, aatsitassanik piiakkanik, annissugassatut aamma fissilini immikkut ittutut atortussianik ilaqartunik Euratomip nassuiaataata assigissagaa siunnersuutigineqarpoq, takuuk Euratomimi isumaqatigiisummi artikel 197. Inatsisip nassatarisaanik atuutsilersinneqartussatut aqutsinikkut najoqqutassat atomip nukinganik nassuiaammik tassannga, kiisalu Euratomimi isumaqatigiisummi aamma Euratomimi peqqussut 302/2005-imi aalajangersakkatut sillimaniarnermik nakkutilliinermut tunngatitatut nassuiaatit sinnerinik aallaaveqassaput.

Sillimaniarnermik nakkutilliinermut oqartussaasoqarfiit ilusaannut tunngatillugu suleqatigiinnissap pilersinnissaa aamma Kalaallit Nunaannut sillimaniarnermik nakkutilliinerup isumaginissaanut aqutsinikkut aqqissuussiviup pisariaqartinneri uranimik nalunaarusiap suussusersivai. Sillimaniarnermik nakkutilliineq pillugu ataatsimoorussatut nalunaarummi allassimavoq sillimaniarnermik nakkutilliinermut naalagaaffiup oqartussaasoqarfiatut Nunanut allanut Ministereqarfiup, aamma Upalungaarsimanermut Aqutisioqarfiup (Beredskabsstyrelsen) sillimaniarnermik nakkutilliinermut tunngatillugu danskit suliassaasa agguataarnissaat suliffeqarfiit iluanni erseqqinnerusumik isumaqatigiissutigissagaat. Taamatuttaaq sillimaniarnermik nakkutilliinermut siunnersuutigisatut malittarisassiat piviusunngortinnissaat pillugit Inuussutissarsiornermut, Suliffeqarnermut Niuernermullu Naalakkersuisoqarfillu qanimut suleqatigiinnissaq tunngavigineqarpoq. Ilanngullugu sillimaniarnermik nakkutilliineq pillugu ataatsimoorussatut nalunaarummi allassimavoq Danmarkimi aamma Kalaallit Nunaanni sillimaniarnermik nakkutilliinermut oqartussaasoqarfiit eqqunngitsumik sunniiniutinit atuuffimmikkut kiffaangissuseqassasut, takukkit IAEA-mi kiffaangissuseq aamma inatsisiliortutut atuuffinnit immikkoortitsineq pillugit najoqqutassiat. Aammattaaq kiffaangissuseqarlutik atuuffimminnik sillimaniarnermik nakkutilliinermut oqartussaasoqarfiit suliaqarsinnaanerannut pingaarutilittut tunngavigisaq tassaasq pisariaqartitatut isumalluuteqarnissaat aammalu pisariaqartitatut teknikkikkut piginnaasaqarnissaat naalagaaffiup aamma Naalakkersuisut akornanni isumaqatigiissutaavoq.

Oqartussaasoqarfiit ilusaanni Kunngearfimmi Danmarkimi sillimaniarnermik nakkutilliinermut Nunanut allanut Ministereqarfik oqartussaasutut Atomip nukinganik sakkunik siammarterinnginnissaq pillugu Isumaqatigiissummit aamma Kalaallit Nunaannut atuutsitatut Kunngearfiup Danmarkip sillimaniarnermik nakkutilliinermut isumaqatigiissutaanit ilassutitullu protokolianit malitsigisaasutut sillimaniarnermik nakkutilliinermut pisussaaffiit atuutsilernerinik qulakkeerisussaavoq. IAEA-lu najoqqutassalittut suleqatigiinnermik Nunanut allanut Ministereqarfik isumaginnippoq, IAEA-p sillimaniarnermik nakkutilliinerata atuutsilerneranut atugassiinissamut IAEA-mik suleqateqarnissaq pinngitsuugassaanani, takuuk Kalaallit Nunaannut atuutsitatut Kunngearfiup Danmarkip sillimaniarnermik nakkutilliinissamut isumaqatigiissutaani artikel 3.

Kalaallit Nunaannut atuutsitatut Kunngearfiup Danmarkip sillimaniarnermik nakkutilliinermut isumaqatigiissutaata ilassutitullu protokoliata tamakkiisumik atuutsinnissaanut IAEA-mit piumasarineqartutut atomip nukinganik atortussiat, ingerlatsiviit suliarisallu pillugit IAEA-mut paasissutissanik eqqortunik tamakkiisunillu katersuinissamut piffissarlu eqqorlugu tunniussaqaarnissamut Nunanut allanut Ministereqarfik qullersatut akisussaaffeqareerpoq. Kalaallit Nunaanni atomip nukinganik atortussianik, taakkunungalunngatunuk ingerlatsivinnik, atortunik sulianillu Kunngearfiup Danmarkip nakkutilliisinaanissaa inatsisissatut siunnersuutikkut qulakkeerneqassaaq. Taamaattorli Kalaallit Nunaannut Kunngearfiup Danmarkip ilassutitut protokolia atuuttoq malillugu ilassutinik nalunaaruteqartarnissamut pisusaaffinnik aalajangersimasunik peqarpoq, taakkunani paasissutissat oqartussaasoqarfinit allanit pissarsiarineqartassallutik. Ataqaatigiiffimmi tassani piumasarineqartutut Naalakkersuisullu aamma pingaarutilittut naalagaaffiup oqartussaasoqarfiannik ataqaatigiissaarinissamik Nunanut allanut Ministereqarfik qullersatut akisussaasuussaaq. Ilaatigut annissuinermik nakkutilliisartutut oqartussaasoqarfimmit, atomip nukinganik atortussianik, aammalu atomip nukinganik ikummateqarfimmi atugassanik atortut aalajangersimasut pillugit ilisimatitsissutinut tunngasut ilanngullugit paasissutissanik Nunanut allanut Ministereqarfik pissarsiortariaqartassaaq. Tamatuma saniatigut ilaatigut atomip nukinganik ikummateqarfimmut tunngatitanik nalinginnaasunik ukiunut qulinut ineriartortitsinissamut pilersaarutinut tunngasunik Naalakkersuisunit paasissutissanik Nunanut allanut Ministereqarfik aamma pissarsiaqartariaqartassaaq. Paasissutissat tamakku kvartalikkaartumik imaluunniit ukiumut ataasiartumik tunngaveqarluni pissarsiarineqartassapput.

Misissuinermissaaq IAEA-mut aqutissiinermit teknikkikkullu tapersersuinermit Nunanut allanut Ministereqarfiup qullersatut akisussaaffeqarfik isumagisaqarfigaa, ilanngullugit Kalaallit Nunaannut atuutsitatut Kunngearfiup Danmarkip sillimaniarnermik nakkutilliinermut isumaqatigiissutaata ilassutitullu protokolia naapertorlugu nakkutilliinissamik suliaqarnissat ingerlannissaannut IAEA-mut aqutissiinissaq. Tassunga ilaavoq misissuierortartutut akuerisanut aqutissiinissap akuerinissaa, aammalu pisariaqassapput Kalaallit Nunaannut isissutissatut visumimik tunniussinissap isumaginissaa. Tassungattaq ilaavoq misissuinermit atatillugu IAEA-mut qullersanit

attaveqarnerit, kiisalu Upalungaarsimanermut Aqutsisoqarfimmut ingerlateqqitatut attaveqartoq, taanna tassaalluni IAEA-mit misissuiartornermit attorneqartunit Naalakkersuisunut, oqartussaasoqarfinnullo, suliffeqarfinnut inunnullu allanut attaveqarnissamut akisussaasuusoq, IAEA-llu misissuiartorneranik atortarialinnik atugassiisuusoq.

Kalaallit Nunaanni atomip nukinganik atortussiat piiarneqartut nunat tamalaani nuussuinerit sioqqullugit naalagaaffiit akornanni naalagaaffinnut tiguisisuusunut isumaqatigiissutini Kunngeqarfik Danmarki sinnerlugu nunanut allanut ministerip ilaassanera ilanngutissaaq.

Tamatuma saniatigut sillimaniarnermik nakkutilliinermik suliassaqarfimmi nunat tamalaani sullissisarfinnik suleqateqarnermi nunanut allanut ministereqarfik peqataasarpoq, IAEA-p Euratomillu saniatigut ilaatigut tassaasinnaasut Nuclear Suppliers Group, Zangger-komiteen aamma FN.

Inatsisissatut siunnersuut malillugu Kalaallit Nunaanni sillimaniarnermik nakkutilliinermut tunngatillugu Upalungaarsimanermut Aqutsisoqarfik suliassanik isumaginnissaaq. Peqqinnissamut Aqutsisoqarfik (Sundhedsstyrelsen)/Statens Institut for Strålebeskyttelse peqatigalugit Danmarkimi aamma Kalaallit Nunaanni Upalungaarsimanermut Aqutsisoqarfik atomip nukinganik nakkutilliisartutut oqartussaasooreerpoq, taamaalillunilu assingusutut ilusilinnik suliassanik arlalinnik isumaginnittareerluni; atomip nukinganik ingerlatsivinnut piumasaqaatinik, aamma ingerlatsinernut il.il. atugassarititanik aalajangersaanerit, malittarisassianik, piumasaqaatinik atugassarititanillu atuuttunik naapertuutsinermik misissuillunilu nakkutilliisarnert, ilanngullugit misissuiartornermik ingerlassaqartarnek. Sillimaniarnermik nakkutilliinermut tunngatillugu Upalungaarsimanermut Aqutsisoqarfimmit suliassat tassannga pissusissamisoortutut annertusaanerussaaq.

Inatsisissatut siunnersuut malillugu sillimaniarnermik nakkutilliinermik suliassanut tunngasunik Upalungaarsimanermut Aqutsisoqarfiup taamaallaat pisussaaffinnik nutaanik tunineqassaaq. Atomip nukinganik atortussianik sillimaniarnermik nakkutilliinermut Upalungaarsimanermut Aqutsisoqarfiup assingututut ilusilittut suliassareriigai attuumassuteqanngillat, taamaattumillu suliassa taakku inatsisissatut siunnersuummit attorneqanngillat, taamaattumillu annertusineqanngillat.

Inatsisissatut siunnersuut malillugu Upalungaarsimanermut Aqutsisoqarfiup suliassat isumagisassai ilaatigut Kalaallit Nunaanni atomip nukinganik ingerlatsivinnut atortussianullu qarasaasiakkut naatsorsuuserivimmik nakkutilliinermillu aaqqissuussivilornermik ilaqassapput, tassanngalu Inuussutissarsiornermut, Suliffeqarnermut Niuernermillu Naalakkersuisoqarfik peqatigalugu ingerlatsissalluni, kiisalu sillimaniarnermik nakkutilliinermut pisussaaffiit naapertuutsinnerinik misissuisarlunilu nakkutilliisassalluni, misissuiartortarnerit ilanngullugit.

Kalaallit Nunaanni atomip nukinganik atortussianik tamanik naatsorsuutininik ingerlassaqarnermut nakkutilliinermullu qarasaasiakkut naatsorsuuserinermut nakkutilliinermillu aaqqissuussivik tassaavoq qitiusutut sakkussaq, ilanngullugit tamakkuninnga atuillunilu nuussuinerit, eqqussuinerimik annissuinerimillu nakkutilliinerit, kiisalu ingerlatsiviit, aamma ingerlatsiviit avataanni sumiiffiit pillugit paasissutissanik aqutsinerit. Kalaallit Nunaanni atomip nukinganik atortussianik nassuiaasoqarnerup nakkutilliinerullu qulakkeernissaannut naatsorsuuserinermut nakkutilliinermullu aaqqissuussivik tigussaasumik peqataassaaq, taamaalillutik atomip nukinganik atortussianik annaasaqarsinnaanerit, imaluunniit akuersissuteqanngitsumik atuinerit, imaluunniit atomip nukinganik atortussianik piiaanerit paasineqarsinnaassammata. Taamaalilluni Kalaallit Nunaannut atuutsitanik Kunngeqarfiup Danmarkip sillimaniarnermik nakkutilliinermut isumaqatigiissutaata ilassutitullu protokoliata nassatarisaannik Kunngeqarfiup Danmarkip sillimaniarnermik nakkutilliinermut pisussaaffigisanut naapertuutsitsinissaanut pisariaqartitatut tunngavigisassaq pilersinneqassaaq.

Qarasaasiakkut naatsorsuuserinermut nakkutilliinermullu aaqqissuussivimmi nalunaarsuinerit atomip nukinganik atortussiat Kalaallit Nunaanniinneranni, aammalu nunat tamalaani nuussinernut atatillugu nunap tiguisup sillimaniarnermik nakkutilliisarfanut ilaalernissaat tikillugu tunngasuussapput. Tamatuma kingorna atomip nukinganik atortussiat Kalaallit Nunaannit nunamut tiguisumut nuussat naalagaaffiit akornanni naalagaaffinnik tigooraasunik isumaqatigiissutini aalajangersarneqartunik atortussianik tigusanik isumaginninnermut inatsisitigut pitussuisutut piumasaqaatini inatsisissatut siunnersuummi § 10, imm. 1-imi ilaatinneqassapput.

Qarasaasiakkut atomip nukinganik naatsorsuuserinermut nakkutilliinermillu aaqqissuussivimmiittussatut paasissutissat, kiisalu paasissutissanik nalunaarutigineqartunik misissuillunilu nakkutilliinerit ilaatigut atomip nukinganik atortussianik ingerlatsivinnillu pigisaqartunut tunngasuusutut sillimaniarnermik nakkutilliinermut pisussaaffinnut tunngasuupput, takukkit inatsisissatut siunnersuummi §§ 4-5, aamma inatsit malillugu atuutsilikkatut aqutsinikkut najoqqutassiat, kiisalu pineqartunut Upalungaarsimanermut Aqutsisoqarfimmit aalajangersarneqartutut nakkutilliinermut aalajangersakkat immikkut ittut, takuuk § 6.

Siunnersuut malillugu Upalungaarsimanermut Aqutsisoqarfik misissuisarlunilu nakkutilliisassaaq, takuuk inatsisissatut siunnersuummi § 8, soorlulusooq siunnersuut malillugu aqutsisoqarfik Kalaallit Nunaanni misissuinerit nalaanni IAEA-mit misissuiartortunut teknikkikkut tapersiillunilu malittarinninnissamik suliassanik isumaginnissalluni. Ilanngullugu inatsit malillugu, imaluunniit inatsisip nassatarisaanik atuutsilikkatut najoqqutassat malillugit sillimaniarnermik nakkutilliinissamut pisussaaffinnik atugassaqartitamut piumasaqaatinik atugassarititanillu – immikkut ittutut nakkutilliinermut aalajangersakkat – pillugit Upalungaarsimanermut Aqutsisoqarfiup aalajangiussineri nunanut allanut ministerimut maalaarutaasinnaanerat siunnersuutigineqarpoq.

Suliassat taasat saniatigut sillimaniarnermik nakkutilliinermut tunngasutut nunat tamalaani suleqatigiinnerni teknikkitut/sammisatut ilusilinnut oqallittarfinni arlalinni Upalungasimanermut Aqutsisoqarfiup peqataasarnissaa siulittuutigineqarpoq. IAEA-p saniatigut sillimaniarnermik nakkutilliinermik suliassa qarfimmi nunat tamalaani sullissivinnik suleqatigiinnermut ilaatigut ilaapput Euratom, Nuclear Suppliers Group, Zangger-komiteen aamma FN.

Inatsisissat siunnersuutigisat atuutsilernissaannut tunngatillugu nunatsinni oqartussaasunik pingaarutilinnik qanimut suleqatigiinnissaq, aammalu sillimaniarnermik nakkutilliineq pillugu ataatsimoorussatut nalunaarummi allassimasutut qitiusumit aalajangiussinernut tunngatillugu qanimut ataqatigiissaarisooqarnissaq tunngavigineqarput. Sillimaniarnermik nakkutilliineq pillugu ataatsimoorussatut nalunaarut tunngavigalugu § 3, imm. 3-mi siunnersuutigineqarpoq unnerluutinik, nalunaarutinik il.il. tigusaqarnermik nassiussisarnermillu, aamma misissuillunilu nakkutilliinermik suliassat isumaginissaannik ikiunnermik Upalungaarsimanermut Aqutsisoqarfimmik Inuussutissarsiornermut, Suliffeqarnermut Niuernermullu Naalackersuisooqarfiup ikiuisarnissaanik Naalackersuisunik isumaqatiginninni areerluni nunanut allanut ministeri pisussaaffiliisinnaasoq.

Taamaalilluni piumasarisanik unnerluuteqarnermik, nalunaaruteqarnermik, nalunaarusiornermik naatsorsuutinillu il.il. tigusaqartarnermut tunngatillugu sillimaniarnermik nakkutilliinermik suliaannik ilaasusannik inunntut suliffeqarfinnullu Inuussutissarsiornermut, Suliffeqarnermut Niuernermullu Naalackersuisooqarfiup pingaarnertut toqqaannartutullu attaveqarfiusalermissaa tunngavissiissutaavoq. Aammattaaq sillimaniarnermik nakkutilliineq pillugu ataatsimoorussatut nalunaarut malillugu ataatsimoorussatut naatsorsuuserinermut nakkutilliinermullu aaqqissuussivimmi suliaqartuusunit paasissutissat, ilisimatitsissutit nalunaarutillu Inuussutissarsiornermut, Suliffeqarnermut Niuernermullu Naalackersuisooqarfiup tatiginassusiinik akuerinnillunilu ilanngussuisarnissaa tunngavigisaavoq, taamaalilluni sillimaniarnermik nakkutilliinermut malittarisassianut atuuttunut suliaqartuusup naapertuutsitsineranik, ilanngullugit atomip nukinganik atortussiananik nalunaaruteqartarnermillu naatsorsuuteqarnermut tunngasunik qularnaarisarnermik ikiueqataassalluni.

Naalackersuisunik isumaqatiginninni areernergut nunanut allanut ministeri misissuillunilu nakkutilliinermik suliassat isumaginissaannut Upalungaarsimanermut Aqutsisoqarfimmik Inuussutissarsiornermut, Suliffeqarnermut Niuernermullu Naalackersuisooqarfiup ikiuinissaanut pisussaaffilersinnaalerpagut Inuussutissarsiornermut, Suliffeqarnermut Niuernermullu Naalackersuisooqarfiup sillimaniarnermik nakkutilliinermut ilaasumik aatsitassarsiorfimmi suliaqartumi aatsitassarsiornermik suliassa qarfimmi nammineq, assingusunik nakkutilliinermik suliassanik isumagisassa qartarnera iluaqutigineqassaaq.

Ataatsimoorussatut nalunaarut malillugu tassunga ilaliussatut Inuussutissarsiornermut, Suliffeqarnermut Niuernermullu Naalackersuisooqarfimmit sillimaniarnermik nakkutilliinermik misissuiartornermut suliarineqartunut malitseqartitsilluni naalackersuisooqarfik misissuisimanermik nalunaarummik Upalungaarsimanermut

Aqutsisoqarfimmut nassiunneqartussamik suliaqartassasoq tunngavigineqarpoq. Misissuisimanermik nalunaarut tunngavigalugu, aammalu Inuussutissarsiornermut, Suliffeqarnermut Niuernermullu Naalackersuisoqarfillu ataqatigiissaakkamik Upalungaarsimanermut Aqutsisoqarfik suliaqartuusumut malitsigisitamik pilersaarusiussaaq. Malitsigisitamik pilersaarut suliarinnittumut Inuussutissarsiornermut, Suliffeqarnermut Niuernermullu Naalackersuisoqarfimmit nalunaarutigineqassaaq. Upalungaarsimanermut Aqutsisoqarfiup suliaani sillimaniarnermik nakkutilliinermik misissuiartornermut aqutsisoqarfik misissuisimanermik nalunaarusiussaaq, kingornatigullu Inuussutissarsiornermut, Suliffeqarnermut Niuernermullu Naalackersuisoqarfimmi ataqatigiissaaraluni malitsigisitamik pilersaarusiussalluni, suliaqartuusumut naalackersuisoqarfiup nalunaarutigisaanik.

Sillimaniarnermik nakkutilliinermut pisussaaffiit naapertuutsinnissaat qularnaarniarnissaannut pisariaqartunik Upalungaarsimanermut Aqutsisoqarfiup aalajangiisarnissaanut, ilanngullugit ingerlatsinermit peqqussutinik, inerteqqutinik unitsitsinernillu aalajangiussaanut siunnersuutigisamut § 8, imm. 5-6-imut tunngatillugu sapinngisamik annertussisamik sioqqutsisumik Inuussutissarsiornermut, Suliffeqarnermut Niuernermullu Naalackersuisoqarfik ilisimatinneqartassasoq imm. 7-imi siunnersuutigineqarpoq, takuuk sillimaniarnermik nakkutilliineq pillugu ataatsimoorussatut nalunaarut. Aammattaaq ingerlataqarnerup unitsinnissaa pillugu aalajangiussinerit kingornatigut aatsitassanik suliaqartarfimmi piginnaasalittut nunatsinnit oqartussaasoqarfiit tassaasut ingerlatsinermik unitsitsinermit atatillugu piviusunik iliuseqarnissanik aalajangiussaqartassasut tunngavigineqarpoq, takuuk sillimaniarnermik nakkutilliineq pillugu ataatsimoorussatut nalunaarut.

Siunnersuutigisatut § 9 malillugu IAEA-mit misissuinermit Upalungaarsimanermut Aqutsisoqarfik IAEA-p misissuisimanermik nalunaarusiaanik tigusinnittuusaaq, Inuussutissarsiornermut, Suliffeqarnermut Niuernermullu Naalackersuisoqarfimmut nassiutissallugu. Inuussutissarsiornermut, Suliffeqarnermut Niuernermullu Naalackersuisoqarfillu ataqatigiissaaraluni Upalungaarsimanermut Aqutsisoqarfik malitsigisitamik pilersaarusiussaaq, Upalungaarsimanermut Aqutsisoqarfik sinnerlugu suliaqartuusumut naalackersuisoqarfiup nalunaarutigisaanik.

Naalagaaffiit akornanni naalagaaffinnut tigusisussanut isumaqatigiissutit pillugit siunnersuutigisatut § 10-mut tunngatillugu ilanngullugu tunngavigineqarpoq tamanna pillugu Inuussutissarsiornermut, Suliffeqarnermut Niuernermullu Naalackersuisoqarfik Nunanut allanut Ministereqarfimmut saaffiginnittassasoq, kiisalu Inuussutissarsiornermut, Suliffeqarnermut Niuernermullu Naalackersuisoqarfillu ataqatigiissaakkamik naalagaaffiit akornanni naalagaaffinnut tigusisussanut isumaqatigiissutit Nunanut allanut Ministereqarfimmit suliarineqartassasut.

Tamakku saniatigut sillimaniarnermik nakkutilliinermik suliaqartarfimmi nunat tamalaani sullissivinnik suleqatigiinnermit Inuussutissarsiornermut, Suliffeqarnermut Niuernermullu Naalackersuisoqarfik ilanngunneqassaaq, aamma namminersornermit inatsit naapertorlugu

kunngearfiup aallartitaasa ilaattut nunat tamalaani ataatsimiinnerni Nunanut allanut Ministereqarfik peqatigalugu peqataasassalluni.

## **5.2 Nalunaarutiginninnermut pisussaaffiit il.il.**

Danmarkimi inatsisitut atuuttumi Euratomimi peqqussut 302/2005-imi pingaarutilittut ilaasunut, aammalu atomip nukinganik atortussianik ingerlatsivinnillu sillimaniarnermik nakkutilliinnermut nunat tamalaani najoqqutassanut sakkortunerpaanut takussutaasunut inatsisissatut siunnersuummi atomip nukinganik atortussianut taakkunungalu tunngasunut ingerlatsivinnut sillimaniarnermik nakkutilliineq pillugit malittarisassiat assingussanut sillimaniarnermik nakkutilliineq pillugu ataatsimoorussatut nalunaarummi allassimavoq. Euratomimi peqqussut 302/2005-ikkut ima paasineqarpoq EU-mi eqqartuussiviup periusaatut nassuiarneqartutut peqqussutip paasinissaa. Sillimaniarnermik nakkutilliinnermut tunngatillugu malittarisassianik nutaanik Euratomip iluani akuerissuteqartoqassappat Kalaallit Nunaanni assingusumik atuutilersinnissaat siunertarineqarpoq. Taamaattorli tamatuma pingaaruteqassusaa pillugu Kalaallit Nunaannik isumaqatiginninniartoqarnissaanik tunngaveqassaaq.

Euratomimi peqqussut 302/2005-imi pingaarutilittut ilaasunut assingusunik sillimaniarnermik nakkutilliinerup atornissaa pillugu malittarisassiat §§ 4-6-imi siunnersuutigineqarput. Aalajangersakkat taakku malillugit aqutsinikkut najoqqutassiat kingornatigut atugassiissutaasut imatut ilusilersorneqassapput taamatuttaaq Euratomimi peqqussut 302/2005-imi pingaarutilittut ilutsinut assingussallutik.

Inatsisissatut siunnersuut malillugu nalunaarutiginnittarnermut aqqissuussivik aqutigalugu ingerlatsiviit, atomip nukinganik atortussiat suliallu sillimaniarnermik nakkutilliinnermut pisussaaffinni ilaassapput. Tamanna Euratomimi peqqussut 302/2005 malillugu atuuttuusunut assinguvoq. Atomip nukinganik atortussianik pigisaqarnermut aamma aatsitassanik piiakkanik aatsitassarsiornermik ingerlatsinnermut atassuteqartunik ingerlatsiviliornernik akuersissuterpiaq nunatsinni inatsisaasunit tunngaveqarpoq, ilanngullugu Aatsitassanut ikummatissanullu Inatsimmit, aatsitassanik atuinermik inatsisilersuisumit, aamma Qinngornernik ioniseriisunik qinngornernullu illersuineq pillugu Inatsisartut inatsisaat nr. 33, 9. december 2015-imeersumit, tassaasoq akuutissanik radioaktivusunik, ilanngullugit atomip nukinganik atortussianik inatsisilersuisussatut sinaakkutissatut inatsit. Atomip nukinganik atortussianik pigisaqarnek atuinerlu nakkutigisinnaaniassgaanni sillimaniarnermik nakkutilliineq akuersissuteqarnermut aqqissuussamik tunngaveqarnissaanik IAEA-p inassutaanik tamanna malittarinnippoq, taamaattorli atomip nukinganik atortussianut taakkunungalu tunngasunut ingerlatsivinnut pigisaqarnermut atuinermullu tunngatillugu inatsisaasuni allani peqartoqassappat sillimaniarnermik nakkutilliinnermut atatillugu immikkut ittumik akuersissuteqarnermut aqqissuussamik pisariaqartitsisoqassanngitsoq. Nunatsinni inatsisaasut nassatarisaannik atomip nukinganik atortussianik pigisaqarnermut, aatsitassanut piiakkanut atatillugu ingerlatsiviliornernut inuit suliffeqarfiillu akuersissummik pissarsisut tassunga atatillugu inatsisissatut siunnersuutip matuma nassatarisaanik atuutilersussamut atomip nukinganik

atortussianut, ingerlatsivinnut suliarisanullu nalunaarutiginnittarnissamik pisussaaffimmik ilisimatinneqarsinnaapput.

Atomip nukinganik atortussianik suliaqartunut imaluunniit pigisaqartunut ataasiakkaanut Upalungaarsimanermut Aqutsisoqarfiup naatsorsuisarnermut nakkutilliisarnermullu pisussaaffinnik il.il. suliareqqusaanik pingaarnerpaatillugu atomip nukinganik atortussiat annertussusaat, katitigaaneri atorneqarnerilu pillugit paasissutissanut tunngasuussapput, aammalu Euratomimi peqqussut 302/2005-imi allassimasutut naatsorsuisarnermut nakkutilliisarnermullu pisussaaffinnut il.il. assingussallutik.

Atomip nukinganik atortussianik aalajangersimasunik annikinnerusunik pigisaqarnerni, aamma atomip nukinganut atugassarinnngisanut atomip nukinganik atortussianik pigisaqarnerni Upalungaarsimanermut Aqutsisoqarfik annikinnerutitanik naatsorsuisarnermut nalunaaruteqartarnermullu pisussaaffinnik aalajangersaasinnaavoq. Assingaa Euratomimi peqqussut 302/2005, artikel 19 malillugu annertussutsimut atugaqarnermullu tunngatillugu aalajangersimasutut nalunaarsukkatut piunasaqaatit tunngavigalugit naatsorsuisarnermut pisussaaffiit ilusaannit akulikissusaannillu immikkut akuersissuteqarnissamik periarfissaqartoqarluni. Euratomip iluani sillimaniarnermik nakkutilliinerup atugaanera pillugu Euratomimi peqqussut 302/2005-ip atornissaanut malittarisassiat pillugit Kommissionip innersuussutaani allassimasutut oqilisaaviginerusatut nalunaaruteqartarnermik piunasaqaatit takussutissiissutigaat IAEA, sillimaniarnermik nakkutilliinerup isumaqatigiisummi artikelit 36 aamma 37-p malitsigisaannik atortussiamik atuineq tunngavigalugu (artikel 36), imaluunniit taassuma annertussusia tunngavigalugu (artikel 37) sillimaniarnermik nakkutilliinerup isumaqatigiisummi nalunaaruteqartarnissamik pisussaaffinnik pinngitsoorsinnaatitsinernik akuersissuteqarsinnaasoq, atortussiaq taanna nalinginnaasumik atomip nukinganik ikummateqarfimmut atasunik siunertanut atorneqarnek ajormat, imaluunniit taamaallaat annikinnerutillugu atorneqartarmat. Taamaattorli Kalaallit Nunaannut atuutsitatut Kunngaqarfiup Danmarkip ilassutitut protokoliani artikel 2.a.(vii) malillugu IAEA-mut ukiumoortumik ilisimatitsissuteqarnermut pisussaaffimmut atomip nukinganik atortussiat taakku suli ilaatinneqarsinnaapput, taamaattumillu atomip nukinganik atortussianik annikinnerusunik, imaluunniit atomip nukinganik atugassaangitsunik pigisaqarnerit inatsisissatut siunnersuummut aamma ilaatinneqarput.

§ 4, imm. 5-imi aalajangersakkami siunnersuutigisamiipput atomip nukinganik ikummateqarfimmut tunngasutut suliaqarnerit, atomip nukinganik atortussianik atugaqarfiunngitsut, taamaattorli Kalaallit Nunaannut atuuttumik IAEA-mi ilassutitut protokolimi nalunaaruteqartarnissamut piunasaqaammut aamma misissuiartornermut aqutissiuinerup ilaatinneqartut. Suliaqarnerit taakku Euratomimi peqqussut 302/2005-imit assingusumik inatsisilersugaanngillat, takuuk imm. 4.1, Kommissionip piginnaasaqarfigalugu suliaqarfianniinngimmata. Assersuutigalugit tassaapput uranimik atorsinnaangorsaanermut atorneqarsinnaasunik atortunik sanaartornerit pillugit nalunaaruteqartarnerit.



Sillimaniarnermik nakkutilliineq pillugu ataatsimoorussatut nalunaarut naapertorlugu, aamma siunnersuutigisatut § 3, imm. 3-p malitsigisaatut suliaqartuusinit pisariaqartitanik paasissutissanik, ilisimatitsissutinik nalunaarutinillu Upalungaarsimanermut Aqutsisoqarfiup pissarsiorneranik pissarsiaqartarneranillu Inuussutissarsiornermut, Suliffeqarnermut Niuernermullu Naalackersuisoqarfiup ikiuuttarnissaa tunngavigineqarpoq. Ilanngullugu taakkuninnga ataatsimoorussatut qarasaasiakkut naatsorsuisarnermik aaqqissuussami Inuussutissarsiornermut, Suliffeqarnermut Niuernermullu Naalackersuisoqarfiup tatiginassusiinik akuerinnillunilu ilanngussuisarnissaa tunngavigisaavoq, takuuk sillimaniarnermik nakkutilliineq pillugu ataatsimoorussatut nalunaarut. Suliaqartuusup nalunaarutigisaanik tunngaveqartumik paasissutissanik imaluunniit ilisimatitsissutinik naqquissuinissamik pisariaqartitsisoqartoq Inuussutissarsiornermut, Suliffeqarnermut Niuernermullu Naalackersuisoqarfik paasisaqassappat tamanna pillugu Upalungaarsimanermut Aqutsisoqarfik ilisimatinneqassaaq. Upalungaarsimanermut Aqutsisoqarfimmut suliaqartuusinit paasissutissat, ilisimatitsissutit nalunaarutinillu suliareqqaakkat ingerlateqqinneqassapput, taassuma paasissutissat eqqortuunerannik uppersarsassallugit, siunertaralugu atomip nukinganik atortussiananik tamanik naatsorsuinernit ingerlassimanerisa, aammalu sillimaniarnermik nakkutilliinermik malittarisassiat atuuttut naapertuutsinneqartut qularnaarnissaat, aamma taamaalilluni Upalungaarsimanermut Aqutsisoqarfimmit misissuillunilu nakkutilliinerit suliaqartuusumit paasissutissat tunngasuutinneqarlutik.

Immikkut ittutut nakkutilliinermut aalajangersakkat aalajangersaavigineri pillugit Upalungaarsimanermut Aqutsisoqarfiup aalajangiussarisnaanut maalaarutinik suliarinninnerni nunanut allanut ministerip misiliiffittut tunngavigisaa inatsisilerinikkut apeqqutinik ilaqartillugu killilerneqarsimanera siunnersuummi ilaavoq, takuuk § 6, imm. 2. Misiliiffittut tunngavigisamut taamatut killiliinerup tunngavigaa Upalungaarsimanermut Aqutsisoqarfiup aalajangiussinerisa immikkut teknikkip tungaatigut piginnaasaqarnermik tunngaveqartumik pisarneri. Kingornatigut misiliiffimmik ilaatillugu inatsimmik paasisaqarneq pillugu apeqqutaalerpoq, tamatumunngalu aamma aqutsinikkut inatsisitigut malittarisassiat tunngavigisallu nalinginnaasut il.il. naapertuutsinneri pillugit apeqqutit ilaapput. Taamaattorli immikkut ittutut nakkutilliinermut aalajangersakkat pillugit aalajangiussineri missiliuineri tunngatillugu ilaatitaq nunanut allanut ministerimit misiliiffittut ingerlanneqarsinnaanngilaq.

### **5.3 Misissuineq aamma nakkutilliineq**

Kalaallit Nunaannut atuutsitatut sillimaniarnermik nakkutilliinermut isumaqatigiissummit ilassutitullu protokolimit malitsigisaavoq atomip nukinganik atortussiananik taakkununngalu tunngasutut ingerlatsivinnik, atortunik sulianillu nakkutilliinissamut Kunngeqarfik Danmark pisussaaffeqartoq, kiisalu IAEA pisariaqartitatut misissuiartornermut aqqutissiuunneqartassasoq, aamma takuuk imm. 3.3.2. Pisussaaffik taanna aamma sillimaniarnermik nakkutilliineq pillugu ataatsimoorussatut nalunaarummi takuneqarsinnaavoq, tassani allassimalluni naalagaaffimmit oqartussaasoqarfimmit aamma nunatsinnit oqartussaasoqarfimmit, erseqqinnerusumillu aalajangersakkat annertussusilimmit IAEA-mit misissuiartortartut Kunngeqarfiup Danmarkip nunat

tamalaani sillimaniarnermik nakkutilliinermut pisussaaffiit inatsisissatullu tunngavigisaaq manna naapertorlugit Kalaallit Nunaanni sillimaniarnermik nakkutilliiffigisassanuk sumiiffinnut atortussianullu pingaarutilinnut tikitaqarsinnaassasut, pisariaqartitatut sillimaniarnermik nakkutilliinermik ingerlassassat suliarinissaat siunertaralugu.

Inatsisissatut siunnersuummi § 8 malillugu misissuisarnerit nakkutilliinerillu, ilanngullugit misissuiartortarnerit Upalungaarsimanermut Aqutsisoqarfimmit isumagisassaapput. Taamaattorli Kunngaqarfiup Danmarkip isumagisassaani sillimaniarnermik nakkutilliinissamik pisussaaffinnik naapertuutsitsinissamik qularnaarinissamut nunatsinnit oqartussaasoqarfiit peqataaqataassaneri tunngavigitinneqarpoq. Taamaalluni § 3, imm. 3 malillugu erseqqinnerusumik tunngavigitinneqarpoq misissuisarnerit nakkutilliinernullu tunngatillugu piviusutut suliaassat isumaginissaannut Inuussutissarsiornermut, Suliffeqarnermut Niuernermullu Naalackersuisoqarfiup Upalungaarsimanermut Aqutsisoqarfik ikiorsinnaagaa. Tamanna aatsitassarsiornermik inatsisaasut naapertorlugit nunatsinni oqartussaasut namminneq misissuisarnermik suliaannut atatillugu pisinnaavoq. Tamatuma saniatigut suleqatigiinnerup ilisimasaniillu paarlaateqatigiinnerup nukittorsarniarnerani Upalungaarsimanermut Aqutsisoqarfiup misissuiartortarneranni nunatsinnit oqartussaasut nalinginnarmik peqataasarnissaat naatsorsuutigineqarpoq.

Ilanngullugu ataatsimoorussatut nalunaarut naapertorlugu atomip nukinganik atortussianik ilaasoqarfinni ingerlatsiviit atornerisa unitsinnissaannik pisuni immikkut illuinnartuni Upalungaarsimanermut Aqutsisoqarfiup piumasaqarsinnaanera, kiisalu ingerlatsiviup atoqqinneqalernissaanut sillimaniarnermik nakkutilliinermi piumasaqaatinik sorlernik atuinissamut isummertoqarnissaata tungaanut ingerlatsivimmi ilaasoqarfinni atomip nukinganik atortussianik tamakkiisumik imaluunniit ilaannakortumik arsaarinnissinnaanera imaluunniit aqutarinnilersinnaanera § 8-mi siunnersuutigineqarpoq. Tamatuma kingornatigut taamatut pisoqartillugu ingerlatsinerup isumannaatsumik matunissaata qulakkeernissaa siunertaralugu ingerlatsinerup unitsinneranut atatillugu piviusunik iliuuserisassat pillugit aatsitassanik suliaasaqarfimmi nunatsinni oqartussaasoqarfiit piginnaasallit aalajangiisuussapput.

§ 8-mut tunngatillugu sillimaniarnermik nakkutilliineq pillugu ataatsimoorussatut nalunaarummit malitsigisaavoq aatsitassarsiorfinni taakkunungalu atasutut ingerlatsivinni Upalungaarsimanermik Aqutsisoqarfimmit aamma Inuussutissarsiornermut, Suliffeqarnermut Niuernermullu Naalackersuisoqarfimmit suliarineqartutut misissuiartortarnerit malitseqartinnerini tassaavoq suliaqartuusumut malitsigisitamik pilersaarummik Inuussutissarsiornermut, Suliffeqarnermut Niuernermullu Naalackersuisoqarfik nalunaaruteqartussaq.

Ilanngullugu peqqussuteqarneq, unitsitseqqusineq, atomip nukinganik atortussianik tamakkiisumik imaluunniit ilaannakortumik arsaarinninneq imaluunniit atomip nukinganik atortussianik aqutsinissaq pillugu aalajangiussineq pillugit imm. 5 aamma 6 malillugit Upalungaarsimanermut Aqutsisoqarfiup aalajangiussineri nunanut allanut ministerimut maalaarutigisaasinnaaneri § 8-mi siunnersuutigineqarpoq. Misiliinermut tassunga

tunggatillugu sillimaniarnermik nakkutilliinerup iluani suliassa qarfinni arlalinni Nunanut allanut Ministere qarfiup sammisatigut teknikkikkut ilisimanninnermik pigisaqanngitsoq oqaatigineqassaaq, tamatumalu Upalungaarsimanermit Aqutsiso qarfimmi aalajangiussaq misiliivigalugu Nunanut allanut Ministere qarfiup qanoq sakkortutigisumik sunniute qarfigisinnaaneranut tamanna aalajangiisuussaaq.

Inatsisissatut siunnersuummi § 9-mi misissuiartortarnerit pillugit siunnersuutigisatut aalajangersagaq Kalaallit Nunaannut atuutsitatut Kunng eqarfiup Danmarkip sillimaniarnermik nakkutilliinermit isumaqatigiissutaata ilassutitullu protokoliata malitsigisaanik IAEA-p misissuiartornerit ingerlassinnaassanerannik qularnaarissaaq, taamaaliornikkut Kunng eqarfik Danmarkimi oqartussaasutut suliqaqarnissamut IAEA piginnaaffimmik ilasiffigineqassanani.

Aamma imm. 3.3.2-mi nassuiarneqartutut IAEA-mit misissuiartortarnerit siunertaq tassaavoq Kunng eqarfiup Danmarkip paasissutissat IAEA-mut nassiu tassatut pisussaaffeqarfiisa eqqortuunerannik uppersaanissaaq, IAEA-mik ingerlatsivinnut sumiiffinnillu, Kalaallit Nunaannut atuutsitatut Kunng eqarfiup Danmarkip sillimaniarnermik nakkutilliinermit isumaqatigiissutaani ilassutitullu protokoliani ilaasunut aqutissiuussinikkut. Nalunaarutaasuni ingerlatsivinni sumiiffinnillu nakkutilliinermit iliuuserisat IAEA-p atorsinnaasai Kalaallit Nunaannut atuutsitatut sillimaniarnermik nakkutilliinermit isumaqatigiissuummi ilassutitullu protokolimi nassuiarneqarput.

Nunat tamalaani sillimaniarnermik nakkutilliinermit pisussaaffiit inatsisissatut siunnersuummi atuutsilerneranni, takuuk imm. 5.1, tassaavoq Nunanut allanut Ministere qarfik IAEA-mit misissuiartortut aqutissiuunnissaannik akuersinissamut akisussaasuusooq, aammalu pisariaqartinneqassappat IAEA-mit misissuiartortunut Kalaallit Nunaannut isissutissatut visumimik tunniussisussaaq. Aammattaaq IAEA-mut attaveqarnermit, IAEA-p misissuiartorneranut atugassiinermit, aammalu misissuinerit atatillugu IAEA-mut pisariaqartitanik teknikkikkut tapersersuutinik tunniussaqarnissamut Nunanut allanut Ministere qarfik qullersatut akisussaaffeqarpoq.

Upalungaarsimanermit Aqutsiso qarfiup siunnersuutigisatut misissuinerit nakkutilliinerit akisussaaffeqarfiianut, aamma IAEA-mit misissuisut ingerlaqatiginerit tunggatillugu IAEA-mit misissuinissat pillugit Upalungaarsimanermit Aqutsiso qarfimmu ilisimatitsinissamut Nunanut allanut Ministere qarfik akisussaaffeqarpoq. Tamatuma kingornatigut misissuinerup atugassiiffiginissaa siunertaralugu nunatsinni oqartussaasunut, aammalu IAEA-mit misissuiartornermit attorneqartunik Kunng eqarfik Danmarkimi oqartussaasooqarfinnik, suliffeqarfinnik inunnillu allanik attaveqaqqinnissamut Upalungaarsimanermit Aqutsiso qarfik akisussaaffeqarpoq. Tamakku ilutigalugit misissuinerup nalaani IAEA-mit misissuiartortunik ingerlaqateqarnissamut, misissuinerup atugassiiffigineranut, aammalu IAEA-mut pisariaqartitatut tigussaasunik teknikkikkut tapersersuutinik tunniussaqarnissamut Upalungaarsimanermit Aqutsiso qarfik akisussaaffeqarpoq.

Sillimaniarnermik nakkutilliineq pillugu ataatsimoorussatut nalunaarut naapertorlugu siunnersuutigisatut § 9 malillugu IAEA-mit suliarineqartutut misissuiartornermi tunngavigineqarpoq IAEA-mit misissuiartornermik nalunaarummik Upalungaarsimanermut Aqutsisoqarfik tigusaqassasoq, taannalu Inuussutissarsiornermut, Suliffeqarnermut Niuernermullu Naalackersuisoqarfimmu tunniuttassallugu. Inuussutissarsiornermut, Suliffeqarnermut Niuernermullu Naalackersuisoqarfimmik ataqatigiissaaraluni Upalungaarsimanermut Aqutsisoqarfik malitsigisitamik pilersaarusiussaaq, taannalu suliaqartuusumut naalackersuisoqarfiup nalunaarutigissavaa.

#### **5.4 Naalagaaffiit akornanni tigooraasartutut naalagaaffinnut isumaqatigiissutit**

Naalagaaffiit akornanni tigooraasartutut naalagaaffinnut isumaqatigiissuteqassanera Kalaallit Nunaanni atomip nukinganik atortussianik nunat tamalaani nuussisarnermut tunngavigisaassasoq sillimaniarnermik nakkutilliineq pillugu ataatsimoorussatut nalunaarummi allassimavoq, taamaalilluni imatut paasillugu naalagaaffiup nunat tamalaani siammarterinnginnissamik pisussaaffinnik naapertuutsitsinissaa aamma atortussianik tigoorakkanik ikummateqarfimmi tamarmi isumaginninnermut tunngatillugu pituttuisutut pisussaaffinnut piunasaqaatit pillugit nunanut isumaqatigiissutit avataaniittunut illugiilluni isumaqatigiissuteqassasoq. Oqariaatsimi nuussisarnermi pinngorfittut sumiiffimmit tikiffissatut sumiiffimmut atomip nukinganik atortussianik nassiussuineq, ilanngullugillu usilersuineq usingiaanerlu paasineqassapput.

Aammattaq sillimaniarnermik nakkutilliineq pillugu ataatsimoorussatut nalunaarutip naalagaaffiit akornanni tigooraasartutut naalagaaffinnut isumaqatigiissutinik atsiuinnermut tunngatillugu Danmarkip aamma Kalaallit Nunaata akornanni akisussaaffiit agguataarneri nassuiarpei, taamaalilluni naalagaaffiup nunat tamalaani siammarterinnginnissamik pisussaaffinnik naapertuutsisinnermut piunasaqaatit pillugit nunanik isumaqatigiissutit avataaniittunik illugiilluni isumaqatigiissutit suliarinissaannut tunngavissaqartillugu Inuussutissarsiornermut, Suliffeqarnermut Niuernermullu Naalackersuisoqarfik Nunanut allanut Ministereqarfimmu saaffiginnissalluni. Naalagaaffiit akornanni tigooraasartutut naalagaaffinnut isumaqatigiissutit Inuussutissarsiornermut, Suliffeqarnermut Niuernermullu Naalackersuisoqarfillu ataqatigiissaaraluni Nunanut allanut Ministereqarfimmit suliarineqassapput.

Naalagaaffiit akornanni tigooraasartutut naalagaaffinnut isumaqatigiissutit namminersornermut inatsimmi § 13, imm. 3 naapertorlugu atsiorneqartarput. Isumaqatigiissutit, taakkunani Danmark aamma Kalaallit Nunaat isumaqatiginninniarnerni peqataasimaffii sapinngisamik siamasinnerpaamik Naalackersuisunik peqateqarluni naalagaaffimmit atsiorneqartassasut aalajangersakkami allassimavoq.

Taamaattumik qulaaniittumut naapertuutsitsilluni § 10-mi siunnersuutigineqarpoq Kunneqarfik Danmark sinnerlugu Nunanut allanut Ministereqarfiup aammalu isumaliutigalugu tigooraasutut naalagaaffiup akornanni naalagaaffiit akornanni isumaqatigiissutit tassaasoq Kalaallit Nunaanni atomip nukinganik atortussianik piiakkanik nuussinissamut tunngaviussasoq, Kalaallit Nunaanni atomip nukinganik atortussiat piiakkat

taamaallaat Nunanut allanut Ministereqarfiup akuerisaata ilaanut naalagaaffimmut taamaallaat nuunneqarsinnaanerata qulakkeernissaa siunertarineqarluni.

Sillimaniarnermik nakkutilliineq pillugu ataatsimoorussatut nalunaarut malillugu naalagaaffiit akornanni tigooraasutut naalagaaffimmut isumaqatigiissummi aallaaviatigut Nunanut allanut Ministereqarfiup pingaarnerutitatut piumasaqaatai ilaatigut tassaapput:

- Atomip nukinganik atortussiat taamaallaat naalagaaffinnut siammarterinnginnissamik isumaqatigiissummik akuersissuteqartunut annissornerqartassasut.
- Naalagaaffik tigooraasoq IAEA-mi sillimaniarnermik nakkutilliinermut isumaqatigiissummut aamma ilassutitut protokolimut, imaluunniit sakkut atomitortuutilittut akuerisani tallimani pissaaneqarfiussappata taakku naalagaaffiit assingusumik iliuuseqarfiinut ilaasuussasoq.
- IAEA-mi sillimaniarnermik nakkutilliinera atuuttuujunnaassappat sillimaniarnermik nakkutilliineq pillugu illugiilluni isumaqatigiissutit atuutissasut.
- Timalittut illersuinermit nunat tamalaani najoqqutassiat tigoorakkatut atomip nukinganik atortussianut atuutissasut.
- Takorluukkatut tigooraasutut naalagaaffimmut naleqqiullugu naalagaaffimmut allanut Kalaallit Nunaannit atomip nukinganik atortussianik nuussinissamut naalagaaffimmi oqartussaasoqarfimmit sioqqutsisumik akuersissummik peqartoqassasoq.
- Kalaallit Nunaannit atomip nukinganik atortussiat annissornerinut niuerneramik isumaqatigiissutit isumaqatigiissut naalagaaffiit akornanni tigooraasutut naalagaaffimik isumaqatigiissuteqarnissamik immikkut piumasaqaateqartoqassasoq.
- Naalagaaffinni pineqartuni Kalaallit Nunaannit atomip nukinganik atortussiat atornerqarneranni pinngortunik eqqakkanik atortussianillu allanik isumaginninnissamut naalagaaffiit eqqussuisut akisussaasuussasut.

Nunat tamalaani najoqqutassat sakkortunerpaat naapertorlugit aammalu siammarterinnginnissamik sianiginninneq aallaavigalugu naalagaaffiit akornanni tigooraasutut naalagaaffinnik isumaqatigiissutini aamma atomip nukinganik atortussianik uran-235-imi isotopimi 20 %-imut annertunerusumulluunniit atomip nukinganik suliarinneqqinnissamut aamma atorsinnaannorsaanermut nuna tigooraasumut sioqqutsisumik allaganngorlugu akuersissut pillugu piumasaqaateqartoqassaaq.

Inatsisissatut siunnersuummut matumunnga saqqummiunneqaqataasumut Kalaallit Nunaannit atortussiat marloqiusamik atornerqartartut annissornerinik nakkutilliineq pillugu Kalaallit Nunaannut inatsisissatut siunnersuummut atomip nukinganik atortussianik piiakkanik nunat tamalaani nuussinermut siunnersuutigisatut piumasaqaatit qanimut ataqatigiissuupput. Kalaallit Nunaanni annissuineramik nakkutilliineq pillugu inatsisissatut siunnersuummi allassimavoq Kalaallit Nunaanni atomip nukinganik atortussianik piiakkanik annissuinermit akuersissutit tunniunneqarnissaannut naalagaaffiit akornanni

tigooraasartutut naalagaaffimmik isumaqatigiissummik peqartoqarnissaq tunngaviussasoq, imaluunniit § 10, imm. 2 malillugu annissuineramik nakkutilliisutut oqartussaasumi annissuinissamut akuersissummik qinnuteqarnissamut naalagaaffiit akornanni tigooraasartutut naalagaaffimmik isumaqatigiissuteqarnissap tunngaviussannginnera pillugu aalajangiuussaqartoqarsimassasoq.

Saniatigut Kalaallit Nunaannit atomip nukinganik atortussianik piviusutut nunat tamalaani nuussuinerit siunnersuummi §§ 4-5-ip nassatarisaanik aqutsinikkut najoqqutassat atuutsinneqartut malittarisavaat, ilaatigut atomip nukinganik atortussiat nunat tamalaani nuussorneri sioqqullugit, atomip nukinganik atortussiat nassiunneqarnerini tikiffissamullu anngunneranni, kiisalu atomip nukinganik atortussiat assartornerisa nalaanni naatsorsuutigingisanik pisoqarnerani Upalungaarsimanermut Aqutsisoqarfimmit nalunaarsuinerlut tunngassasut.

### **5.5 Pineqaatissiissutit**

Inatsisissatut siunnersuut manna inatsimmi malittarisassianik unioqquitsinerlut pineqaatissiissutit pillugit pingaarutilittut annertussusilinnik malittarisassianik aalajangersaassaneranik tunngaveqartinneqassasoq sillimaniarnermik nakkutilliineq pillugu ataatsimoorussatut nalunaarummi allassimavoq. Ilanngullugu allassimavoq pineqaatissiinerit pillugit malittarisassiat inatsit malillugu najoqqutassatut pisussaaffinnik suliaqartuusut naapertuutsitsinissaannik qulakkeerinissamik pingaarnertut siunertaqassasut, ilanngullugit assersuutigalugit nalunaaruteqarnissamut, paasissutissank tunniussinissamut, aammalu illuutigisanut, atortussianut piiakkanut il.il. nakkutilliinerlut oqartussaasunut aqqtissiuiuinissap qulakkeernissaanut pisussaaffiit.

Annaasinnaasanik, imaluunniit akuerisaanngitsumik atugaqarnernik, imaluunniit atomip nukinganik atortussianik paaasoqarsimaneranik paasisaqarsinnaaniarluni, aammalu nunat tamalaani sillimaniarnermik nakkutilliinerlut pisussaaffinnik naapertuutsitsinnaaniarluni atomip nukinganik atortussianik nassuiaasoqarlunilu taakkuninnga nakkutilliisoqarsinnaanissaq sunniuteqarluartutut sillimaniarnermik nakkutilliinerlut aqqissuussiviup piumasarissagaa sillimaniarnermik nakkutilliineq pillugu ataatsimoorussatut nalunaarummut ilanngullugu ilassutigineqarsinnaavoq.

Taamaattumik Kalaallit Nunaanni pinerluttulerinerlut Inatsimmi nalinginnaasutut aalajangersakkat malillugit pineqaatissiissutinik eqqartuussisoqarsinnaaneranik inatsisissatut siunnersuummi § 11-mi aalajangersaasoqassasoq siunnersuutigineqarpoq. Pineqaatissiissutit toqqarneqarneri sivisussusilerlunilu pillugit malittarisassiat pinerluttulerinerlut inatsimmi kapitali 24-mi allassimaneri oqaatigineqassaaq.

Ilanngullugu pinerluttulerinerlut inatsimmi atortussianik radioaktiviusunik il.il. inerteqqutaasumik suliaqarfigneri immikkoortillugu pinerluttuliornerunera oqaatigineqassaaq.

## **6. PISORTANUT ANINGAASAQARNIKKUT AQUTSINIKKULLU KINGUNERISINNAASAT**

Nunat tamalaani sillimaniarnermik nakkutilliinermut pisussaaffiit, ilanngullugu Kalaallit Nunaannut atuutsitatut Kunngearfiup Danmarkip ilassutitut protokolia Nunanut allanut Ministereqarfimmut aamma Illersornissamut Ministereqarfimmut (Forsvarsministeriet) Danmarkimi aqutsinikkut oqartussaaffiit ilusaannik nutaanik pilersitaqarlunilu ingerlatsinissamik nassataqartitsissapput.

### **6.1 Nunanut allanut Ministereqarfik**

#### **6.1.1 Aqutsinikkut kingunerisinnaasat**

Kunngearfik Danmarkimi sillimaniarnermik nakkutilliinermut Nunanut allanut Ministereqarfik oqartussaasuvoq, piginnaasaqarfimmilu tassani IAEA-mut najoqqutassalikkatut attaveqarfiulluni. Sillimaniarnermik nakkutilliinermut IAEA-mit isumaginniffinnut tunngatillugu pisussaaffinnik isumaginninnissamik suliaqarneq Nunanut allanut Ministereqarfimmut suliassanik nutaanik nassataqartitsissaaq, ilaatigut IAEA-mut aamma Euratomimut tunngatillugit nalunaaruteqartarnernut ilutsinik pilersitaqarnermut ingerlataqarnermullu tunngatillugu, naalagaaffiit akornanni tigooraasartut naalagaaffinnut isumaqatigiissusiornernut tunngatillugu, kiisalu sillimaniarnermik nakkutilliinermut tunngatillugu nunat tamalaani oqallittarfinni peqataaqataasarnermik sallinngortitsiniarneq, takuuk Nunanut allanut Ministereqarfiup suliassaasa imm. 5.1-imi nassuiarnerat. Nunanut allanut Ministereqarfimmi maannakkut sulisorisaanni pissarsiarissallugu naatsorsuutigineqarsinnaanngitsunik sillimaniarnermik nakkutilliinermut immikkoortitatut immikkoortoqarfimmik pisariaqartitatut teknikkikkut ilisimasaqassutsimik pigisaqartumik pilersitsinissamik pisariaqartitsisoqassasoq nalilersuutaavoq.

#### **6.1.2 Aningaasaqarnikkut kingunerisinnaasat**

Sillimaniarnermik nakkutilliinermut pisussaaffinnik isumaginninneq inuit pingasut ukiumut suliarisinnaasaannut assingusunik isumalluutissanik pisariaqartitsisussatut nalilersorneqarpoq. 2016-imi suliassat ukiumut suliarisinnaasamit ataatsimit isumagineqarsinnaaneri nalilerneqarput, ilaatigut sillimaniarnermik nakkutilliinermik akisussaasussamik immikkoortitatut immikkoortoqarfiliornermik akisussaaffeqartussamik. Kalaallit Nunaanni atomip nukinganik atortussianik piianaanerup aallartisarnera malittaralugu qulaani nassuiarneqartutut suliassat sinnerinik isumaginninnissaq siunertaralugu ukiumut suliarisinnaasanik ilassutitut ilalersuinissamik pisariaqartitsisoqassaaq. Isumalluutitik atuinerit tamaasa ataatsimut isigalugit 2016-imi koruunit 1 millioniunissaat, kingornatigullu ukiumoortumik koruunit 2 millioniunissaat nalilersorneqarput. Ilassutitut aningaasartuutit taakku Nunanut allanut Ministereqarfimmi sinaakkutaareersup iluanit aningaasaliiffiqassapput (AI § 6).

### **6.2 Illersornissamut Ministereqarfik**

#### **6.2.1 Aqutsinikkut kingunerisinnaasat**

Imm. 5.1-imi nassuiarneqartunik Kalaallit Nunaanni atomip nukinganik atortussianik naatsorsuillunilu nakkutilliisartussamik ataatsimoorussatut qarasaasiakkut aaqqissuussivimmik pilersitaqarlunilu ingerlatsissaaq Upalungaarsimanermut

Aqutsisoqarfik, tassaasoq Illersornissamut Ministereqarfiup ataani oqartussaasoqarfik. Qarasaasiakkut naatsorsuuserinermik aaqqissuussivik aallaavigalugu akuttoqatigiissitamik nalunaarusiortoqartassaaq, aamma ilaatigut naatsorsuuserinermik aaqqissuussivimmut ilanngussukkanik atomip nukinganik ingerlatsiviit atortussiallu pillugit paasissutissanik, atomip nukinganik ingerlatsivinni il.il. nakkutilliilluni takusaanerit naammassisat pillugit paasissutissanik imaqartussanik, ilanngullugit atomip nukinganik atortussiaatini sanioqputitsinertut paasisaasinnaasunik nassuiaatit. Tassunga atatillugu atomip nukinganik atortussianik isumaginninnerni pisuni tamani sillimaniarnermik nakkutilliinermut pisussaaffinnik naapertuutsisoqarneranik Upalungaarsimanermut Aqutsisoqarfik misissuisarnermik nakkutilliinermillu suliaqartassaaq; aatsitassanik piiaanermik ingerlatsivimmi, suliaqarnerni, assartuinerni, toqqortaqarnermi aamma umiarsuarmut assartuinermut atatillugu. Nassatarissavai namminersuutigisaminik, soorlulusooq pingaarutilittut nunatsinnit oqartussaasut peqatigalugit, aamma IAEA-mit misissuiartortartut peqatigalugit nakkutilliinermik takusaasarlunilu misissuiartortarnernik Upalungaarsimanermut Aqutsisoqarfiup naammassinnittarnissaa, takuuk imm. 5.43.

Pineqartutut misissuiartornerit aamma nalunaarsuinermik aaqqissuussivimmit paasissutissat tunngavigalugit aqutsinikkut aalajangiussanik Upalungaarsimanermut Aqutsisoqarfik aalajangiussisarumaartassaaq, ilanngullugit ingerlatsinermut peqqussutit, inerteqqutit unitsitsinerillu, sillimaniarnermik nakkutilliinermut pisussaaffiit naapertuutsinnissaat qularnaarnissaat sianigalugu pisariaqartuusut. Aammattaaq sillimaniarnermik nakkutilliinermut teknikkikkut/sammisanut ilaatitanut tunngasunut nunat tamalaani oqallittarfinni Upalungaarsimanermut Aqutsisoqarfik peqataasartussaassaaq.

### **6.2.2 Aningaasaqarnikkut kingunerisinnaasat**

Sillimaniarnermik nakkutilliinermut tunngasunik suliassanik isumaginninneq Upalungaarsimanermut Aqutsisoqarfimmut nutaatut suliassaavoq. Inunnet pingasunut ukiumut suliarsinnaasanik ilalersuinnikkut nassuiarneqartutut sillimaniarnermik nakkutilliinermut suliassanik Upalungaarsimanermut Aqutsisoqarfiup isumaginnissinnaanera nalilersuutaavoq. Ukiumut suliarsinnaasanut ataasiakkaanut missiliuutissatut aki koruunit 0,3 millionit sillimaniarnermik nakkutilliinermut suliarsanut atorneqarpoq, tassunga sulisunut pineqartunut annertungaatsiartumik angalasarnissap naatsorsuutiginnissaa ilaatinneqarluni.

Ilanngutissapput ataatsimoorussatut qarasaasiakkut naatsorsuuserinermut aaqqissuussiviliornermut aningaasaliinermut ingerlatsinermullu aningaasartuutit. Pilersitsinermut aningaasartuutit koruunit 1,0 millionit serverinik, softwarenik qarasaasialerinermilu ikiorneqarsinnaanermik pisiaqarnissamut atussasut tassani nalilersuutaapput, ilanngullugu ukiumoortumik ingerlatsinermut aningaasartuut 0,1 mio. kr. Pilersitsinermut aningaasartuut 1,0 mio. kr. ukiuni tallimani ukiumoortumik koruuninik 0,2 millioninik naleerutsikkiartuaarneqassasutut takorloorneqarpoq. Tamakkiisumik isigalugu tamakkiisumik atuutsitsilernermi Upalungaarsimanermut Aqutsisoqarfimmut ukiumoortumik 3,0 mio. kr.-nik ilassuteqartitsinissap pisariaqartinnissaa nalilersuutaavoq.



Sillimaniarnermik nakkutilliinermut tunngatillugu aningaasartuutit atuutsilernissaannut imatut periarfissaqassaaq, taamaalilluni siullermeertumik 2016-imit nalunaarsuisarnermik aaqqissuussiviup sanaartorneranut aammalu sillimaniarnermik nakkutilliinermik sianigisassanik isumaginninnermut ukiumut suliarisinnaasat marluk pissarsiarineqarlutik. Ukiumut suliarisinnaasani pingajuat 2017-imit kinguartinneqarsinnaavoq, taamaalilluni piiasoqalivinnerata pisussanngorneranik naatsorsuuteqarneq sioqqullugu pisariaqartitatut ilinniagaqarnerup sungiusarnerullu ingerlannissaat anguneqarsinnaassallutik. Ilasstitut aningaasartuutit taakku Illersornissamut Ministereqarfiup sinaakutissareriigaasa iluannit aningaasalersugaassapput (AI § 12).

## **7. INUSSUTISSARSIORFIMMUT IL.IL. ANINGAASAQARNIKKUT AQUTSINIKKULLU KINGUNERISINNAASAT**

Inatsisissatut siunnersuut Danmarkimut atuutinngilaq, taamaattumik inuussutissarsiorfimmud il.il. aningaasaqarnikkut aqutsinikkullu kingunerisinnaasat nalilersugaanngillat.

## **8. INNUTTAASUNUT AQUTSINIKKUT KINGUNERISINNAASAT**

Inatsisissatut siunnersuut Danmarkimut atuutinngilaq, taamaattumik innuttaasunut aqutsinikkut kingunerisinnaasat nalilersugaanngillat.

## **9. AVATANGIISINUT TUNNGASUNUT KINGUNERISINNAASAT**

Inatsisissatut siunnersuut Danmarkimut atuutinngilaq, taamaattumik avatangiisinut tunngasunut kingunerisinnaasat nalilersugaanngillat.

## **10. EU-MI EQQARTUUSSIVEQARFIMMUT TUNNGASUT**

Inatsisissatut siunnersuut EU-mi eqqartuussiveqarfimmud tunngasortaqaanngilaq, Euratomimi isumaqatigiissut Kalaallit Nunaannut atuutinngimmat, takuuk Euratomimi isumaqatigiissummi artikel 198, litra a.

## **11. OQARTUSSAASUT KATTUFFILLU IL.IL. TUSARNIAAFFIGISAT**

Piffissami 4. februar 2016-imit 2. marts 2016-imit inatsisissatut siunnersuummut allaqqitassaq oqartussaasuni kattuffinnilu il.il. makkunani tusarniaaassutigalugu nassiunneqarsimavoq:

Inuussutissarsiornermut, Suliffeqarnermut Niuernermullu Naalackersuisoqarfik, Aningasaqarnermut Naalackersuisoqarfik, Naalackersuisut Siulittaasuata Naalackersuisoqarfia, Namminersorlutik Oqartussat/Naalackersuisut, Kalaallit Nunaanni Eqqartuussisoqarfik, Aatsitassaqaqarnermut Naalackersuisoqarfik, Nunanut allanut Pisortaqaqarfik, Advokatrådet, Advokatsamfundet, Arbejderbevægelsens Erhvervsråd, Danmarks Rederiforening, Dansk Erhverv, Dansk Industri, Dansk Institut for Internationale Studier, Danske Maritime, Dansk Transport og Logistik, Danske Advokater, Danske Speditører, Danske Universiteter, Datatilsynet, Den Danske Dommerforening,

Domstolsstyrelsen, Erhvervsflyvningens Sammenslutning, Rigsadvokaten, Rigspolitechefen, Rigsrevisionen, Transparency International Denmark, Vestre Landsret, Østre Landsret.

## 12. IMMERSUIFFIK EQIKKAASOQ

	Ilorraap tungaanut kingunerisassat/aningaasartuutit annikinnerit	Killup tungaanut kingunerisassat/-ilassutitut aningaasartuutit
Naalagaaffimmut, kommuninut nunallu immikkoortuinut aningaasaqarnikkut kingunerisassat	Soqanngilaq	<p>Suliassaqarfimmi sammisatigut immikkut ilisimasalinnik sulisussat atorfinitsinnissaannut ukiumoortumik koruunit 2 mio. missaannik aningaasartuuteqarfiusumik nassuiarneqartut sillimaniarnermik nakkutilliinermut suliassanik nunanut allanut ministereqarfik isumaginnissasasooq nalilersuutaavoq. Ilassutitut aningaasartuutit nunanut allanut ministereqarfiup sinaakkutissarerii-gaatigut aningaasaliiffiqineqassapput.</p> <p>Illersornissamut ministereqarfiup ataani Upalungaarsimanermut Aqutsisoqarfik sillimaniarnermik nakkutilliinermut suliassat nassuiarneqartut sulisut pingasut atorfinitsinnerisigut, kiisalu qarasaasiakkut naatsorsuuserivimmik pilersitaqarluni lu ingerlatsinermut ukiuumoortumik 3 mio. kr.-nik aningaasartuuteqarluni isumaginnissinnaavoq. Aningaasartuutunik taakkuninnga akilersuineq illersornissamut ministereqarfimmut sinaakkutaasup</p>

		<p>iluanissinnaapput, piviusutut atuutsitsilerneq aningaasaqarnermut ministereqarfillu (finansministeriet) paasineqarumaarmata.</p>
<p>Naalagaaffimmut, kommuninut nunallu immikkoortuinut aqutsinikkut kingunerisinnaasat</p>	<p>Soqanngilaq</p>	<p>Nunanut allanut ministereqarfiup aamma illersornissamut ministereqarfiup suliasaqarfiinut inatsisissatut siunnersuutip aqutsinikkut kinguneqassanera naatsorsuutigineqarpoq. Inatsisissatut siunnersuutip matuma nassatarisaanik Kunneqarfimmi sillimaniarnermik nakkutilliinermut qullersatut akisussaaffimmik isumaginnittussamik Nunanut allanut Ministereqarfik annikinnersumik namminersortitamik immikkoortoqarfiliortussaassaaq.</p> <p>Illersornissamut ministereqarfiup ataani Upalungaarsimanermut Aqutsisoqarfik Kalaallit Nunaanni sillimaniarnermik nakkutilliinermut tunngasunik suliassanik nutaanik isumaginnittartussaassaaq, tamanna ilaatigut Kalaallit Nunaanni atomip nukinganik atortussianut ataatsimoorussatut qarasaasiakkut naatsorsuisarfimmik pilersitsillunilu ingerlataqarnermik, atomip nukinganik atortussianik pigisaqarnermut atuinermullu sillimaniarnermik nakkutilliinermut aalajangersakkanik aalajangersaanernik, kiisalu taakunani misissuisarnermik nakkutilliinermillu ilaqartu-</p>

		nik.
Inuussutissarsiorfimmu anigaasaqarnikkut kingunerisinnaasat	Inatsisissatut siunnersuut Danmarkimi atuutinngilaq, taamaattumik inuussutissarsiorfimmu anigaasaqarnikkut kingunerisassat nalilersorneqanngillat.	Inatsisissatut siunnersuut Danmarkimi atuutinngilaq, taamaattumik inuussutissarsiorfimmu anigaasaqarnikkut kingunerisassat nalilersorneqanngillat.
Inuussutissarsiorfimmu aqutsinikkut kingunerisinnaasat	Inatsisissatut siunnersuut Danmarkimi atuutinngilaq, taamaattumik inuussutissarsiorfimmu aqutsinikkut kingunerisassat nalilersorneqanngillat.	Inatsisissatut siunnersuut Danmarkimi atuutinngilaq, taamaattumik inuussutissarsiorfimmu aqutsinikkut kingunerisassat nalilersorneqanngillat.
Avatangiisinut tunngasunut kingunerisinnaasat	Inatsisissatut siunnersuut Danmarkimi atuutinngilaq, taamaattumik avatangiisinut tunngasunut kingunerisinnaasat nalilersorneqanngillat.	Inatsisissatut siunnersuut Danmarkimi atuutinngilaq, taamaattumik avatangiisinut tunngasunut kingunerisinnaasat nalilersorneqanngillat.
Innuttaasunut aqutsinikkut kingunerisinnaasat	Inatsisissatut siunnersuut Danmarkimi atuutinngilaq, taamaattumik innuttaasunut kingunerisinnaasat nalilersorneqanngillat.	Inatsisissatut siunnersuut Danmarkimi atuutinngilaq, taamaattumik innuttaasunut kingunerisinnaasat nalilersorneqanngillat.
EU-mi eqqartuussiveqarfimmu tunngasut	Inatsisissatut siunnersuut EU-mi eqqartuussiveqarfimmu tunngasorta qanngilaq.	

*Inatsisissatut siunnersuummi aalajangersakkanut ataasiakkaanut oqaaseqaatit*

*§ 1-imut*

Aalajangersagaq malillugu Kalaallit Nunaannit atomip nukinganik atortussiat sorsunnerunngitsumut siunertalinnik atornissaasa qulakkeernissaat, aammalu Kunngearfiup Danmarkip nunat tamalaani sillimaniarnermik nakkutilliinermut pisussaaffimminnik naapertuutsitsinissaa qulakkeernissaat inatsimmut siunertaavoq.

Imm. 3.3-mi nassuiarneqartut atomip nukinganik atortussianik unioqqutitsilluni sakkoqarnermik ingerlassani ilaanginnissaasa imaluunniit qunusiarinnilluni angusaqarnermut atatillugu atorneqanginnissaasa qulakkeernissaannik Kunngearfik Danmarkip pisussaaffeqartitaavoq. Ilaatigut IAEA-mit aalajangerneqartut sillimaniarnermik nakkutilliinissamik pisussaaffinnut naalagaaffiit innuttanut pisussaaffiit pituttuisunut naleqqiullugit ingerlaqqittut sillimaniarnermik nakkutilliinermut iliuusissamik pisariaqartitsisoqarsinnaanera Kunngearfik Danmark nunanut allanut, illersornissamut imaluunniit sillimaniarnermut politikkikkut isumaliutit aallaavigalugit nalilersuisinnaassaaq. Kunngearfiup Danmarkip naalagaaffiit innuttanut pisussaaffiit pituttuisutut sillimaniarnermik nakkutilliinermut pisussaaffii Atomip nukinganik sakkunik siammarterinnginnissaq pillugu Isumaqatigiissummit tunngaveqarpoq, tassaasoq nunat tamalaani sakkussakilliliinermut siammarterissannginnermullu iliuuserisanut tunngavigisaq, aammalu sillimaniarnermik nakkutilliinermik aaqqissuussiviliornissamik aalajangersaasoq. Taakku siullertut pingaarnertullu IAEA-p sillimaniarnermik nakkutilliinissamik isumaqatigiissutaa ilassutitullu protokolia aqutugalugit atuutsilerneqarput.

Siunertamut aalajangersakkap sillimaniarnermik nakkutilliineq pillugu ataatsimoorussatut nalunaarummi paasinnineq malippaa, tassani inatsisissatut siunnersuut manna Atomip nukinganik sakkunik siammarterinnginnissaq pillugu Isumaqatigiissutit aamma IAEA-p ataani Kunngearfiup Danmarkip sillimaniarnermik nakkutilliinermut pisussaaffiisa naapertuutsinnissaannik qulakkeerinnissalluni, kiisalu suliaasaqarfimmi nunat tamalaani najoqqutassat sakkortunerpaat, ilaatigut Australiami Canadamilu takussutissartaqartut malittarinissaannik qulakkeerinnissalluni.

Siunertamut aalajangersagaq inatsisip siunertat nalunaarsukkat sianigalugit aqutarineqassaneramik isumaqarpoq. Aalajangersagaq tassaavoq atomip nukinganik atortussianik sorsunnerunngitsumik atugarinissaannik, aamma nunat tamalaani pisussaaffinnik najoqqutaqarnissamik qulakkeerinissap pingaartuutinnerinik takussutissiisoq.

*§ 2-mut*

Inatsit malillugu atuutsinneqalersussanit aqutsisoqarnermi najoqqutassiani teknikkikkut nassuiaatit arlallit ilaatinneqassapput. Taamaattumik inatsiserpiami atorneqartussanik teknikkikkut oqaasiusuinnarnut aalajangersagaq tunngasuvoq.

Nassuiaatit Danmarkimut atuutsitaasuni Euratomimi peqqussut 302/2005-imi, aamma Euratomimi isumaqatigiissummi nassuiaatinut assingunissaat tunngaviussasut inatsisissatut siunnersuummut nalinginnaasumik oqaaseqaatini imm. 5.1-imi allassimavoq. Tamanna inatsit malillugu aamma atuutsinneqartuni aqutsinermut najoqqutassiani ilaatinneqartunut nassuiaatinut atuutissaaq. Taamaalilluni Euratomimi isumaqatigiissummi aamma Euratomimi peqqussut 302/2005-imi aalajangersakkat innersuutigineqarput, ilanngullugit aamma Euratomip iluani sillimaniarnermik nakkutilliinerup atornera pillugu Euratomimi peqqussut 302/2005-ip atorneranut najoqqutassat pillugit Kommissionip innersuussutaani 15. december 2005-imeersumi, kiisalu atomip nukinganik ingerlatsivinni atomip nukinganik atortussianik naatsorsuuserinermut nakkutilliinermullu aaqqissuussamik suliaqartuusup atuutsitsilerneru pillugu Kommissionip innersuussutaani 11. februar 2009-meersumi qitiutitanik nassuiaatinik oqaatsinillu atukkanik ilassutitut nassuiaatit.

*Imm. 1, nr. 1* malillugu inatsimmi matumani atomip nukinganik atortussiani paasineqarput aatsitassaq (piiagaq), annissugassatut atortussiaq aamma fissilnik (qulloorsinnaasunik) immikkut ittunik atortussiat. Taakku nr. 2-4-mi erseqqinnerusumik nassuiarneqarput.

*Imm. 1, nr. 2* malillugu atuutissaaq inatsimmi matumani aatsitassami paasineqartutut aatsitassaq sunaluunniit, imm. 2 malillugu aalajangersakkatut agguaqatigiissitatut kimittussusilinni akuutissanik imaqarnermigut akoorutissatigut aamma tigussaasutut suliaqarnerni annissugassatut atortussiuliornissamut periarfissiisoq. Taamaalillutik uranimik aamma/imaluunniit thoriumimik imaqartutut qaqqat ujaraat erseqqinnerusumik paasineqarput, taakku aalajangersakkatut agguaqatigiissitatut kimittussusilinni uranimik imaluunniit thoriumimik imaqarnermik akoorutissatigut aamma tigussaasutut suliaqarnerni annissugassatut atortussialiornissamut periarfissiillutik. Akoorutissatigut aamma/imaluunniit tigussaasutut suliaqarnerni paasineqassapput ingerlassat tamarmik, annissugassatut atortussanut tunngavissiisinnaasunik immikkoortortanut aatsitassanik piiakkanik immikkoortitsinissaq siunertaralugu suliaqarfiusut.

Euratomimi isumaqatigiissummi artikel 197 malillugu aalajangersakkatut, takuuk imm. 2, agguaqatigiissitatut kimittussusilinnut assingusunik nunanut allanut ministerip agguaqatigiissitatut kimittussutsinik aalajangersaanerani aatsitassanut inatsimmut taamaallaat aatsitassat pineqartutut pinngoqqaatinik aalajangersimasunik imallit ilaatinneqassapput. Det europæiske Atomenergifællesskabip pilersinnissaa pillugu isumaqatigiissummi artikel 197, imm. 4-mi pineqartuni aatsitassani kimittussutsit aalajangersarneri pillugit Peqqussut nr. 9-mi Rådimit atuutsitatut aalajangersakkatut agguaqatigiissitatut kimittussutsit allassimapput. Peqqussummi artikel 2-mi allassimavoq aatsitassanut uranitalinnut agguaqatigiissitatut kimittussuseq tassaasoq 0,1 pct.-imik imaluunniit taanna sinnerlugu uranitaqartutut agguaqatigiissitatut kimittussuseq sunaluunniit, aatsitassanut thoriumitalinnut, monazit ilanngunnagu agguaqatigiissitatut kimittussuseq 3 pct.-iussaaq imaluunniit taanna sinnerlugu, monazitimullu 10 pct.-imik imaluunniit taanna sinnerlugu thoriumitalittut agguaqatigiissitatut kimittussuseq sunaluunniit, imaluunniit 0,1 pct.-imik imaluunniit taanna sinnerlugu uranitalik.

Isumasioqatigiissitanit atuutsitanik agguaqatigiissillugit imaqassutsip assinganik killissanik naleqassutsinik aalajangersaanikkut aatsitassat naleqassutsit taakku ataannik imaqartut inatsit manna malillugu sillimaniarnermik nakkutilliivigineqassanngillat, sillimaniarnermik nakkutilliinissamut atasunik atortussiat imarisaat appasingaatsiarnerat sianigineqassalluni.

Taamaattorli inatsit manna malillugu sillimaniarnermik nakkutilliinermut aatsitassat piiakkat imaluunniit tunisassiarisat ilaatinneqassapput, naak aatsitassamik inatsisip nassuiaataanut aatsitassaq pineqartoq piviusutut ilaanngikkaluartoq, aatsitassaq annissugassatut atortussialiornermut ilaassalluni, taamaalillunilu atomip nukinganik ikummateqarfimmut ilaatinneqarluni.

*Imm. 1, nr. 3* malillugu atuutissaaq inatsimmi matumani annissugassatut atortussiat tassaasut a) urani, pinngortitami nassaassaasumik isotopinik katitigaanermik imaqartoq, b) urani, nalinginnaasumut naleqqiullugu uran 235-imik imaqassusaa annikinnerusooq, c) thoriumi, d) siuliani atortussiat taaneqartuni sunaluunniit saviminertut, akuukkatut, akoorutissatigut attaveqarfittut imaluunniit kimittussusilittut iluseqartut, aamma e) qulaani taaneqartutut atortussiat aalajangersakkatut kimittussusilinnik ataatsimik arlalinnilluunniit imaqartutut atortussiat suulluunniit allat, takuuk imm. 2.

*B) urani, nalinginnaasumut naleqqiullugu uran 235-imik imaqassusaa annikinnerusumi* erseqqinnerusumik paasineqassaaq uranilittut pinngortitami pigisanut naleqqiullugu urani uran 235-mik imaqassusia annikinnerusooq. Uranilittut pinngortitami pigisanut naleqqiullugu urani uran 235-mik imaqassusilik aamma taaneqartarpoq ”udarmet uran”. Uranilittut pinngortitami pigisani uran 235-imik imaqassuseq 0,7 pct.-it missaanniippoq.

*Imm. 1, nr. 4* malillugu atuutissaaq inatsimmi matumani fissilini immikkut ittutut atortussiat tassaasut: a) plutonium 239, b) uran 233, c) uran 235-mik imaluunniit 233-mik atorsinnaangorsakkatut urani, d) qulaani taaneqartutut isotopimik ataatsimik arlalinnilluunniit imaqartutut atortussiaq sunaluunniit, aamma e) imm. 2 malillugu aalajangersagaasutut fissilini atortussiat allat. *A) plutonium 239-mi* erseqqinnerusumik paasineqassaaq pinngoqqaat nr. 94, plutoniumimit isotopim Pu-239.

*B) uran 233-mi* erseqqinnerusumik paasineqassaaq pinngoqqaat nr. 92, uranimit isotop U-233.

*C) uran 235-mik imaluunniit 233-mik atorsinnaangorsakkatut uranimi* erseqqinnerusumik paasineqassaaq uranilittut pinngortitami pigisani uran-235-imik kimittussusilimmut naleqqiullugu pinngoqqaat nr. 92, urani, isotopinik uran-233-mik uran-235-mik kimittussuseqarnerusutut imalik. Uranimut atorsinnaangorsakkamut paasineqassaaq urani, teknikkinik naleqquttunik atuinerup nassatarisaanik uranimut pinngortitami pigisamut naleqqiullugu isotopimik fissiliusumik uran-235-imik annertunerusumik imaqalersitaq. Uran-233 pinngortitami nassaassaangilaq, assersuutigaluguli kernereaktorimi piliarineqartarpoq.

*D) qulaani taaneqartutut isotopimik ataatsimik arlalinnilluunniit imaqartutut atortussiaq sunaluunniimmi erseqqinnerusumik paasineqassaaq tunisassiat suulluunniit Pu-239-mik, U-233-mik, aamma uranimik U-235-imik imaluunniit U-233-mik atorsinnaangorsakkamik imallit.*

*E) imm. 2 malillugu aalajangersagaasutut fissilini atortussia allani paasineqassapput atortussia fissiliusut allat tamarmik, taamaattorli imm. 2 malillugu aalajangersakkatut plutoniumimit isotopinut tamanut killilernagit.*

Oqariaaseq fissilini immikkut ittutut atortussiaq annissugassatut atortussiananut atorneqarsinnaangilaq.

*Imm. 1, nr. 5 malillugu atuutissaaq inatsimmi matumani ingerlatsivimmi paasineqartussat: Reaktori, ajutoortoqarfimmi ingerlatsivik, allanngortitsinermik ingerlatsivik, tunisassiornermik ingerlatsivik, suliarinninnermik ingerlatsivik, isotopini avissaartitsinermik ingerlatsivik, immikkut ittumik toqqorsinermut ingerlatsivik, eqqakkanik suliarinninnermut imaluunniit toqqorterinnermut ingerlatsivik, aammalu sumiiffiit allat tamarmik annissugassatut, imaluunniit fissilini immikkut ittutut atortussia nalinginnarmik atorneqarfigisaat.*

*Reaktorimi aamma ajutoortoqarfimmi ingerlatsivimmi erseqqinnerusumik paasineqassapput ingerlatsiviit, assersuutigalugu nukissamik, partikelini (sananeqaatinik minnernik) il.il. atomini avissaartitsiniarluni nakkutigisatut kædereaktionini atuiffiit.*

*Allanngortitsinermik ingerlatsivimmi erseqqinnerusumik paasineqassapput ingerlatsiviit uranimik aatsitassanik kimittorsakkamik (yellowcakemik) uranimik eqqortumik akoorutissatigut attaveqarfinnut allanngortitsisarfiit, nalinginnaanerusumik uranhexafluorid (UF<sub>6</sub>)-mut, atomip nukinganik ikummatitut toqqaannartumik atuinissamut siunertaqarluni kingornatigut atorsinnaangorsaansamik, urandioxid (UO<sub>2</sub>)-liornissamik, imaluunniit saviminilittut uraniliornissamik siunertaqarluni.*

*Tunisassiornermik ingerlatsivimmut erseqqinnerusumik paasineqassapput ingerlatsiviit pingaarutilittut annissugassatut akuutissanit, ilanngullugit uranimit atorsinnaangorsakkamit imaluunniit pinngortitamit saviminilittut uranimit aamm urandioxidimit atomip nukinganik ikummatissiornermut atorneqartut.*

*Suliarinninnermik ingerlatsivimmut erseqqinnerusumik paasineqassapput ingerlatsiviit, ikummatissaaq atorsimasaq suli qulloorneqanngitsutut fissilitut atortussiamut aamma fissionimik piliat sinnerini imalimmut. Suliarinninneq nalinginnarmik immikkoortitikkanut uranimik plutoniumimillu avititerisarput, kiisalu fissionimik piliat annersaannik imalimmik immikkoortitamik.*



*Isotopinik avissaartitsinermik ingerlatsivimmu erseqqinnerusumik paasineqassapput a), ingerlatsivik, assersuutigalugu reaktorimi atortussiaq qinngorfigineqarsimasoq isotopit aalajangersimasut avissaartinnissaat siunertaralugit suliarinnittarfik, nalinginnarmik tunisassiorfimmi imaluunniit nakorsaasionermut atatillugu atorneqarnissaat siunertarineqarlutik. Ingerlatsiviit taama ittut nalinginnarmik qinngornermut ioniseriisumut illersuiniarluni assersorneqartarput, aamma b) uranimut atorsinnaanngorsaasarfik, aallaavimmu naleqqiullugu uran-235-eqassutsimik annertusaaniarneq siunertarineqarluni. Pinngortitami urani uran-235-mik 0,7 pct. missaannik imaqarpoq. Kraftreaktorimi nalinginnarmi urani ikummatissatut atorsinnaassagaanni uran-235-mik 3 pct.-it aamma 5 pct.-it akornanni imaqarterlugu atorsinnaanngorsassassaaq. Teknologiini pingaarutilinni ilaapput gascentrifugit, gasdiffusionsanlægit, aamma laserimik atorsinnaanngorsaaneq.*

*Immikkut ittumik toqqorsinermu ingerlatsivimmu erseqqinnerusumik paasineqassapput annissugassatut atortussianut, imaluunniit fissilini immikkut ittutut atortussianut toqqorsisarfitut atugassiat, reaktorinut, ajutoortoqarfimmi ingerlatsivinnut, allanngortitsinermik ingerlatsivinnut, tunisassiornermik ingerlatsivinnut, suliarinninnermik ingerlatsivinnut, isotopinik avissaartitsinermik ingerlatsivinnut, immikkut ittumik toqqorsinermu ingerlatsivinnut, eqqakkanik suliarinninnermut imaluunniit toqqorterinermu ingerlatsivinnut, aammalu sumiiffiit allat tamarmik annissugassatut, imaluunniit fissilini immikkut ittutut atortussiat nalinginnarmik atorneqarfigisaasunut attuumassuteqanngitsut.*

*Eqqakkanik suliarinninnermut imaluunniit toqqorterinermu ingerlatsivimmu erseqqinnerusumik paasineqassapput ingerlatsiviit, annissugassatut imaluunniit fissilini immikkut ittutut atortussianik, radioaktiviusutut eqqakkatut nassuiarneqartunik toqqorterinissamik aamma inissiisinnaanermu piareersaarnissamik, kiisalu toqqortarinninnermik ingerlatsivimmu siunertaqartut.*

*Sumiiffiit allat tamarmik annissugassatut, imaluunniit fissilini immikkut ittutut atortussiat nalinginnarmik atorneqarfigisaannut erseqqinnerusumik paasineqassapput qulaani nalunaarsugaasunut naleqqiullugit ingerlatsiviit sumiiffiillu allat tamarmik, § 2, imm. 1, nr. 3-4-mi nassuiarneqartutut annissugassatut imaluunniit fissilini immikkut ittutut atortussianik nalinginnarmik pigineqarfii imaluunniit atorneqarfii. Tassunga assersuutigalugit ilaapput ingerlatsiviit uranimik aatstitassamik paaanermu suliarinninnermullu tunngasut, kiisalu imerlapalasunik uranitalinnik immikkoortitsinissamut ingerlatsiviit aserorterivinnik sequtserivinnillu ingerlatsivinnik ilaqarsinnaasut; ingerlatsiviit aatsitassap aserorterlugulu sequtserneqarfiat; aatsitassanik kimittorsaaffittut ingerlatsiviit; ingerlatsiviit aatsitassaq sequtsigaq aatsitassanik atugarinissaannik kissaatigineqanngitsunit eqqagassatullu isigineqartunit (tailings) aatsitassanik uranitalinnik aamma thoriumitalinnik immikkoortitaqarniarluni (aatsitassat kimittorsakkat) suliarinittarfiit; in-situ leachingimik ingerlatsiviit; ingerlatsiviit nunap ataanit aatsitassanik uranitalinnit uranimik immikkoortiterisut, ruujorit takisuut ikiorsiullugit nunamut imeq kuutsitaq aatsitassanik uranitalinnit tassani uranimik immikkoortiterilluni, kingornatigullu imerpalasortaqaq nunap qaanut maqigunneqartarluni, urani ingerlatsiviusumut (procesanlægit) immikkoortitaasarluni; ingerlatsiviusoq (procesanlægit), ingerlatsivik aatsitassani*

kimeqassusilimmik arrottitsisarfik, urani immikkoortinneqartarluni; panersiisarfiit toqqorsiviillu, ingerlatsivik uranip aatsitassartaanit kimittorsagaq panerserlugulu toqqortarineqarfia; tailinginik toqqorsivik, ingerlatsivik eqqakkat aatsitassatut kimeqassusilittut ilusillit, atugarinissaannik kissaatigineqanngitsut inissinneqartarfii; aatsitassanik uran-/thoriumitalinnik arrorsagaasut sinnerinik inissiisarfik, ingerlatsivik arrorsaalluni ingerlatsinerit kingornatigut akoorutitigut sinnerisatut atortussiat inissinneqartarfii; aamma imermik saliisarfiit, ingerlatsiviit ingerlatsivinnit tamanit erngup uraneqarneranik mingutsiterissutinillu allanik imaqarneranik saliisoqarfik.

*Imm. 1, nr. 6* malillugu atuutissaaq inatsimmi matumani atomip nukinganik ikummateqarfimmi atomip nukinganik tunisassiornermut atatillugu suliarisat tamarmik, aatsitassanik paaanermiit kernekræftværkinik sanaartornermut ingerlatsinerimullu, taakkuninnga matusinissaaq ilanngullugu, aammalu inaarutaasumik eqqakkanik radioaktiviunuk toqqortaarneq ilanngullugu.

Atomip nukinganik ikummateqarfimmik IAEA-p nassuiaanera malillugu atomip nukissiornermut (sorsunnerunngitsumut tunngasortanut) atatillugu atomip nukinganik ikummateqarfimmiippat suliat ingerlassallu tamarmik. Atomip nukinganik ikummateqarfimmiissinnaappat ilaasartut makku, ilanngullugulu ilutsit marluk atorlugit aallartinneqarsinnaavoq: 1) Ieqqorisaasutut aatsitassarsiornermi uranimik aatsitassaq paaarneqartarpoq. Aatsitassaq aserorterlugulu sequtserneqartarpoq, uranitalittullu aatsitassat immikkoortinneqartarlutik (aatsitassat kimittorsakkat). Aatsitassat kimittorsakkat akoorutinik suliaqarnikkut arrotinneqartarput. 2) Aatsitassat uranitallit in-situ'mi arrottitaasarput, imerpalasortarlu uranitalik nunap qaanut maqigunneqartarluni. Kingornatigut 1)-imit imaluunniit 2)-mit urani uranip aatsitassartaanit kimittorsakkatut (aamma yellowcaketut ilisimaneqartutut) ilusilittut immikkoortinneqarsinnaavoq, kingornatigullu gassimut uranhexafluorid (UF<sub>6</sub>)-imut allanngortiterisarfiittut ingerlatsivimmi allanngortinneqartarpoq. Gassi taanna atorsinnaangorsaaftittut ingerlatsivimmi atorsinnaangortinneqartarpoq; atorsinnaangorsaanermut teknikkut assigiinngitsut atornerqarsinnaappat, ilaatigut gasdiffusion, gascentrifugering aamma laserimik immikkoortiterineq. Reaktorteknologiimi atuuffissaanik aalajangiisumik uran-235-imik aalajangersimasumik imaqalersillugu – uran-235-mi 3-5 pct.-iugajuttumik – urani atorsinnaangorsarneqartarpoq. Atortussiamit atorsinnaangorsakkamit uranimit ikummatissiorortoqartarpoq – taaneqarajupput uranstavit. Ikummatissatut stavit kernekræftværkini (atomip nukinganik nukissiorfinni) nukissamik tunisassiornermut atornerqartarput, kingornatigullu toqqorneqartarput. Ikummatissatut stavit atugaasimasut aamma atorsinnaangorsaaqqissinnaappat, atornerqaqqillutillu. Siunissami kernekræftværkini thorium nukissiuutaasinnaavoq, taamatullu pisoqassappat immikkoortitami ikummateqarfimmut ilaatinneqassaaq. Tassunga atasutut thorium atortussianik fissiliunuk suliaqarniarnermut atortussiatut fertiliunuk (piginnaangorsaaq) atornerqassaaq.

*Imm. 2* malillugu atuutissaaq imm. 1, nr. 2-mi nalunaarsukkatut agguaqatigiissitatut kimittussutsit, imm. 1, nr. 3-mi nalunaarsukkatut kimittussutsit, aamma imm. 1, nr. 4-mi nalunaarsukkatut fissilini atortussiat allat pillugit, Euratomimi isumaqatigiissummi artikel

197-ip nassatarisaanik aalajangersakkanut assingusunik, nunanut allanut ministeri erseqqinnerusunik malittarisassianik aalajangersaasinnaanera. Euratomimi isumaqatigiissut malillugu Rådip malittarisassianik aalajangersaanera Kalaallit Nunaanni imaaliallaannartumik atuutsilernissaanut ilalerneqarsinnaangimmat aalajangersagaq malillugu atuutissaq malittarisassianik taakkuninnga nunanut allanut ministeri aalajangiissasoq, taakkulu Euratomimi isumaqatigiissutip nassatarisaanik aalajangersakkatut assingusutut malittarisassianut assingussasut.

### § 3-mut

*Imm. 1* malillugu atuutissaq Kunngearfiup nunat tamalaani sillimaniarnermik nakkutilliinermut pisussaaffiisa naapertuutsinnissaanut Kunngearfik Danmarkimi sillimaniarnermut nakkutilliinermut nunanut allanut ministerip oqartussaasutut akisussaaffeqarnera. Kunngearfiup nunat tamalaani sillimaniarnermik nakkutilliinermut pisussaaffii Atomip nukinganik sakkunik siammarterinnginnissaq pillugu Isumaqatigiissummit, aamma Kalaallit Nunaannut atuutsitamik Kunngearfiup Danmarkip IAEA-lu sillimaniarnermik nakkutilliinermut isumaqatigiissutaanit ilassutitullu protokolianit malitseqartitaapput. Taamatut pisussaaffinnut tunngatillugu ingerlatsiviit, atomip nukinganik atortussiat, aatsitassanik piaanerit, aamma atomip nukiganik ikummateqarfimmut tunngasunut suliat sillimaniarnermik nakkutigineqarnissaannut nunanut allanut ministeri akisussaaffeqarpoq. Pisussaaffinniiporlu tamakku pillugit IAEA-mut nalunaarusiortarnissaq. Nunat tamalaani pisussaaffinni aamma ilaapput IAEA-mit misissuiartortartut nakkutilliisinnaanerisa, ilanngullugit misissuiartortarnerisa qulakkeerlugillu atugassalertarnissaat.

*Imm. 2* malillugu atuutissaq Upalungaarsimanermut Aqutsisoqarfik sillimaniarnermik nakkutilliinermut tunngatillugu suliaassanik isumaginnittassasoq, ilanngullugit immikkut ittutut nakkutilliinermut aalajangersakkanik aalajangersaasarnissaq, sillimaniarnermik nakkutilliinermut pisussaaffiit naapertuutsinnerinut misissuillunilu nakkutilliisarnissaq, aammalu sillimaniarnermik nakkutilliinermik misissuiartortassalluni, takukkit §§ 4-6 aamma 8. Upalungaarsimanermut Aqutsisoqarfiup suliaasaaniipput assersuutigalugit erseqqinnerusumik atomip nukiganik atortussianut tunngatillugu Kalaallit Nunaannut ataatsimoorussatut qarasaasiakkut naatsorsuisarnermut nakkutilliisarnermullu aaqqissuussiviup pilersillugulu ingerlatarinera, sillimaniarnermik nakkutilliinermut aalajangersakkanik immikkut ittunik aalajangersaaneq, sillimaniarnermik nakkutilliinermut pisussaaffiit, misissuisarnerit aamma peqqussutit il.il. pillugit aalajangiussaqarnerit naapertuutsinnerinik misissuillunilu nakkutilliineq. Ilanngullugu IAEA-mit misissuiartortartut misissuinerimik suliaqarfigissallugit kissaatigisaannik Upalungaarsimanermut Aqutsisoqarfik atugassiisassaaq. Upalungaarsimanermut Aqutsisoqarfiup aalajangersagaq malillugu suliaasai taamaallaat sillimaniarnermik nakkutilliinermut tunngasuupput, Upalungaarsimanermut Aqutsisoqarfiup oqartussaasutut suliaassarfiisa allat iluini suliaasanut tunngasuunatik.

Nunanut allanut ministerimut soorlulusooq Upalungaarsimanermut Aqutsisoqarfimmut suliassiissutaasutut suliassanik erseqqinnersumik nassuiaammut tunngatillugu inatsisissatut siunnersuummut nalinginnarmik oqaaseqaatini imm. 5.1 aamma innersuussutigineqarpoq.

*Imm. 3* malillugu atuutissaaq § 4, imm. 1-4 malillugit nalunaaruteqarnermik, aamma imm. 5 malillugu nalunaaruteqarnermik, § 5, imm. 1-3 malillugit nalunaarusianik naatsorsuutinillu tigusaqarnermik, aammalu § 6, imm. 1 malillugu aalajangiussanik nassiussinermik, kiisalu § 8, imm. 1, 3 aamma 4 malillugit misissuineranut nakkutilliinernullu tunngasunut suliassat isumaginnissaannik Upalungaarsimanermut Aqutsisoqarfiup ikiornissaanut nunanut allanut ministerip, Naalackersuisunik isumaqatiginninniareerluni Inuussutissarsiornermut, Suliffeqarnermut Niuernermullu Naalackersuisoqarfik pisussaaffilersinnaagaa.

Aatsitassarsiornermik suliassaqarfiup iluani suliaqartuusunik, ilanngullugit suliaqartuusut, at ilaasussanut sillimaniarnermik nakkutilliinermut suliaqarnermi ilaatitaasunut Inuussutissarsiornermut, Suliffeqarnermut Niuernermullu Naalackersuisoqarfik aatsitassaqaqarnermut oqartussaasutut attaveqartarpoq. Suliaqartuusutut pineqartut siamasissumik nalunaartarnermut, nalunaaruteqartarnermut, nalunaarusiorlunilu naatsorsuusiornermut il.il. tunniussisarnermut tunngatillugu taamaallaat oqartussaasoqarfimmik ataasiinnarmik attaveqarnermik isumaginnittarnissaasa qularnaarnissaa siunertaralugu § 4, imm. 1-4 malillugit suliaqartuusut nalunaartarneranni nalunaarutip Inuussutissarsiornermut, Suliffeqarnermut Niuernermullu Naalackersuisoqarfimmut nassiunneqartarnissaa pillugu malittarisassianik aalajangersaasoqarnissaaq siunertarineqarpoq. Tamatuma kingornatigut atomip nukiganik atortussianut tunngasutut Kalaallit Nunaanut qarasaasiakkut naatsorsuuserinermik nakkutilliinermillu aaqqissuussivimmi tunngaviusutut teknikkikkut paasissutissat ilisimatitsissutillu il.il. Naalackersuisoqarfiup immersuutigisassavai. Atomip nukinganik atortussianik atuinerit pillugit suliaqartuusunit nalunaarutiviit, tunngaviusunik teknikkikkut paasissutissanik ilisimatitsissutinillu imallit Upalungaarsimanermut Aqutsisoqarfimmut imminneertumik qarasaasiakkut ilusilikkatut nassiuteqqinneqartassapput, taamaalilluni Upalungaarsimanermut Aqutsisoqarfiup nakkutilliinera ilisimatitsissutinik taakkuninnga tunngaveqarluni pisinnaaniassammat. Taamatuttaaq § 4, imm. 5 malillugu nalunaaruteqartarnermut atuisoqassaaq. Aammattaaq § 5, imm. 1-3 malillugit nalunaarusianik naatsorsuutinillu tigusaqartarnermut assinga atuutissaaq.

Suliaqartuusunut immikkut ittunik nakkutilliinermut aalajangersakkanik aalajangersaanerit pillugit Upalungaarsimanermut Aqutsisoqarfimmi aalajangiussanut tunngatillugu siunertaavoq aqutsisoqarfik aalajangiussaaq aalajangersimasooq Inuussutissarsiornermut, Suliffeqarnermut Niuernermullu Naalackersuisoqarfimmut nassiuttassagaa, taassumalu kingornatigut suliaqartuusumut aalajangiussaaq nassiuttassallugu.

§ 8, imm. 1, 3 aamma 4 malillugit Upalungaarsimanermut Aqutsisoqarfiup misissuinerani nakkutilliineranilu ilaasutut suliassaniippat assersuutigalugit atomip nukinganik atortussianut tunngatillugu annertussutsit, inissiinerit assingisaallu pillugit paasissutissat eqqortuunerannik uppernarsaaneq. Aatsitassanut ikummatissanullu inatsisip ataanut

assingusunik, imaluunniit misissuineramik nakkutilliinermillu suliassanik eqqaanartunik isumaginninnermut atatillugu suliassat taama ittut isumaginissaannut isumaqatigiissuteqareernikkut Inuussutissarsiornermut, Suliffeqarnermut Niuernermullu Naalackersuisoqarfik ikiuisinnaavoq.

Inuussutissarsiornermut, Suliffeqarnermut Niuernermullu Naalackersuisoqarfiup suliassanik isumaginnittarnera Upalungaarsimanermut Aqutisisoqarfirmik erseqqinnerusumik isumaqatigiissuteqareernikkut, aammalu aqutisisoqarfiup ilitsersuillunilu akisussaaffigisaata ataani pisassaaq.

#### § 4-mut

*Imm. 1* malillugu atuutissaaq atomip nukinganik atortussiat atorneqarsinnaaffinik ingerlatsiviliortoq imaluunniit ingerlatsivimmik ingerlataqartoq sillimaniarnermik nakkutilliivigineqartarnermut ilaassasoq, ingerlatsivimmullu tunngaviusunik teknikkikkut nalunaarsuuteqarlunilu ingerlatsivimmi atorneqartutut atomip nukinganik atortussiat pillugit nalunaarutiginnittassasoq. Taamaalilluni ingerlatsiviup sillimaniarnermik nakkutilliinermut ilaatinneqarnissaa, aammalu tamatumuunakkut nalunaaruteqartarnissamut pisussaaffiup atuutsinnissaa pillugit ingerlatsiviup qanoq ittuunera aalajangiisuuvoq. Taamaattumik ingerlatsiviit atomip nukinganik atortussianik atugaqarsiusartut nalunaarutaasassapput, ingerlatsivimmi piviusumik atomip nukinganik atortussiaq atorneqaraluarpat atorneqanngikkaluarpalluunniit. Aalajangersakkami ilaasumut ingerlatsivimmut nalunaaruteqartarnermut pisussaaffik sanaartornermiilli atuutilersarpoq, taamaalillunilu ingerlatsivimmi atomip nukinganik tunisassiorneq imaluunniit suliagarneq sioqqullugit pisussaalluni.

Aalajangersagaq malillugu atomip nukinganik atortussianik atuinermut paasisaqarneq tassaavoq tunisassiorneq, immikkoortiterineq, sanarfineq, toqqorterineq, reaktorini innaallagissiorneq, ingerlatsivinni ajutoortoqarfinni imaluunniit nulenergianlægini ilisimatusarneq, allanngortiterineq, tunisassiarinninneq, isotopit immikkoortiterneri, aatsitassat kimittorsakkat, kiisalu eqqakkanik suliarinnillunilu toqqorterineq. Paasinninneq taanna Euratomimi peqqussut 302/2005-imi atuinerup paasisarineranut assinguvoq.

Annessugassatut atortussianik sanaartornermik akoorutissatigut timalittullu suliagarnermi periarfissiisunik akoorutissanik imaqartumik aatsitassanik paaasoqarfittut aatsitassarsiorfik sillimaniarnermut nakkutilliinermut ilaasussaavoq. Tamanna aamma atuutissaaq naak aatsitassaaq inatsisip nassuiaataa malillugu aatsitassaanngikkaluarpat, aatsitassaaq piiagaq piviusutigut annissugassatut atortussialiornermut atorneqassatillugu. Taamaattumik imm. 3 malinnagu aalajangersagarli malillugu aatsitassarsiornermik ingerlatsivik taama ittoq nalunaaruteqarfiusassaaq. Taamaattorli paasissutissat il.il. nalunaarutaasartussat imm. 3 malillugu paasissutissanut nalunaarutaasartussanut assingussapput.

Atomip nukinganik atortussianik piviusutut atugaqarfiusunik ingerlatsivinnik nalunaarutaasut aamma atortussiat pillugit paasissutissanik ilaqartinneqassapput. Atomip nukinganik atortussiaq tassaavoq sillimaniarnermik nakkutilliinermut pingaarnertut

misissugarisaaq, atuinermillu nalunaartarneq annertussutsinik, inissiinernik il.il. naatsorsuisoqartarnermik nakkutilliisarnermillu qulakkeerissaaq.

*Imm. 2* malillugu atuutissaaq atomip nukinganik atortussianik pigisaqartup sillimaniarnermik nakkutilliivigineqartarnermut ilaassanera, tamannalu pillugu nalunaarutiginnittassanera. Taamaalilluni imm. 1 malillugu nalunaartarnissamut pisussaaffilittut ingerlatsiviit avataanni atomip nukinganik atortussianik pigisaqartoq tassuuna pineqarpoq.

Sillimaniarnermik nakkutilliinermut atomip nukinganik atortussiat nalinginnaasumik pingaarnertut sammisarineqarput, taamaattumillu atomip nukinganik atortussiat tamatigit sillimaniarnermik nakkutilliinermut ilaatinneqartartussaapput. Aalajangersagaq assersuutigalugit makkuninnga pigisaqarnermut tunngavoq: nakorsaatinut tunisassiorfinnilu radiografiimut atortunik, udarmikkamik uranimik imaqartunik atortut, assartuinermit puut, udarmikkamik uranimik imaqartunik, katalysatorit, atomip nukinganik atortussianik imaqartunik, igalaaminernut atugassiat, atomip nukinganik atortussianik imaqartunik, laboratoriat, najoqqutassatut atomip nukinganik atortussianik atuisut, aamma ilinniagaqarfiit, atomip nukinganik atortussianik atuisut.

Piviusuni atoqqitassanngorteqqissinnaanngitsunik atomip nukinganik atortussianik ilaqartunik atomip nukinganut siunertarinngisanut atorineqartussanik inaarutitut tunisassianik pigisallit aalajangersakkamut ilaangillat, takuuk imm. 6, taamatullu inaarutitut tunisassianik taama ittunik pigisaqarneq nalunaarutaassanngilaq. Aamma assartuinermit imaluunniit toqqortaqaqarallarnermi sivikitsumik tigummisaqarnermut aalajangersagaq atuutinngilaq. Taamatut sivikitsumik tigummisaqarneq imm. 4-mut ilaatinneqarpoq.

*Imm. 3* malillugu atuutissaaq aatsitassanik piiasaq sillimaniarnermik nakkutilliivigineqartarnermut ilaassasoq, aatsitassallu piiagaaneri pillugit tunngaviusunik teknikkikkut nalunaarsuutunik paasissutissanillu nalunaarutiginnittassasoq. Aatsitassaq atomip nukinganik ikummateqarfimmi siullertut ingerlassaavoq, taamaattumillu sillimaniarnermik nakkutilliinermut ilaassalluni.

Taamaallaat § 2, imm. 1, nr. 2-mi aatsitassamik nassuiaaneq malillugu aatsitassanik aalajangersakkatut agguaqatigiissitatut kimittussutsimikkut akuutissanik imalinnik, akoorutitigit timalittullu suliaqarnerni annissugassatut atortussialiornermik periarfissiisunik piianeq, aalajangersagaq malillugu nalunaaruteqarnissamut pisussaaffimmut ilaapput.

Taamaattorli aalajangersakkatut killissarisatut naleqassutsinut naleqqiullugit akuutissanik taamatut ittunik annikinnerusunik imalinnik aatsitassanik piianeq imm. 1 malillugu nalunaarutaasassapput, tassalu imm. 1-imut tamatumunnga oqaaseqaatit malillugit aatsitassaq annissugassatut atortussialiornermut piviusutut atorineqassappat.

Aatsitassanik pīaanermut nalunaartarnissamut pisussaaffeqarfilerlugu Euratomip iluanisulli annertussusilittut atomip nukinganik atortussianik sillimaniarnermik nakkutilliinermik pilersitsisoqassaaq, aatsitassanik pīaanermut immikkut ittunik sillimaniarnermik nakkutilliineq Euratomimi peqqussut 302/2005-imi ilaasuunera pissutaalluni.

*Imm. 4* malillugu atuutissaaq imm. 1-3-mi ilaanani atomip nukinganik atortussianik assartuisoq imaluunniit toqqorta qarallartoq sillimaniarnermik nakkutilliivigineqartarnermut ilaassasoq, tamannalu pillugu nalunaarutiginnittassasoq. Atomip nukinganik atortussiat ingerlatsiviit assigiinngitsut akornanni nuunneqartillugit, imaluunniit assersuutigalugu nunanut allanut nuussinissaaq siunertaralugu nassiussinissamut atuiffigisanut inissinneqartillugit namminersortutut assartuisartunut, shippingimik sulialittut suliffeqarfinnut aamma atomip nukinganik atortussiat utaqqiisaagallartumik inissimatinnerinut toqqorsivittut atuiffinnut akisussaasunut aalajangersagaq tunngasuuvooq. Atomip nukinganik atortussiaq nalinginnaasumik tassaavoq sillimaniarnermik nakkutilliinermut pingaarnertut sammisaaq, qaqugumuulluunniillu misissuinermut nakkutilliinermullu ilaassaaq taamatullu suliaqarfiusinnaassaaq. Namminersuutitut toqqorsiviit, atomip nukinganik atortussiat piffissami sivilunerusumi toqqortarineqarfii, assersuutigalugu kingusinnerusukkut ingerlatsivimmut allanut nuunneqarnissaat, imaluunniit nunanut allanut nuunneqarnissaat siunertaralugit toqqortarineqartut aalajangersakkami ilaangillat, taamaattorli imm. 1-imut ilaapput, atomip nukinganik atortussianik ingerlatsiviit atugaqartuusuniimmata ingerlatsiviit toqqorta qarfigisat. Paasissutissat nalunaarutaasussat assersuutigalugu assartuisumut, aammalu utaqqiisaagallartumik toqqortarinissaanut atomip nukinganik atortussianik tigusaqartutut agentimut, aammalu atomip nukinganik atortussiap annertussutsimut, suussusaanut, ilusaanut aamma katitigaaneranut, assartuinermut imaluunniit utaqqiisaagallartumik toqqortarineranut atatillugu tiguneqartumut imaluunniit tunniunneqartumut tunngasuusinnaapput.

*Imm. 5* malillugu atuutissaaq atomip nukinganik atortussianik atugaqarfiunngitsumik aamma atomip nukinganik ikummateqarfimmut tunngasunik suliaqartartup sillimaniarnermik nakkutilliivigineqartarnermut ilaassanera, tamannalu pillugu nalunaarutiginnittassasoq. Atomip nukinganik ikummateqarfimmut atomip nukissiornermut atatillugu suliarisat tamarmik paasineqassapput, aatsitassanik pīaanermit kernekraftværkit sanaartornerinut, ingerlannerinut ilanngullugulu matusaaneranut, aammalu eqqakkanik radioaktivusunik inaarutaasumik toqqortarineranut tunngatillugit, takuuk § 2, imm. 2, nr. 6. Aalajangersakkamut ilaasutut suliat tassaapput assersuutigalugit ilisimatusarnermut ingerlatassat, imaluunniit piviusutut atomip nukinganik ikummateqarfimmut tunngasutut suliarisanut tunngatinneqartunik atortunik tunisassiorneq, soorlu uracentrifuginik assiginillu tunisassiorneritut ittunik. Suliarisat taama ittut sillimaniarnermik nakkutilliinermut ilaatinnissaannut Kunneqarfik Danmarkip pisussaaffii Kalaallit Nunaannut atuutsitatut ilassutitut protokolimit malittarinnipput.

*Imm. 6* malillugu atuutissaaq atomip nukinganik atugassarinnngisatut siunertanut atorineqartussanik, aammalu piviusutigut atugaaqqissinnaanngitsunik atomip nukinganik

atortussianik inaarutaasunik atortuuteqartoq sillimaniarnermik nakkutilliivigineqartarnermut ilaanngitsoq, tamannalu pillugu nalunaarutiginnittassanngitsoq. Atugaaqqissinnaaneq imatut paasineqassaaq atomip nukinganik atortussiaq inaarutitut atugassiamit pineqartumit immikkoortinneqarsinnaanera, kingornatigullu (utimut) atorneqarsinnaanera.

Aalajangersakkami ilaasutut inaarutitut atortussiaq assersuutigalugit tassaapput marrarmut sikassaat, igalaamerngup qalipaataa, qullernut qinngortittagassanut ungerutissiap aammaartittakkap qalliissutaa, qalipaatinut akuliuttakkat, aamma qullernut gassitortunut qassutaasat aamaartartut, takuuk Euratomimi peqqussut 302/2005-imik atuinermut malittarisassiat pillugit Kommissionip innersuussutaa 15. december 2005-imeersoq. Atomip nukinganik atortussiaq imarisaat piviusutigut immikkoortiteqqillugillu atorneqaaqqissinnaajunnaaraangata inaarutitut atortussiaq pineqartut sillimaniarnermik nakkutilliinermut ilaatittariaaruttarput, taamaattumillu sillimaniarnermik nakkutilliinermut pisussaaffinnit inaarutitut atortussiaq taama ittut pigineri ilaatinneqanngillat. Ilaatitsinnginneq Euratomimi peqqussut 302/2005-imi artikel 1 (2) malillugu ilaatitsinnginnermut assinguvoq.

*Imm. 7* malillugu atuutissaaq imm. 1-4 malillugit nalunaarutiginnittarneq, aamma imm. 5 malillugu nalunaaruteqarneq Upalungaarsimanermut Aqutsisoqarfimmut ingerlanneqartassanera, taamaattorli takuuk § 3, imm. 3. Ilaatigut imm. 1-4 malillugu nalunaarutiginnittarneq aamma imm. 5 malillugu nalunaaruteqarneq malillugit tigusinnittarnermut Upalungaarsimanermut Aqutsisoqarfimmut Inuussutissarsiornermut, Suliffeqarnermut Niuernermullu Naalackersuisoqarfiup ikiuisussatut nunanut allanut ministerip, Naalackersuisunik isumaqatiginninniareernerup kingorna pisussaaffiliisinnaaneranut § 3, imm. 3 malillugu atuutsitaavoq. Suliaqartuusup imm. 1-4 malillugu nalunaarutiginnittarnera aamma imm. 5 malillugu nalunaaruteqartarnera pillugit nalunaarutit Inuussutissarsiornermut, Suliffeqarnermut Niuernermullu Naalackersuisoqarfimmut nassiuttarneratigut pisassanera pillugu malittarisassianik aalajangersaasoqassasoq siunertarinearpoq, naalackersuisoqarfiup atomip nukinganik atortussiaq atorneri pillugit tunngaviusutut teknikkikkut paasissutissanik aamma ilisimatitsissutinik suliaqartuusunit pinngoqqaatitut nalunaarutiginninnerit aamma nalunaarutit nammineertitatut qarasaasiami ilusilikkatut Upalungaarsimanermut Aqutsisoqarfimmut nassiuteqqittassallugit.

*Imm. 8* malillugu atuutissaaq imm. 1-5 malillugit nalunaarutiginnittarneq aamma nalunaaruteqartarneq, aamma imm. 1-4 malillugit nalunaarutiginninnermi aamma imm. 5 malillugu nalunaaruteqarnermi ilaasussanik tunngaviusumik teknikkikkut nalunaarsuutit paasissutissallu pillugit malittarisassianik erseqqinnerusunik Nunanut allanut Ministerip aalajangersaasinnaanera. Kalaallit Nunaanni pissutsinik tunngavilersuutigisinnaasatut allannguutit ilanngullugit, kiisalu nunat tamalaani sillimaniarnermik nakkutilliinermut pisussaaffinnik naapertuutsitsinissaaq qulakkeerlugu Det Europæiske Atomenergifællesskabip iluani sillimaniarnermik nakkutilliinermut pingaarutilittut malittarisassianut erseqqinnerusumik malittarisassiat aalajangersakkat assinguniassapput. Taamaalilluni malittarisassianik aalajangersaanerini nalunaarutiginnittarnermut, aamma Euratomip iluani peqqussut 302/2005 malillugu atuuttuusutut nalunaarutiginninnermi



nalunaaruteqarnerniluunniit ilaasussatut tunngaviusutut paasissutissanut ilisimatitsissutinullu piunasaqaatit assingusut pilersinneqassapput.

Imm. 1 malillugu ingerlatsivinnik nalunaarutiginninnermi ilaasussatut paasissutissat assersuutigalugit makku imarisinnaavaat: ingerlatsivimmik piginnittup aqqa, ingerlatsiviup inissimaffia eqqoqqissaartoq, ingerlatsivimmik siulersuisut, ingerlatsivimmi ingerlassat suuneri (sanaartugaanersoq, ingerlatarineqarnersoq imaluunniit matuneqarsimanersoq), ingerlatsiviup annertussusia killeqarfigisaalu, ingerlatsiviup ilusilersugaanera – illut, aqquuserngit, atomip nukinganik atortussianik toqqorsisarfiit, ilanngullugit tikittunut nassiussassanullu toqqorsiviit, aamma missiliuutigisatut tunisassiassat annertussusii. Atomip nukinganik atortussianik atuinerit pillugit paasissutissat, nalunaarutigisami ilaasussaasut assersuutigalugit makku imarisinnaavaat: suussuseq pillugu paasissutissat, atuinnermut erseqqinnerusutut nassuiakkamik iluserititaq, aamma annertussusissat naatsorsuutigisat.

Imm. 2 malillugu atomip nukinganik atortussianik pigisaqarnermut nalunaarutiginninnermi ilaasussatut paasissutissat assersuutigalugit makku imarisinnaavaat: piginnittup aqqanik, atomip nukinganik atortussiat suussusiinik, atomip nukinganik atortussiat annertussusaannik, timitalittut imaluunniit akoorutissatut ilusaannik, katitigaanerannik, inissisimanerinnik atornerqarnerinillu paasissutissat.

Imm. 3 malillugu aatsitassanik piiiaanermik nalunaarutiginninnermi ilaasussatut paasissutissat assersuutigalugit makku imarisinnaavaat: piiiaanermut ingerlatsivimmik piginnittup aqqa, ingerlatsiviup inissimaffia eqqoqqissaartoq, ingerlatsivimmik siulersuisut, ingerlatsivimmi ingerlassat suuneri (sanaartugaanersoq, ingerlatarineqarnersoq imaluunniit matuneqarsimanersoq), ingerlatsiviup annertussusia killeqarfigisaalu, ingerlatsiviup ilusilersugaanera – illut, aqquuserngit, toqqorsisarfiit, ilanngullugit tikittunut nassiussassanullu toqqorsiviit. Aatsitassanik piiaanerit nalunaarutiginninnermi ilaasussat pillugit paasissutissat assersuutigalugu piiaanissami annertussutsit naatsorsuutigisat pillugit, aammalu agguaqatigiissitatut uranimik thoriumimillu imaqarnissaannik naatsorsuutigisat pillugit paasissutissanut tunngasuusinnaapput.

Imm. 4 malillugu atomip nukinganik atortussianik assartuinerit utaqqiisaagallartumillu toqqortaqaarnerit pillugit paasissutissanik nalunaarutiginninnermut tunngatillugu malittarisassianik aalajangersaanermi paasissutissat pineqartut aallaqqaataanit atomip nukinganik atortussianik pigisaqartuusumit nalunaarsugaareernerat ilanngunneqassaaq, taamaalilluni marloqiusamik nalunaarsuineq pissanngimmat.

Imm. 1-4 malillugit nalunaarutiginninnermi aamma imm. 5 malillugu nalunaaruteqarnermi paasissutissat ilaasussat atomip nukinganik atortussianut tunngatillugu Kalaallit Nunaannut qarasaasiakkut nalunaarsuisarnermut nakkutilliinermullu aqqissuussami ilaassapput, taanna Inuussutissarsiornermut, Suliffeqarnermut Niuernermullu Naalakkersuisoqarfik peqatigalugu Upalungaarsimanermut Aqutsisoqarfiup pilersillugulu ingerlatarissallugu, takukkit § 3, imm. 2-mut oqaaseqaatit.

## § 5-imut

*Imm. 1* malillugu atuutissaaq § 4, imm. 1 malillugu nalunaarutiginninnissamut pisussaaffeqartooq ingerlatsivik pillugu tunngaviusutut nalunaarsuutitik paasissutissanillu, atomip nukinganik atortussianik atuinermik, naatsorsuutitut ingerlatsinermullu tamanik takussutissiivinnik, kiisalu atomip nukinganik atortussiat nuussorneri pillugit ilaqartumik aaqqissuussiveqarnissaa, tassanngaanniillu nalunaarsuutit naatsorsuutillu nassiuttassallugit. Aaqqissuussivimmi matumani paasineqarpoq ingerlatsivik pillugu tunngaviusutut teknikkikkut paasissutissanut ilisimatitsissutinullu tamakkiisumik aaqqissuussaasumillu allattugaqarfik, aammalu atomip nukinganik atortussianik atuinermut naatsorsuisarneq nakkutilliinerlu pillugit paasissutissat. Aaqqissuussivimmi ilaasinnaassasutut tunngaviusutut teknikkikkut paasissutissat pillugit § 4, imm. 8-mi oqaaseqaatit innersuussutigineqarput. Aaqqissuussivimmi ilaasinnaassasutut atomip nukinganik atortussianik piviusumik atuinerit pillugit paasissutissat assersuutigalugit imarisinnaavaat suussutsit, annertussutsit – atugassat angissusii, toqqorsisarnermut poortuisarnermullu periuseq, toqqorsivimmi toqqortarisinnaasat annertussusaat, tigooraanermik nalunaarsuineq, kiisalu ingerlatsivimmi sumiiffinnut allanut imaluunniit ingerlatsivinnut allanut nussuinerik nalunaarsuinerit pillugit paasissutissat. Aaqqissuussiviup erseqqinnerusumik ilusilersugaanera, ilanngullugu angissusia, aammalu aaqqissuussivimmi ilaasussatut paasissutissat ilisimatitsissutinullu, taakku qanoq aserfallatsaaliorneqassanersut, aammalu suussuserisaa, annertussusaa aamma nalunaaruteqartarnerup akulikissusaa malittarisassianit, nunanut allanut ministerimit aalajangersarneqarsinnaasunik malittarinnaassapput, takuuk imm. 5.

*Imm. 2* malillugu atuutissaaq § 4, imm. 2 malillugu nalunaarutiginninnissamut pisussaaffeqartup atomip nukinganik atortussianut naatsorsuutitut nakkutilliinermullu aaqqissuussivimmik peqassanera, tassanngaanniillu nalunaarsuutit naatsorsuutillu nassiuttassavai. Naatsorsuutitut nakkutilliinermullu aaqqissuussivik matumuuna imatut paasineqarpoq tassaasoq atomip nukinganik atortussiat pigisarineri pillugit paasissutissanut tamakkiisumik aaqqissuussaasumillu allattugaqarfik, assersuutigalugit makku: atomip nukinganik atortussiap suussusaa, atomip nukinganik atortussiat annertussusaasa allanngorneri, timitalittut imaluunniit akoorutitut ilusaasa allanngorneri, katitigaanerini allanngornerit, inissisimaffiini atugarinerinilu allanngornerit, kiisalu nuussinerit pillugit paasissutissat. Paasissutissat misissuinerit nakkutilliinernullu tunngaviliisinnaassapput. Naatsorsuutitut nakkutilliinermullu aaqqissuussiviup erseqqinnerusumik ilusilersugaanera, ilanngullugu annertussusia, naatsorsuutitut nakkutilliinermullu aaqqissuussivimmi ilaasussatut paasissutissat, aamma suussuserisaa, annertussusaa aamma nalunaaruteqartarnerup akulikissusaa malittarisassianit, nunanut allanut ministerimit aalajangersarneqarsinnaasunik malittarinnaassapput, takuuk imm. 5.

*Imm. 3* malillugu atuutissaaq § 4, imm. 3 malillugu nalunaarutiginninnissamut pisussaaffeqartup aatsitassat piiagaaneri pillugit tunngaviusutut teknikkikkut nalunaarsuutitik paasissutissanillu, kiisalu aatsitassat nuunneri pillugit ilaqartumik aaqqissuussiveqassanera, tassanngaanniillu nalunaarsuutit naatsorsuutillu nassiuttassallugit. Aaqqissuussivimmi matumuuna imatut paasineqassaaq piaanermik ingerlatsivimmut tunngaviusutut teknikkikkut paasissutissanut tamakkiisumik aaqqissuussaasumillu

allattuiffik, aammalu aatsitassanik paaanermik naatsorsuinerit nakkutilliinernullu paasissutissat. Aaqqissuussivimmi ilaasinnaassasutut tunngaviusutut teknikkikkut paasissutissat pillugit § 4, imm. 8-mut oqaaseqaatit innersuussutaapput. Aaqqissuussivimmi ilaasinnaassasutut aatsitassanik paaaneq pillugu paasissutissat assersuutigalugit annertussutsit piiakkat, agguaqatigiissitatut uranimik aamma/imaluunniit thoriumimik imaqassuseq, aamma aatsitassanik piiakkanik toqqortaatit pillugit paasissutissanut, kiisalu aatsitassat ingerlatsivinnut allanut nuunneri pillugit paasissutissanut tunngasuusinnaapput. Aaqqissuussiviup erseqqinnerusumik ilusilersornera, ilanngullugu angissusia, paasissutissat aaqqissuussivimmi ilaatinneqartussat, aamma suussuserisaa, annertussusaa aamma Upalungaarsimanerit Aqutsisoqarfimmut nalunaaruteqartarnerup akulikissusaa malittarisassianit, nunanut allanut ministerimit aalajangersarneqarsinnaasunik malittarinnissapput, takuuk imm. 5.

*Imm 4* malillugu atuutissaaq imm. 1-3 malillugit nalunaarsuutit naatsorsuinerillu Upalungaarsimanerit Aqutsisoqarfimmut tunngatinneqassaneri, taamaattorli takuuk § 3, imm. 3. Imm. 1-3 malillugit ilaatigut nalunaarusianik naatsorsuinerillu tigusisarnerit Upalungaarsimanerit Aqutsisoqarfimmut Inuussutissarsiornerit, Suliffeqarnerit Niuernerimullu Naalakkersuisoqarfiup ikiuisarnissaanik nunanut allanut ministerip, Naalakkersuisunik isumaqatiginninniareernermit pisussaaffiliisinaanera § 3, imm. 3 malillugit atuuppoq. Imm. 1-3 malillugit suliaqartuusup nalunaarusiai naatsorsuinerilu Inuussutissarsiornerit, Suliffeqarnerit Niuernerimullu Naalakkersuisoqarfimmut nassiuttarnissai, taamatullu pisoqarnerani Upalungaarsimanerit Aqutsisoqarfimmut nammieertitatut qarasaasiakkut ilusilittut suliareqqaakkatut nalunaarusiat naatsorsuinerillu nassiteqgittarnissat pillugit malittarisassianik aalajangersaasoqassasoq siunertarineqarpoq.

*Imm. 5* malillugu atuutissaaq Kalaallit Nunaanni pissutsinik tunngavilersuutigisinnaasat allannguutit ilanngullugit Det Europæiske Atomenergifællesskabip iluani sillimaniarnermik nakkutilliinermut pingaarutilittut malittarisassianut assingusunik erseqqinnerusumik malittarisassianik Nunanut allanut Ministeri aalajangersaasinnaanera, pillugit 1) imm. 1-3 malillugit taakkunaniittussatut aaqqissuussiviit aamma tunngaviusutut teknikkikkut nalunaarsuutit paasissutissallu, 2) imm. 1-3 malillugit naatsorsuutit tunngaviliisussatut naatsorsuuteqarnerit aaqqissuussivik, 3) imm. 1-3 malillugit aaqqissuussivinni ilaatinneqartussatut nuussinerit nassiussallu pillugit paasissutissat, 4) imm. 1-3 malillugit nalunaarsuutit naatsorsuinerillu il.il. nassiussorneri, ilanngullugit ilusissaat, imarisassat akulikissusissaallu pillugit, aamma 5) imm. 1-3 malillugit atomip nukinganik atortussianik nuussaqaarnerit aamma aatsitassanik nassiussaqaarnerit sioqqutsisumik nalunaaruteqarnerit piunarsaatit.

Malittarisassiat aalajangersanerini matumuuna piunarsaatit, Euratomip iluani peqqussut 302/2005 malillugu piunarsaatit assingusut pilersinneqassapput. Aaqqissuussivinni paasissutissat ilisimatitsissutillu, aamma nalunaaruteqarnerit pillugit malittarisassianik aalajangersaanerit piunarsaatit assigiinngisitaassapput, taamaaliornikkut ilisimatitsissutit annertussusaasa aamma nalunaaruteqarnerit piunarsaatit il.il. sakkortussusissamik pisariaqartitsinerit assigiinngissutsit, ingerlatsiviit suussuserisaasa, atomip nukinganik

atortussiamik piviusumik atuinerit imaluunniit pigisaqarnerit, ilanngullugit erseqqinnerusumik taakku suussuserisaannut annertussusaasa, kiisalu atomip nukinganik ikummateqarfimmut tunngasutut suliaqarnerit suussusaasa malitsigisaat takussuserniarlugit. Taamaalilluni aqqissuussiviit sanaartugaanerannut imarisaannullu piumasaqaatit assigiinngissusaannut, aamma nalunaaruteqartarnermut tunngatillugu annertussutsinut, akulikissutsinut iluserisitanullu piumasaqaatit assigiinngissusaannut assigiinngiiaarneq atuutissaaq, taanna Euratomip iluani Euratomimi peqqussut 302/2005 malillugu assigiinngiiaarnermut assingussalluni, taamaalilluni assersuutigalugit atomip nukinganik atortussianik ”annikitsumik atuisartut” ilaatigut nalunaaruteqarnerup akulikissusissaa pillugu piumasaqaatinit atuuttuusunit immikkut akuersissuteqarfigineri nalunaarutigineqarsinnaalluni.

Imm. 1-3-mi tunngaviusutut teknikkikkut paasissutissat ilisimatitsissutillu pillugit nalunaarsukkanut oqaaseqaataasut saniatigut siunertarineqarpoq paasissutissat, soorlu ingerlatsivimmik piginnittoq, inissisimaffik, ingerlatsivimmik siulersuineq, aamma ingerlatsivik pillugu tunngaviusutut teknikkikkut paasissutissat aqqissuussivinni pineqartuni ilaatinneqartussat tamatigut ingerlatsiviup maannakkut qanoq issusianik takussutissiisassanerat siunertarineqarpoq.

#### *§ 6-imut*

*Imm. 1* malillugu atuutissaaq § 4, imm. 1-5 malillugit nalunaarutigisat tunngavigalugit, aammalu § 4, imm. 8 aamma § 5, imm. 5-ip nassatarisaannik najoqqutassat malillugit ilisimatitsissutaasinnaasut nalunaarutaasut tunngavigalugit Upalungaarsimanermit Aqutsisoqarfiup pineqartumut immikkut ittunik nakkutilliinissamut aalajangersakkanik aalajangiissanera. Immikkut ittunik nakkutilliinissamut aalajangersakkanik Upalungaarsimanermit Aqutsisoqarfiup aalajangiussinera § 4, imm. 1-5 malillugit nalunaarutiginninnermut imaluunniit nalunaartarnissamik pisussaaffeqartumut piviusumik pineqartunullu ataasiakkaanut aalajangiussinertut ilusilittut pissaaq. Taamaalillutik ingerlatsiviit pilersillugillu ingerlannerinut, aamma atomip nukinganik atortussianik atuinerit, taakku saniatigut atomip nukinganik atortussianik pigisaqarnermut, aatsitassanik piiianermit, atomip nukinganik atortussianik assartuinermit imaluunniit utaqqiisaagallartumik toqqortaqaarnermut, imaluunniit atomip nukinganik ikummateqarfimmut tunngasunik suliarisat isumaginerinut atuuttussanik pivusutut atugassarisat piumasaqaatillu aalajangersarneqassapput. Pineqartunut ataasiakkaanut atugassarisatut piumasaqaatitullu aalajangersakkat ingerlatsiviit aamma atomip nukinganik atortussiat pineqartut taamaallaat sorsunnerunngitsumut siunertamut atornissaannut qulakkeerinneqataassapput, aammalu atomip nukinganik ikummateqarfimmut tunngasutut suliarisat Kalaallit Nunaannut atuutsitatut sillimaniarnermik nakkutilliinermut isumaqatigiissut atuuttoq malillugu sillimaniarnermik nakkutilliinermut tunngasunik Kunneqarfiup Danmarkip nunat tamalaani pisussaaffiinut naapertuuttumik iluseqartitaassallutik.

Pissutsit naapertorlugit Upalungaarsimanermut Aqutsisoqarfiup immikkut ittutut nakkutilliinermut aalajangersakkat pillugit aalajangersagai teknikkimut tunngasutut pissutsinut arlalinnut tunngassuteqarsinnaapput, ilaallutik:

- Atortussianik oqimaaqatigiissitsinermut suliassaqaqarfiup aalajangersarnera – suliassaqaqarfik atomip nukinganik atortussiat annertussusaat, aamma atomip nukinganik atortussiat takkuttarneri aallarunneqartarnerilu paasinniffiusinnaasut.
- Atortussianik oqimaaqatigiissitanik inississuineq – piffissami aalajangersimasumi atomip nukinganik atortussianik piviusutut pigisanik aalajangiussineq.
- Atomip nukinganik atortussianik piviusutut pigisanik nalunaarsuiuarnermut ingerlassanik najoqqutassat.
- Ingerlatsivinnik aamma atomip nukinganik atortussianik isumannaaralunilu nakkutilliinissamut piunasaqaatit.
- Nammineq nakkutilliinerup aamma Upalungaarsimanermut Aqutsisoqarfiup nakkutilliinerata naammassinissaat siunertaralugit misissugassanik tigooraaneq.

*Imm. 2* malillugu atuutissaaq *imm. 1* naapertorlugu immikkut ittunik nakkutilliinissamik aalajangersakkat aalajangersarnissaat pillugit Upalungaarsimanermut Aqutsisoqarfiup aalajangiussinera eqqartuussivimmi apeqqutinut tunngasutigut nunanut allanut ministerimut maalaarutaasinnaaneri. Taamaalilluni nunanut allanut ministerip misiliissutaaniissinnaapput Upalungaarsimanermut Aqutsisoqarfiup aalajangiussinermi naatsorsuutigisatut missiliuisimanersoq, aammalu missiliuutaasoq sammisatigut sianigisassanik tunngaveqarnerisoq, ilanngullugu pisussaaffigisatut sianigisassat ilanngunneqarsimanersut. Paarlattuanik inatsisitigut sammisatigullu sianigisassat akunnerminni naammaginartumik imaluunniit tulluurtumik oqimaaqatigiissimaneri pillugit misiliissutigisaaq tunngasuusinnaanngilaq. Misiliissutigisaaq aamma nalinginnaasumik ingerlatsinissamut pisinnaatitaanermut tunngaviit aamma najoqqutassat ataqineqarnerannut tunngasuusinnaavoq, ilanngullugu assersuutigalugit ingerlatsinissamut pisinnaatitaanermut naleqqatigiissitsisarnermut tunngavigisamik sianiginninnissaq, aamma ingerlatsinissamut pisinnaatitaanermut naligiissitsinissamik tunngavigisamik naapertuutsinissaq.

#### *§ 7-imut*

Aalajangersagaq malillugu atuutissaaq § 2, *imm. 2*, § 4, *imm. 8*, aamma § 5, *imm. 5-p* nassatarisaannik nunanut allanut ministeri malittarisassat aalajangersarnissaannut Upalungaarsimanermut Aqutsisoqarfimmut pisussaaffiliisinnaanera. Kunneqarfik Danmarkimi sillimaniarnermik nakkutilliinermut nunanut allanut ministeri oqartussaasuvoq, Upalungaarsimanermut Aqutsisoqarfik sillimaniarnermik nakkutilliinermut tunngasunik suliassanik isumaginnittuulluni, takuuk § 3. § 3-mut oqaaseqaatini nalunaarsugaasutut piviusutut oqartussaasutut suliassanik Upalungaarsimanermut Aqutsisoqarfiup isumaginniffigisassai ilaatigut misissuinermit nakkutilliinermullu, kiisalu aqutsisoqarfiup sammisatigut piginnaasaqarfiani immikkut ittutut nakkutilliinermut aalajangersakkanik aalajangersaaneranut tunngasuupput, sianigisassallu assingi malillugit nunanut allanut ministerip malittarisassiat tamakkununga tunngasut Upalungaarsimanermut Aqutsisoqarfimmit aalajangersagassanngortissinnaavai, taakku annertuumik teknikkimut tunngasuussammata.

## § 8-mut

*Imm. 1* malillugu atuutissaaq inatsisip matuma, imaluunniit inatsisip matuma nassatarisaanik najoqqutassat aalajangersakkat, aammalu § 6, imm. 1 malillugu immikkut ittutut nakkutilliinermut aalajangersakkat malitsigisaannik sillimaniarnermik nakkutilliinermut pisussaaffiit naapertuutsitaaneramik Upalungaarsimanermut Aqutsisoqarfiup misissuisartuunera. Taamaalilluni atomip nukinganik atorneqarsinnaaffiik ingerlatsivilinnik pilersitsillutillu ingerlatsisut tamaasa inatsimmit aamma inatsit malillugu najoqqutassanik atuutsitaasunik malitsigisanik sillimaniarnermik nakkutilliinermut pisussaaffinnik atuuttunik, kiisalu pineqartunut ataasiakkaanut aalajangersakkatut atugassarisanik piunasaqaatinillu – immikkut ittutut nakkutilliinermut aalajangersakkanik – naapertuutsitsinersut Upalungaarsimanermut Aqutsisoqarfik nakkutilliisassaaq. Taamatuttaaq atomip nukinganik atortussianik pigisallit saniatigut aatsitassanik piiaasut tamarmik, atomip nukinganik atortussianik assartuisut imaluunniit utaqqiisaagallartumik toqqortaartut tamarmik, aamma atomip nukinganik atortussianik atuffiunngitsumik atomip nukinganik ikummateqarfimmut tunngasunik suliaqartut tamarmik assinganik atugassaqartitaapput.

*Imm. 2* malillugu atuutissaaq § 4-mi ilaasoq piunaffigineqarnermigut sillimaniarnermik nakkutilliinermut pisussaaffiit naapertuutsitaaneramik nakkutilliinerup isumagineranut pingaarutilinnik ilisimatitsissutit suulluunniit Upalungaarsimanermut Aqutsisoqarfimmut nalunaarutigisassagai. Ilisimatitsinissamut pisussaaffimmiipput aqutsisoqarfiup ingerlatsivinnik misissuinermik nakkutilliinermullu suliaqarneranut tunngatillugu Upalungaarsimanermut Aqutsisoqarfiup pisariaqartitai, ilanngullugit atomip nukinganik atortussianik atuinerit, aatsitassanik piiaanerit, atomip nukinganik atortussianik assartuinerit imaluunniit utaqqiisaagallartumik toqqortaqarnerit, aamma atomip nukinganik atortussianik atuffiunngitsumik atomip nukinganik ikummateqarfimmut tunngasunik suliaqarnerit, ilanngullugit nalunaarutiginninnerni nalunaarusianilu ilaatitanik paasissutissat eqqortuunerinik misissuinissaaq siunertarineqarluni.

*Imm. 3* malillugu atuutissaaq Upalungaarsimanermut Aqutsisoqarfik qaqugukkulluunniit pisariaqartumik kinaassutsimik uppernarsaateqarnissamut eqqartuussiviup aalajangiinertaligaanngitsumik makkununnga attaveqarsinnaasoq, makkununnga 1) inatsisip matuma nassatarisaanik aalajangersakkatut inatsit manna imaluunniit najoqqutassat malillugit sillimaniarnermik nakkutilliinermut ilaasutut sumiiffiit, atortut atortussiallu, 2) inatsisip matuma nassatarisaanik aalajangersakkatut inatsit manna imaluunniit najoqqutassat malillugit sillimaniarnermik nakkutilliinermi ilaasutut ingerlatsivinnut, atortunut, atortussianut imaluunniit sulianut tunngasutut sumiiffiit ilisimatitsissutillu allat, aamma 3) Kunneqarfiup Danmarkip nunat tamalaani sillimaniarnermik nakkutilliinermut pisussaaffigisaanik malitseqarpata, imaluunniit taakkuninnga Kunneqarfik Danmarkip naapertuutsitsinissaannik tunngaviuppata sumiiffiit sinneri allat.

Upalungaarsimanermut Aqutsisoqarfiup misissuiartortarneri assersuutigalugu  
Upalungaarsimanermut Aqutsisoqarfimmut ilisimatitsissutitut paasissutissat eqqortuunerinik

misissuinerit makkununga tunngasut: ingerlatsiviit pillugit paasissutissat, atomip nukinganik atortussiat atugarineri, atomip nukinganik atortussianik pigisaqarnerit, aatsitassanik paaanerit, atomip nukinganik atortussianik assartuinerit imaluunniit utaqqiisaagallartumik toqqortaqarnerit, aamma atomip nukinganik ikummateqarfimmut tunngasumik sulianik ingerlataqarnerit. Taamaalillutik Upalungaarsimanermut Aqutsisoqarfiup misissuisarneri Kunngeqarfik Danmarkip nunat tamalaani sillimaniarnermik nakkutilliinermut pisussaaffiunik naapertuutsitaqarneranut qulakkeerineqataassapput. Upalungaarsimanermut Aqutsisoqarfiup misissuisarneri aallaavigalugu misissugassamut nalunaaruteqareernerup kingorna pisassapput, ilanngullugu inuit pingaaruteqartuusut najuussinnaanissaat, aamma paasissutissat pisariaqartut saqqummiunneqarsinnaanissaat qulakkeerniarlugit. Taamaattorli pissutsit immikkut ittut atuutsillugit nalunaarutigeqqaangisamik misissuinerit ingerlanneqarsinnaapput, ilanngullugu misissuiartornerup ingerlannissaanut siunertaq tusagaanerlutsitaassappat imaluunniit maanngaannartinneqarpat. Upalungaarsimanermut Aqutsisoqarfiup misissuisarnerini nunatsinnit oqartussaasut peqataasarneri nalinginnaasumik ingerlatarisarnissaa siunertaavoq, taamaaliornikkut suleqatigiinneq ilisimasanillu paarlaateqatigiinneq nukittorsarneqassammata.

§ 4 malillugu nalunaarutiginninnerit nassatarisaannik sillimaniarnermik nakkutilliinermut ilaasutut ingerlatsivinnut sumiiffinnullu pingarusutut Upalungaarsimanermut Aqutsisoqarfiup misissuineri tunngasuussapput, taamaattorli imm. 3, nr. 3 malillugu misissuinerit nalunaarutaasimanngitsunik sumiiffinnut tunngasuusinnaallutik. Aalajangersakkap siunertaa tassaavoq Kalaallit Nunaannut atuutsitatut sillimaniarnermik nakkutilliinermut isumaqatigiissutip aamma ilassutitut protokolip malitsigisaatut IAEA-mit misissuiartortartunut misissuinissamut aqutissiuinissamut tunngatillugu pisussaaffinnik Kunngeqarfiup Danmarkip naapertuutsitsisinnaanerata qulakkeernissaa. Kalaallit Nunaannut atuutsitatut ilassutitut protokoli malillugu pisussaaffinniippat annertusisatut misissuiartortunut aqutissiuineq, tassani aamma ilaallutik sumiiffiit nalunaaruteqarfiunngitsut, atomip nukinganik atortussiat nalunaarutigineqanngitsut pigineqannginneri, taakkunungalugu tunngasutut suliaqartoqannginnerup uppernarsarnissaa siunertarineqarluni, takuuk imm. 3.3.2 ilassutitut protokolimut tunngasoq. Misissuinerinik Det Internationale Atomenergiagenturimit misissuiartortartut suliaqarneri pisassapput misissuiartortut Upalungaarsimanermut Aqutsisoqarfimmik imaluunniit aqutsisoqarfimmit pisussaaffilikkatut oqartussaasut arlaannik malittaqarnerisigut, takuuk § 9. Taamaalilluni inatsit manna malillugu Det Internationale Atomenergiagenturimut piginnaassutsimik nuussisoqanngilaq.

*Imm. 4* malillugu atuutissaaq imm. 3 malillugu attaveqarnermut atatillugu Upalungaarsimanermut Aqutsisoqarfik nakkutilliinermut isumagisassanik pisariaqartitanik suliaqarsinnaasooq, ilanngullugit inatsit manna aamma najoqqutassat, inatsit manna malillugu aalajangersakkat, aammalu § 6, imm. 1 malillugu aalajangersakkatut immikkut ittutut nakkutilliinissamut aalajangersakkat malillugit sillimaniarnermik nakkutilliinissamut pisussaaffiit naapertuutsinnissaasa qulakkeernissaat pillugit uuttortaallunilu misissugassanik tigusaqarsinnaanera. Aalajangersagaq malillugu Upalungaarsimanermut Aqutsisoqarfiup

misissuinermit nakkutilliinermullu atatillugu sillimaniarnermik nakkutilliinissamut pisussaaffiit aamma immikkut ittutut nakkutilliinermut pisussaaffiit naapertuutsinnerisa nakkutiginnissaat sianigalugit pisariaqarsinnaasutut iliuuserisassat suliarisinnaavai, ilanngullugit assersuutigalugit allagaatinik misissuinerit kukkunersiunerillu, uuttortaanerit, misissugassanik tigooraanerit, uuttortaaitut atortunik taakkulu iluarsineqarsimanerinek misissuineq.

*Imm. 5* malillugu atuutissaq inatsit manna malillugu sillimaniarnermik nakkutilliinermik atugassaqtitaasumut inatsit manna imaluunniit najoqqutassat, inatsit manna malillugu aalajangersakkat, aammalu § 6, imm. 1 malillugu aalajangersakkatut immikkut ittutut nakkutilliinissamik aalajangersakkat malillugit sillimaniarnermut nakkutilliinissamut pisussaaffiit naapertuutsinnissaannut pisariaqartunik peqqussutinik Upalungaarsimanermut Aqutsisoqarfiup nalunaaruteqarsinnaanera. Peqqussutinik piviusunik taama ittunik Upalungaarsimanermut Aqutsisoqarfiup aalajangiussineri assersuutigalugit paasissutissanik tunniussinissat pillugit peqqussutinut, pissutsinut piviusunut nassuiaanissat pillugit peqqussutinut il. tunngasuusinnaapput, aammattaarli immikkut ittutut nakkutilliinermut aalajangersakkat – piviusutut aalajangersakkatut atugassarisat piumasagaatillu – aamma inatsit aamma najoqqutassat inatsit malillugu atuutsitaasutut sillimaniarnermik nakkutilliinissamut pisussaaffiit naapertuutsinnerinik qulakkeerinneqataasussanik piviusutut iliuuserisassat pillugit peqqussutitut ilusilinnik peqqussutinik aamma ilaqartinneqarsinnaapput.

*Imm. 6* malillugu atuutissaq § 4, imm. 1-imi ilaasutut ingerlatsiviup atugaanerata sillimaniarnermik nakkutilliinermut piumasagaatit sorliit malillugit atorneraqaqqissinnaalernissaata tungaanut isummertoqarnissaa tikillugu ingerlatsiviit atugaanerisa unitsitaanissaat, kiisalu ingerlatsivimmi atomip nukinganik atortussiat tamakkiisumik imaluunniit ilaannakortumik oqartussaasunit aqutsinermut ilanngunneqarnissaat imaluunniit inissinneqarnissaat pillugit pisuni immikkut illuinnartuni Upalungaarsimanermut Aqutsisoqarfiup piumasagaarsinnaanera. Taamatuttaaq § 4, imm. 3-mi ilaasutut aatsitassanik piiaanermut assingusoq atuuppoq, soorlulusooq atomip nukinganik atortussiaq, § 4, imm. 2-mi ilaasoq tamakkiisumik imaluunniit ilaannakortumik oqartussaasunit aqutsinermut ilanngunneqarsinnaalluni imaluunniit inissinneqarsinnaalluni. Immikkut illuinnartuni pisunut pineqartussat tassaapput imm. 5 malillugu peqqussutinik nalunaaruteqarneni sillimaniarnermik nakkutilliinermut pisussaaffinnik, ilanngullugit immikkut ittutut nakkutilliinermut aalajangersakkanik naapertuutsinissap qulakkeernissaa Upalungaarsimanermut Aqutsisoqarfiup piviusutut nalilersuineri naapertorlugu periarfissaanngitsuusoq, aammalu pisunut taamatut siusinnerusukkat nalunaarutigisatut peqqussutit unioqqutinneqarfiinut imaluunniit sanioqqunneqarfiinut tunngasunut.

Ingerlatsiviup atugaanerata unitsinneranut Upalungaarsimanermut Aqutsisoqarfiup aalajangiussinera tunngasuusinnaavoq, ingerlatsiviulli pineqartup matuneqarnissaanut tunngasuunani, ingerlatsinermut akuersissutinut il.il. tunngatillugu pissutsit nunatsinni oqartussaasut suliasagaarfiisa ataanni inissisimaneri pissutigalugit. Sillimaniarnermik nakkutilliinermik sianiginninneq kisiat tunngavigalugu Upalungaarsimanermut



Aqutsisoqarfik aalajangiussaqartarpoq, sianigisassallu taakku ingerlatsiviup ilaanut imaluunniit ingerlatsivimmi sulianut aalajangersimasunut taamaallaat tunngasuuppata Upalungaarsimanermut Aqutsisoqarfiup aalajangiussineri taamaallaat taakku ilaanut imaluunniit suliarisanut taakkununga tunngasuusinnaapput. Taamaalilluni assersuutigalugu aatsitassanik piiaanerup unitsinnissaa pillugu aalajangiussaqarnek taamaallaat piiaanerup sillimaniarnermut nakkutilliinermi ilaasumut imaluunniit ilaasussamut tunngasuusinnaavoq.

*Imm. 7* malillugu atuutissaaq imm. 5-6 malillugit aalajangiisoqarnek sioqqullugu Upalungaarsimanermik Aqutsisoqarfiup sapinngisamik siamasinnerpaamik annertussusilimmik nunatsinni oqartussaasoqarfinnik ilisimatitsissaneramik. Nunatsinni oqartussaasoqarfiit pingaarutillit, assersuutigalugu Inuusutissarsiornermut, Suliffeqarnermut Niuernermullu Naalakkersuisoqarfik suliassaarfiit tiguneqarsimasut iluini malitsigisanik aalajangiussisinnannaat sianigalugit ilisimatittarnissaannik, assersuutigalugu imm. 6 malillugu ingerlatsinerup unitsinnissaa pillugu aalajangiussaqarnermut atatillugu piviusunik iliuuserisassanut tunngasunik aalajangersagaq qulakkeerinnissaaq. Sillimaniarnermik nakkutilliinermut siunertanik sianiginnilluni ingerlatsinissap unitsinnissaa pillugu Upalungaarsimanermut Aqutsisoqarfiup aalajangiussaqarnera ingerlatsinerup pissutsit sinnerinut tunngasuusinnaangilaq, taamaalillutillu assersuutigalugu isumannaatumik natusinissamut il.il. ingerlassamut tunngatillugu iliuuserissat pillugit nunatsinnit oqartussaasoqarfiit pingaarutillit aalajangiussaqarsinnaasassapput. *Imm. 5* aamma 6 malillugit Upalungaarsimanermut Aqutsisoqarfiup aalajangiussinera sapinngisamik siamasissumik sioqqutsilluni nunatsinni oqartussaasunut ilisimatitsisarneq aalajangersagaq malillugu pisassaaq. Taamaattorli tamanna pillugu nunatsinni oqartussaasoqarfiit sioqqutsisumik ilisimateqqaarnagit imm. 5 aamma 6 malillugit Upalungaarsimanermut Aqutsisoqarfik aalajangiussaqarsinnaavoq, kinguartiterineq aalajangiussinerup siunertaata maanngaannartinneranik nassataqartitsisinnaaffiuppat, imaluunniit aalajangiussaqarnerit aalajangiunneri sioqqullugit piffissaaq imaluunniit teknikkikkut pissutsit pissutigalugit nunatsinni oqartussaasunik ilisimatinneqarsinnaassangippata. Taamatut pisoqassappat periarfissaqalerneru ilutigalugu nunatsinni oqartussaasut ilisimatinneqassapput.

*Imm. 8* malillugu atuutissaaq § 9 malillugu IAEA-mit misissuiartortartut taakkuninnga malittarinnissinnaanissaat siunertaralugu imm. 1 aamma imm. 3-4 malillugit misissuinerup nakkutilliinermullu tunngatillugu aqutsisoqarfik sinnerlugu danskini oqartussaasoqarfiit suliassanik isumaginninnissaannut Upalungaarsimanermut Aqutsisoqarfiup pisussaaffiliisinnanera. IAEA-lu Kunngaqarfiup Danmarkip sillimaniarnermik nakkutilliinermik isumaqatigiissutaanut aamma Kalaallit Nunaannut atuutsitatut ilassutitut protokolianut innersuussillutik IAEA-mit misissuiartortartut misissuinerik ingerlatassatut kissaatigisaat pisuni, Kalaallit Nunaanni Upalungaarsimanermut Aqutsisoqarfiup najuussinnaanginnerini, soorlu sila pissutigalugu aamma ingerlanneqarsinnaanissaasa qulakkeernissaannut aalajangersagaq tunngasuuvuq.

*Imm. 9* malillugu atuutissaaq imm. 5-6 malillugit Upalungaarsimanermut Aqutsisoqarfiup aalajangiussineri nunanut allanut ministerimut maalaarutigineqarsinnaanerat.

Aalajangiussanut tunngatillugu nunanut allanut ministerip misiliinera pissutsinut tamanut tunngasuvoq, taamaalillunilu § 6, imm. 2 malillugu nunanut allanut ministerip misiliinerasut misiliineq inatsiseqarnermut apeqqutinut tunngasunut killilerneqanngilaq.

*Imm. 10* malillugu atuutissaaq Nakkutilliinermik Upalungaarsimanermut Aqutsisoqarfiup suliaqarnera pillugu malittarisassiat erseqqinnerusut sillimaniarnermut ministerimik isumaqatiginninniareerluni nunanut allanut ministerip aalajangersaaviginninnera. Tamatumuuna anguniarneqartoq tassaavoq assersuutigalugit misissuiartornerit amerlassusaannik, nakkutilliinerup annertussusaanik il.il. malittarisassianik nunanut allanut ministerip aalajangiisarnissaa. Tamakku pillugit malittarisassianik nunanut allanut ministerip aalajangiussinera illersornissamut ministerip sulissaqarfianiittutut Upalungaarsimanermut Aqutsisoqarfiup oqartussaanaera sianigalugu pisassaaq, tamatumuunakkut nunanut allanut ministerip ataaniittutut oqartussaasoqarfiunani nalinginnaasumik aqutsisoqarfittut pisussaaffinnik malittarinnittuunngitsoq.

#### § 9-mut

Aalajangersagaq malillugu atuutissaaq Upalungaarsimanermut Aqutsisoqarfimmik imaluunniit inatsit manna aamma najoqqutassat, inatsit manna malillugu aalajangersakkat malillugit misissuineramik nakkutilliinermillu suliaassat suliarinerinut atatillugu § 3, imm. 3 imaluunniit § 8, imm. 8 malillugit pisussaaffilikkatut oqartussaasoqarfimmik IAEA-mit misissuiartortartut qaqugukkulluunniit malittarinnissinnaaneri. Tamatumuuna IAEA-mit misissuiartortartut misissuineramik nakkutilliinernillu Kunngeqarfiup Danmarkip sillimaniarnermik nakkutilliinermut isumaqatigiissutaata, aamma Kalaallit Nunaannut atuutsitatut ilassutitut protokoliata nassatarisaannik ingerlatsisarfiup, ingerlatsisarfik oqartussaasutut suliaqarnissamut pisusaaffilerneqarnagu, pisussaaffigisaanik suliaqarsinnaaneri qulakkeerneqarput. Taamaalilluni IAEA-p Upalungaarsimanermut Aqutsisoqarfimmut nakkutilliinerit il.il., ingerlatsisarfiup suliarinissaanik kissaatigisani innersuutigissavai, taamaalillutillu ingerlatsisarfimmit misissuiartortartut Upalungaarsimanermik Aqutsisoqarfiup kissaatigisatut nakkutilliinermik suliaqartoq malittarisinnaavaat. Ilaatigut misissuineramik nakkutilliinernillu suliaassanik isumaginninnissamut § 3, imm. 3 aamma § 8, imm. 8 malillugit Upalungaarsimanermut Aqutsisoqarfiup oqartussaasoqarfiit allat pisussaaffilersinnaavai, taakkuninngalu aamma IAEA-mit misissuiartortartut malittarinnissinnaapput. Taamaalilluni aamma pisuni, Upalungaarsimanermut Aqutsisoqarfiup misissuineramik suliarinninniarluni anngussinnaangiffiini, soorlu sila pissutigalugu, oqartussaasoqarfik pisussaaffiligaq aalajangersimasoq malittarineratigut IAEA-p misissuineramik suliaqarsinnaanera qularnaarneqarpoq.

#### § 10-mut

*Imm. 1* malillugu atuutissaaq Kalaallit Nunaanni piiakkatut atomip nukinganik atortussianik nunat tamalaani nuussinermi Kunngeqarfik Danmark sinnerlugu nunanut allanut ministerip aamma nunap pineqartup akornanni tamanna pillugu naalagaaffiit akornanni isumaqatigiissummik atsiuisoqarsimassanera. Naalagaaffiit akornanni isumaqatigiissutit atsiorteratigut nunat tamalaani sillimaniarnermik nakkutilliinermik pisussaaffinnik

naammattunik pisussaaffiligaanngitsunut naalagaaffinnut allanut, taamaallitullu Kalaallit Nunaannit piiakkatut atomip nukinganik atortussiat taamaallaat sorsunnerinngitsumut siunertamut atornissaasa qularnaarnissaannut peqataaqataanngitsunut atomip nukinganik atortussianik nuussisoqassannginnera qularnaarneqassaaq. Naalagaaffiit akornanni tigooraasutut naalagaaffimmik isumaqatigiissusiornermut atsiuinernullu erseqqinnerusumik periusissaq, kiisalu naalagaaffiit akornanni tigooraasutut naalagaaffimmik isumaqatigiissummi aallaaviatigut nunanut allanut ministeriup piumasaqaatigisassai inatsisissatut siunnersuummut ilanngussaq 1-itut ilaliussami sillimaniarnermik nakkutilliineq pillugu ataatsimoorussatut nalunaarummi imm. 7-imik malittarinippoq. Tassani ilaapput atomip nukinganik atortussiat taamaallaat naalagaaffinnut siammarterinnginnissamik isumaqatigiissummik akuersisimasunut annissorneqartassasut; naalagaaffik tigooraasoq IAEA-mi sillimaniarnermik nakkutilliinermut isumaqatigiissummut aamma ilassutitut protokolimut ilaassasoq, imaluunniit atomimik sakkunik pissaaneqarfittut akuerisaasut tallimat akornanniippat, naalagaaffinni taakkunani assingusunik iliuuserisassanut ilaassasoq; IAEA-mi sillimaniarnermik nakkutilliinera atuukkunnaassatillugu sillimaniarnermik nakkutilliineq pillugu illugiillunik isumaqatigiissutit atuutissasut; timitalittut illersuineranut nunat tamalaani najoqqutassat atomip nukinganik atortussiamut tiguneqartumut atuutissasut; naalagaaffimmut tigooraasussatut naatsorsuutigisamut naleqqiullugu naalagaaffimmut allanut Kalaallit Nunaannit atomip nukinganik atortussianik nuussinissamut naalagaaffimmit oqartussaasoqarfimmit sioqqutsisumik akuersissummik peqartoqassasoq; naalagaaffiit akornanni tigooraasutut naalagaaffimmik isumaqatigiissummik isumaqatigiissutit tunngaveqassanera pillugu Kalaallit Nunaannit atomip nukinganik atortussianik annissuineranut niuernermit isumaqatigiissutit immikkut piumasaqaammik imaqqassasut; aamma naalagaaffinni pineqartuni Kalaallit Nunaannit atomip nukinganik atortussianik atuinerni pinngortunik eqqakkanik atortussianillu allanik isumaginninnissamik nunat eqquussisut akisussaasussasut. Nunat tamalaani najoqqutassat sakkortunerpaat naapertorlugit aammalu siammarterinnginnissamik sianiginninneq aallaavigalugu naalagaaffiit akornanni tigooraasutut naalagaaffinnik isumaqatigiissutini aamma atomip nukinganik atortussianik uran-235-imi isotopimi 20 %-imut annertunerusumulluunniit atomip nukinganik suliarinneqqinnissamut aamma atorsinnaanngorsaanermut nuna tigooraasumut sioqqutsisumik allaganngorlugu akuersissut pillugu piumasaqaateqartoqassaaq.

*Imm. 2* malillugu atuutissaaq tamanna pillugu naalagaaffiit akornanni isumaqatigiissummik atsiuisoqarsimatinnagu Kalaallit Nunaanni atomip nukinganik atortussianik annikinnerusumik annertussusilinnik nunat tamalaani nuussisoqarsinnaaneramik pisuni immikkut ittuni nunanut allanut ministeri aalajangiussaqaarsinnaanera. Tamatumuuna pissutini immikkut ittuni paasineqassapput assersuutigalugu Kalaallit Nunaannit atomip nukinganik atortussianik annikinnerusutut annertussusilinnik misissugassat naalagaaffimmut aamma nunat tamalaani sillimaniarnermik nakkutilliinermut pisussaaffinnik naapertuutsisumut erseqqinnerusumik misissugassanngorlugit nassiunneqartarnerat. Tamanna pillugu nunanut allanut ministerip aalajangiussinera piviusutut qinnuteqareernikkut pisarpoq, aalajangiussinermullu Kunneqarfik Danmarkip

nunat tamalaani sillimaniarnermik nakkutilliinermik pisussaaffiisa naapertuutsinnissaat sianigalugit pisariaqassasutut nalilersugaasut atugassarisat piumasaqaatillu attaviliissutaasinnaapput.

*Imm. 3* malillugu atuutissaaq *imm. 2* malillugu aalajangiussinissamut Upalungaarsimanermut Aqutsisoqarfiup aalajangiussaqaarsinnaaneranun nananut allanut ministerip pisussaaffiliisinnaanera.

#### § 11-mut

*Imm. 1* malillugu atuutissaaq Kalaallit Nunaanni pinerluttulerinermut inatsit malillugu pineqaatissiissutaassasut 1) inatsit manna imaluunniit najoqqutassat, inatsit manna malillugu aalajangersakkat, imaluunniit § 6, *imm. 1* malillugu aalajangersakkatut immikkut ittutut nakkutilliinissamik aalajangersakkat malitsigisaattut sillimaniarnermik nakkutilliinissamik pisussaaffinnik naapertuutsinngitsumut, 2) § 8, *imm. 2* malillugu misissuineranut oqartussaasoqarfimmut paasissutissanik eqqunngitsunik imaluunniit salloqittaassutininik nalunaaruteqartoq imaluunniit paasissutissanik oqaatigisaqanngitsoq, 3) § 8, *imm. 3-4* malillugit pisariaqartitatu nakkutilliinermik suliassanut misissuiartornernut taakkulu sularinissaannut aqutissiinngitsumut, imaluunniit 4) § 8, *imm. 5-6* malillugit inatsit manna, imaluunniit najoqqutat, inatsit manna malillugu aalajangersakkat malillugit pineqartumut nalunaarutaasimasunik peqqussutininik il.il. akuerinninngitsumut.

*Imm. 2* malillugu atuutissapput Najoqqutassani, inatsit malillugu sularineqartuni najoqqutassani aalajangersakkanik piaaraluni, imaluunniit mianersuaalliorujussuarluni unioqquutitsisumut pineqaatissiissummik aalajangiisoqarsinnaanera.

#### § 12-imut

Aalajangersagaq malillugu atuutissaaq Kalaallit Nunaanni pinerluttulerinermut inatsimmi kapitali 5-imi malittarisassat malillugit ingerlatseqatigiiffiit il.il. (inatsisitigit inuttut naatsorsuussat) pinerluttulerinermi eqqartuussivikkut akisussaaffiligaasinnaaneri.

#### § 13-imut

Aalajangersagaq malillugu inatsisip matuma nassatarisaanik inatsimmik imaluunniit najoqqutassianik makkuninnga unioqquutitsinerit pillugit suliassani Kalaallit Nunaanni Eqqartuussisoqarfiup siullertut aalajangiisartuunissaa atuuppoq. Inatsisip matuma nassatarisaanik inatsimmik imaluunniit najoqqutassianik aalajangersakkanik makkuninnga unioqquutitsinerit pillugit suliassat amerlassusaat naatsorsuutigisatut ikingaatsiassapput. Tamanna sianigalugu, aammalu suliassat annertuumik paasiuminaassuseqarsinnaanerat ilanngullugu suliani taama ittuni aalajangersimasumik suleriaasissamik eqqartuussiviit kredsrettit pilersisisinnaassanngillat, taamaattumillu suliassat Kalaallit Nunaanni Eqqartuussisoqarfimmi siullertut aalajangiisartuutillugu sularineqartarnissaat tulluarnerpaatut isigineqarluni.

*§ 14-imut*

Aalajangersagaq malillugu atuutissaaq inatsisip ulloq 1. juli 2016-imi atugaalernera

Inatsisip atugaalernera ilutigalugu atomip nukinganik atortussiat sorsunnerunngitsumik atugaaneriniq nakkutilliineq pillugu nalunaarut nr. 315, 27. juni 1972-imeersup atuuttup allanngortinnissaa pillugu nalunaarut atuutsinneqalissaaq, taamaalilluni taanna Kalaallit Nunaannut atukkunnaarsitaassalluni.

Nunanut allanut Ministereqarfiup aamma Inuussutissarsiornermut, Suliffeqarnermut Niuernermullu Naalakkersuisoqarfiup akornanni atomip nukinganik atortussianik isumannaallisaanermik nakkutilliineq pillugu ataatsimoorussatut nalunaarusiaq

### Siunertaq

Nunanut allanut Ministereqarfiup aamma Inuussutissarsiornermut, Suliffeqarnermut Niuernermullu Naalakkersuisoqarfiup akornanni Isumaqaatigiisummut atatitamik Kalaallit Nunaanni atomip nukinganik atortussianik isumannaallisaanermik nakkutilliineq (safeguards) pillugu ataatsimoorussatut nalunaarusiamut (kingornatigut Nalunaarusiamik taasamut) matumunnga siunertaq tassaavoq Kalaallit Nunaannit uranimik püaanermut avammullu tunisinermut atatillugu nunat tamalaani isumannaallisaanermik nakkutilliinermut pisussaaffinnik Kunngaqarfiup Danmarkip isumaginninnissaanut iluserititassap isumaqaatigiisutiginissaa.

Kunngaqarfiup Danmarkip nunat tamalaani isumannaallisaanermik nakkutilliinermut pisussaaffii 1968-imi akuersissutigineqartumit sakkut atomitortut siammarterneqassannginneri pillugit Isumaqaatigiisummik (NPT-mik), taassumalu nassatarisaanik 1972-imit Kunngaqarfik Danmarkip aamma IAEA-p akornanni Isumannaallisaanermik nakkutilliinermut Isumaqaatigiisummik, Kalaallit Nunaannut atuutsitamik, kiisalu 22. marts 2013-imi atsiorneqartumik Kunngaqarfiup Danmarkip aamma IAEA-p akornanni Kalaallit Nunaannut tunngatillugu Ilassutitut ileqqoreqqusissutitut Isumaqaatigiisummik malittarisaqarput.

Atomip nukinganik atortussiat ingerlatsiviillu taamaallaat siunertanut sorsunnerunngitsunut atornerqarnissaanik isumaqaatigiisutitut tunngassuteqartunik pisussaaffinnik naapertuutsitsinissap isumannaarnissaannut atornerqartunut teknikkikkut iliuuserisanut il.il. isumannaallisaanermut nakkutilliineq taaguutaavoq. Teknikkikkut iliuuserisanut il.il. taakkununnga siunertaq tassaavoq piffissaq eqqorlugu atomip nukinganik atortussiat sorsunnerunngitsumut atornerinit sakkunut atomitortunut, atomip nukinganik qaartiterissutitut allanut imaluunniit siunertanut ilisimaneqanngitsunut, kiisalu piaartumik paasisaqarnissamut aarleqqutaasoq aqutugalugu atomip nukinganik atortussianik taamatut atuinertigut qunusaarinernut allamut saasaariniarnerup paasineqarnissaa.

## Aallarniut

Kalaallit Nunaanni isumannaallisaanermik nakkutilliinermik pisussaaffinnik isumaginninnissamut Nunanut allanut Ministereqarfiup aamma Inuussutissarsiornermut, Suliffeqarnermut Niuernermullu Naalakkersuisoqarfiup akornanni danskit-kalaallit ataatsimoorullugu isumannaallisaanermik nakkutilliinermik ilusissiorinissaq illua'tungeriit Nalunaarusiakkut isumaqatigiissutigaa. Iluserititaq suleqatigiinnermik, illua'tungeriilluni ataqqinninnermik naligiissuunermillu tunngaveqarpoq, isumannaallisaanermik nakkutilliinermik pisussaaffiit naapertuutsinnissaat tassaassalluni nunanut allanut ministereqarfiup aamma Inuussutissarsiornermut, Suliffeqarnermut Niuernermullu Naalakkersuisoqarfiup akornanni ataatsimoorussatut suliassaq. Danmarkip aamma Kalaallit Nunaata akornanni atuutsitatut piginnaasanik agguataarinermik Nalunaarusiaq allannguinnilaq.

NPT-mik naapertuutsitsinissaq, aamma IAEA-p ataani isumannaallisaanermik nakkutilliinissamut pisussaaffinnik Kunngaqarfiup Danmarkip naapertuutsitsinissaanik qulakkeerinninnissaq, kiisalu Australiami Canadamilu ilaatigut takuneqartutut suliassaqqarfimmi nunat tamalaani najoqqutassat sakkortunerpaat malittarineqarnissaasa qulakkeernissaat siunertaralugit Kalaallit Nunaanni atomip nukinganik atortussiat ingerlatsiviillu isumannaallisaanikkut nakkutiginissaat pillugit inatsisissatut siunnersuutip saqqummiunnissaanik naalagaaffik siunertaqarpoq. Inatsisissap takkuttussap ilaatigut IAEA-p nalunaaruteqartarnissamik piomasqaataani, atomip nukinganut tunngasumik naatsorsuuseriviliornissamik IAEA-p piomasqaataani, kiisalu Kalaallit Nunaanni IAEA-p misissuiartortarnissai pillugit malittarisassiaani pisariaqartutut pisinnaatitaanerit iliuserisassallu qulakkiissavai, takukkit IAEA-lu Kunngaqarfiup Danmarkip isumannaallisaanermik nakkutilliinermut isumaqatigiissutaani pisussaaffiit. Inatsisissami najoqqutassiamilu takkuttussami nunatsinnit oqartussaasoqarfinnit, naalagaaffimmi oqartussaasoqarfimmit aamma IAEA-mit misissuiartortartussat Kalaallit Nunaanni isumannaallisaanermik nakkutilliiffissani sumiiffinnut atortussianullu pingaarutilinnut Kunngaqarfiup nunat tamalaani pisussaaffii naapertorlugit erseqqinnerusumik annertussusilikkamik misissuiartorsinnaanissaat illua'tungeriit isumaqatigiissutigaa. Inatsisartuni oqaaseqaateqarfigisassanngorlugu Kalaallit Nunaannut tunngasunut naalagaaffiup inatsisaannut aalajangiussassatut siunnersuummik Naalakkersuisut saqqummiussinissamik siunertaqarput. Aammattaaq Kalaallit Nunaanni isumannaallisaanermik nakkutilliinermut pingaarutilinni sammisanik suliassaqqarfinni tigusimasani pisariaqartitatut inatsisissanik najoqqutassanillu saqqummiussinissamik Naalakkersuisut siunertaqarput. Eqqunngitsumik sunniuteqarnermit Danmarkimi aamma Kalaallit Nunaanni isumannaallisaanermik nakkutilliinermut oqartussaasoqarfiit atuuffimmikkut

kiffaanngissuseqassanerannik illua'tungeriit isumaqatigiipput, takukkit kiffaanngissuseqarneq aamma inatsilersuisutut atuuffinnit immikkoortiterineq pillugit IAEA-mit guidelines (najoqqutassiat). Aammattaaq isumannaallisaanermik nakkutilliinermut oqartussaasoqarfiit kiffaanngissuseqarluutit atuuffimminnik suliaqarsinnaanerannut pisariaqartitanik isumalluuteqarnissaat, pisariaqartitamillu teknikkikkut piginnaasaqarnissaat, pingaarutilittut tunngaviussaneri isumaqatigiissutaapput.

Kingornatigut atomip nukinganik atortussianik ingerlatsivinnillu isumannaallisaanermik nakkutilliinermut pisussaaffiit atuutsilernissaannut inatsisaasunik Folketingimi aamma Inatsisartuni politikikkut akuersissuteqarnissamut ingerlassamut nangaanartoqartitsisoqarpoq. Kalaallit Nunaanni uranip atortussiallu radioaktivusut allat piirnerinut annissornerinullu tunngasunik immikkut ittumik nunanut allanut, illersornermut isumannaallisaanermullu politikikkut pissutsinut tunngasunik suleqatigiinnissaq pillugu naalagaaffiup aamma Naalackersuisut akornanni suleqatigiinnissamik isumaqatigiussummut atatillugu Nalunaarusiaq atsiorneqarpoq.

**Kalaallit Nunaanni atomip nukinganik atortussianik ingerlatsivinnillu  
isumannaallisaanermik nakkutilliinermut danskit-kalaallit oqartussaasuini  
iluserisami suliassanik agguataarinerit**

## **1. Danskit-kalaallit oqartussaasuisa ilusaat**

- 1.1. Kunneqarfik Danmarkimi isumannaallisaanermut nakkutilliinermut naalagaaffimmi oqartussaasutut, "State Regulatory Authority", nunanut allanut ministereqarfik tassaavoq IAEA-mut najoqqutassalikkatut attaveqarfissaq.
- 1.2. Nunanut allanut ministeqarfiup aamma Upalungaarsimanermut Aqutsisoqarfiup (Beredskabsstyrelsen) sammisatigut piginnaasanut suliaqarfigisanut sianiginnittumik isumannaallisaanermik nakkutilliinermut tunngatillugu erseqqinnerusumik danskit naalagaaffiata iluani suliassanik agguataarineq isumaqatigiissutigaa. Naalagaaffimmi oqartussaasoqarfik sinnerlugu Upalungaarsimanermut Aqutsisoqarfik isumannaallisaanermik nakkutilliinermut suliassanik isumaginnippoq, ilanngullugit "*State System of Accounting for and Control of Nuclear Material*" (SSAC)-ip ilaanik ataatsimoorussatut qarasaasiakkut atomip nukinganut tunngasunik naatsorsuuseriffiliorlunilu tassanga isumaginninneq, takuuk Nalunaarusiami imm. 2, suliaqartunut isumannaallisaanermik nakkutilliinermut aalajangersakkamik aalajangersaaneq, takuuk Nalunaarusiami imm. 3.1 aamma imm. 5.1, kiisalu nakkutilliinerit misissuiartornerillu, takuuk Nalunaarusiami imm. 4.



- 1.3. Isumannaallisaanermik nakkutilliinermut pisussaaffiit piviusunngortinnissaat pillugit Inuussutissarsiornermut, Suliffeqarnermut Niuernermullu Naalackersuisoqarfik naalagaaffimmit oqartussaasoqarfik aamma IAEA suleqatigai, takuuk Nalunaarusiami imm. 2-6.

**2. Ataatimoorussatut qarasaasiakkut atomip nukinganik atortussianut naatsorsuuserisarfik**

- 2.1. IAEA-p aamma Kunngearfiup Danmarkip akornanni isumannaallisaanermik nakkutilliinissamut isumaqatigiissutit, kiisalu IAEA-mi guidelines (najoqqutassiat) malillugit piffissaq eqqorlugu annaasaqarsinnaanerup, imaluunniit akuerisaanngitsumik atuinerup paasineqarnissaannut, imaluunniit atomip nukinganik atortussiat paaarnerinut ilapittuinissaq siunertaralugit atomip nukinganik atortussianik naatsorsuillunilu nakkutilliinissamut, ilanngullugit nunamut eqqussinermut avammullu tunisinermut atuinernut, allamut nuussinernut nakkutilliinernullu tunngatillugit atorpeqartussamik atomip nukinganik ataatsimoorussatut qarasaasiakkut naatsorsuuserivimmik pilersitsinissamik ingerlataqarnissamullu Inuussutissarsiornermut, Suliffeqarnermut Niuernermullu Naalackersuisoqarfik suleqatigalugu Naalagaaffimmi oqartussaasoqarfik ingerlataqassaaq.
- 2.2. Naalagaaffimmi oqartussaasoqarfik sinnerlugu Kalaallit Nunaanni isumannaallisaanermik nakkutilliinermik najoqqutassaqartitanit suliaqartunit paasissutissanik, ilisimatitsissutinik nalunaarusianillu, takuuk imm. 3.1, Inuussutissarsiornermut, Suliffeqarnermut Niuernermullu Naalackersuisoqarfik tigusaqartarlunilu pissarsiniartassaaq, taakkulu ataatsimoorussatut qarasaasiakkut naatsorsuuserivimmi tatiginassusiinik uppernarsaallunilu ilanngussuisassalluni. Inuussutissarsiornermut, Suliffeqarnermut Niuernermullu Naalackersuisoqarfik suliaqartuusup nalunaarutaa tunngavigalugu paasissutissat imaluunniit ilisimatitsissutit iluarsiviginissaannik pisariaqartitsinermik paasisaqarpat, tamanna sioqqullugu naalagaaffimmi oqartussaasoqarfik ilisimatineqassaaq. Suliaqartuusunit paasissutissat, ilisimatitsissutit nalunaarusiallu suliareqqaakkat qarasaasiakkoortitassatut ilusilerlugit namminerminnik naalagaaffimmi oqartussaasumut ingerlateqqinneqartassapput.
- 2.3. Inuussutissarsiornermut, Suliffeqarnermut Niuernermullu Naalackersuisoqarfik ingerlaavartumik, aammalu naalagaaffimmi oqartussaasoqarfimmit qinnuiginninnerit naapertorlugit naalagaaffimmi oqartussaasoqarfimmut nalunaarusiat piumasqaataasut nassiussortassavai, tassani ilisimatitsissutsit uppernarsarneqartassallutik, atomip nukinganik atortussianik tamanik naatsorsuisoqarsimaneq aammalu

isumannaallisaanermik nakkutilliinermut malittarisassianik atuuttunik isumannaarinissaq siunertaralugu, takukkit imm. 3.1 aamma 3.3.

### **3. Isumannaallisaanermik nakkutilliinermut pisussaaffiit nassuiaatillu**

- 3.1. IAEA-p piumasaqaatai tunngavigalugit isumannaallisaanermik nakkutilliinermut nalunaarusiornissamut pisussaaffinnik Inuussutissarsiornermut, Suliffeqarnermut Niuernermullu Naalakkersuisoqarfillu ataqatigiissaaraluni naalagaaffimmi oqartussaasoqarfik aalajangersaavoq, atomip nukinganik atortussiaatinik suliaqartuusup naatsorsuineranut, ingerlatsinermik paasissutissanut, aammalu nalunaarusiornermut pisussaaffiit sinnerinut malittarisassiat ilanngullugit.
- 3.2. Illua'tungeriit isumaqatigiissutigaa naalagaaffimmi oqartussaasoqarfik isumannaallisaanermik nakkutilliinermut iliuuserisassat piviusumik atuutsilernerinut tunngatillugu nassuiaatinik Euratomip iluani isumannaallisaanermik nakkutilliinerup atornissaa pillugu Ataatsimiititaliarsuup peqqussutaa (Euratom) nr. 302/2005, 8. februar 2005-imeersumi (artikel 2), aammalu tunngaviusutut teknikkikkut paasissutissat nalunaarutiginnissaannut Euratomip iluani suliaqartuusunut assingusunut piumasaqaataasuni (kapitali II), naatsorsuinermut nakkutilliinermullu pisussaaffinni (kapitali III), aatsitassanik tunisassiortunut nalunaaruteqartarnermut aalajangersakkani (artikel 24), aamma eqqagassat nalunaarutigisarnissaat pillugit pisussaaffiit (artikel 30, 31 aamma 32) atugaasutut assingusunik atuissasoq, takuuk Euratomip peqqussutaa 302/2005, tassungalu takkuttussatut allannguutaasinnaasut. Taamaattorli taamatut allannguutini tulluartsuussutsimut tunngatillugu illua'tungeriit akornanni isumaqatiginninniarloqassanera tunngavigineqarpoq.
- 3.3. Isumaqatigiissut malillugu Inuussutissarsiornermut, Suliffeqarnermut Niuernermullu Naalakkersuisoqarfik peqataavoq suliaqartuusup isumannaallisaanermik nakkutilliinermut malittarisassianut atuuttunut naapertuutsitsinera qulakkeerniarlugu, ilanngullugit atomip nukinganik atortussianik naatsorsuuteqartarnermut nalunaarusiortarnermullu tunngasut. IAEA-mut nalunaarusianut ilisimatitsissutinullu Inuussutissarsiornermut, Suliffeqarnermut Niuernermullu Naalakkersuisoqarfik ilaliussassanik suliaqassaaq, taakku naalagaaffimmi oqartussaasoqarfimmut nassiunneqassallutik.
- 3.4. IAEA-mut nalunaarusiornissamut pisussaaffinnik naalagaaffimmi oqartussaasoqarfik naapertuutsitsissaaq, IAEA-mullu atomip nukinganik atortussianik naatsorsuinerit pillugit nalunaarusiat ilisimatitsissutillu, paasissutissallu pingaarutillit allat nassiuttassallugit.

**4. IAEA-mit aamma Danmarkimi Kalaallit Nunaannilu isumannaallisaanermik nakkutilliinermut oqartussaasunit misissuiartortarnerit**

- 4.1. Naalagaaffimmit oqartussaasoqarfimmit nunatsinniillu oqartussaasoqarfimmit, erseqqinnerusumillu aalajangersimasutut annertussusilimmik IAEA-mit misissuisartut Kunngaqarfiup nunat tamalaani isumannaallisaanermut nakkutilliinermut pisussaaffii inatsisitigullu tunngavigisat pingaarutillit naapertorlugit Kalaallit Nunaanni isumannaallisaanermik nakkutilliiffissaasunut sumiiffinnut atortussanullu pingaaruteqartunut takusaasinnaassapput, isumannaallisaanermik nakkutilliinermut ingerlatssat pisariaqartinneqartut suliarinissaat siunertaralugu.
- 4.2. Naalagaaffimmit oqartussaasoqarfik sinnerlugu Inuussutissarsiornermut, Suliffeqarnermut Niuernermullu Naalakkersuisoqarfik, naalagaaffimmit oqartussaasoqarfik erseqqinnerusumik isumaqatigereerlugu isumannaallisaanermik nakkutilliinermik misissuiartornernik isumannissaaq. Tassaniipput naleqquttunik akunneqartitanik isumannaallisaanermik nakkutilliinissamik misissuiartornerit nalunaarutigisimasat suliarisarpai, aammattaarli misissuiartornernik nalunaarutiginngisanik, imaluunniit sivikitsumik piffissalikkamik nalunaarutigalugu misissuiartornernik ilaqarsinnaapput.
- 4.3. Naalagaaffimmit oqartussaasoqarfik naleqquttunik akunneqartitanik isumannaallisaanermik nakkutilliinissamik misissuiartornerit nalunaarutigisimasat suliarisarpai, aammattaarli uranimik suliaqarnermi aqquusaakkani tamani misissuiartornernik nalunaarutiginngisanik, imaluunniit sivikitsumik piffissalikkamik nalunaarutigalugu misissuiartornernik suliaqarsinnaalluni. Suleqatiginneq ilisimasanillu agguataarinissaq nukittorsarniarlugu naalagaaffimmit oqartussaasoqarfiup misissuinerini nunatsinnit oqartussaasoqarfiit peqataasarnerat nalinginnartut ingerlassaavoq.
- 4.4. Isumannaallisaanermik nakkutilliinermik misissuinerimi, Inuussutissarsiornermut, Suliffeqarnermut Niuernermullu Naalakkersuisoqarfiup suliaani Inuussutissarsiornermut, Suliffeqarnermut Niuernermullu Naalakkersuisoqarfik naalagaaffimmi oqartussaasoqarfimmut nassiunneqartussamik misissuinerimut nalunaarusiussaaq. Misissuinerimut nalunaarusiaq tunngavigalugu, aammalu Inuussutissarsiornermut, Suliffeqarnermut Niuernermullu Naalakkersuisoqarfimmik ataqatigiissaareqateqarluni naalagaaffimmit oqartussaasoqarfik suliaqartuusumut malitsigisitatut pilersaarusiussaaq. Malitsigisitatut pilersaarut suliaqartuusumut Inuussutissarsiornermut, Suliffeqarnermut Niuernermullu Naalakkersuisoqarfimmit nalunaarutigineqassaaq. Isumannaallisaanermik nakkutilliinermik misissuinerimi, naalagaaffimmit oqartussaasoqarfiup suliaani naalagaaffimmit oqartussaasoqarfik misissuinerimut nalunaarusiussaaq, kingornatigullu Inuussutissarsiornermut, Suliffeqarnermut Niuernermullu Naalakkersuisoqarfimmik

ataqatigiissaareqateqarluni malitigisitatut pilersaarusiussalluni, Inuussutissarsiornermut, Suliffeqarnermut Niuernermullu Naalakkersuisoqarfiup suliaqartuusumut nalunaarutigisassaanik. IAEA-p misissuineramik suliaani naalagaaffimmit oqartussaasoqarfik IAEA-p misissuinermut nalunaarusiaa tigussavaa, taannalu Inuussutissarsiornermut, Suliffeqarnermut Niuernermullu Naalakkersuisoqarfiup pigissallugu. Naalagaaffimmit oqartussaasoqarfik Inuussutissarsiornermut, Suliffeqarnermut Niuernermullu Naalakkersuisoqarfimmik ataqatigiissaareqateqarluni malitsigisitatut pilersaarusiussaaq, Inuussutissarsiornermut, Suliffeqarnermut Niuernermullu Naalakkersuisoqarfiup suliaqartumut nalunaarutigisassaanik.

- 4.5. Naalagaaffimmit oqartussaasoqarfiup isumannaallisaanermik nakkutilliinermit pisussaaffiit naapertuutsinnissaasa qulakkeernissaasa sianiginissaannut pisariaqartunik aalajangiussassanik, ilanngullugit peqqussutinik, inerteqqutinik ingerlatsinermillu unitsitsinernik aalajangiussaqaqnginnermini Inuussutissarsiornermut, Suliffeqarnermut Niuernermullu Naalakkersuisoqarfimmik ilisimatitsissaaq. Kingornatigut aatsitassanik suliassaqaqfimmik nunatsinnit piginnaanilittut oqartussaasoqarfiit ingerlatsinerup unitsinneranut atatillugu piviusutut iliuuserisassat pillugit aalajangiussassanik aalajangiissapput.

## **5. Atomip nukinganik atortussiat assartornerini, annissornerini eqqunnerinilu isumannaallisaanermik nakkutilliineq**

- 5.1. Atomip nukinganik atortussiat naalagaaffimmi namminermi aamma nunat tamalaani assartorneri sioqqullugit, atomip nukinganik atortussiat aallartinnerini, tikiffissaannullu tikinnerini, kiisalu atomip nukinganik atortussiat assartornerisa nalaanni naatsorsuutigingisanik pisoqarnerini sapinngisamik piaarnerpaamik suliarinnittup naalagaaffimmit oqartussaasumut aamma nunatsinnit oqartussaasunut nalunaaruteqarnissaa pillugu naalagaaffimmit oqartussaasoqarfik malittarisassianik aalajangersaassaaq.
- 5.2. Nunat akornanni atomip nukinganik atortussiat nuunnerini isumannaallisaanermik nakkutilliinermit iliuuserisat sulisaasissatut atuutsilerneranut tunngatillugu Euratomip iluani suliaqartuusunut pisussaaffigitat assinginik naalagaaffimmit oqartussaasoqarfik atuissaaq, takuuk Euratomip peqqussutaa 302/2005-imi kapitali IV, kiisalu aatsitassanik nassiussuinerne pissusaaffiit assingusut (artikel 25), aamma assartuisartunut, tuniniaasunut ilisimatitsisartunullu pisussaaffiit (artikel 26, 27 aamma 28), takuuk Euratomip peqqussutaa 302/2005 tassungalu allannguutaasinnaasutut takkuttussat. Taamaattorli

taamatut allannguuteqartitsinerni tulluurtuunissaanut tunngassuteqartut pillugit illua'tungeriit akornanni isumaqatiginninniartoqassannera tunngavigisaassaaq.

- 5.3. Atomip nukinganik atortussiat nunat tamaalaani assartornerini, eqqunnerini annissornerinilu naalagaaffimmit oqartussaasoqarfik IAEA-mut naalunaarutiginnissaaq.

## **6. Iliuserisassat pillugit aalajangersakkat**

- 6.1. Kalaallit Nunaanni atomip nukinganik atortussianik ingerlatsivinnillu isumannaallisaanermik nakkutilliineq pillugu inatsimmi takkuttussami inatsisip aalajangersagaasa unioqqutinnerinut iliuuserisassat pillugu aalajangersakkat pingaarutilimmik anenrtussusilikkat aalajangersarneqassapput. Iliuserisassat pillugit aalajangersakkat ingammik siunertaat tassaavoq inatsit malillugu pisussaaffinnik suliaqartuusut naapertuutsitsinissaasa isumannaarnissaat, ilanngullugit assersuutigalugu nalunaarusiornermut, paasissutissanik tunniussinissamut aammalu illuutitut, paaanermut atortussianut il.il. nakkutilliinermik oqartussaasunut attaveqarnissamik isumannaarinissamut pisussaaffiit. Annertuunik unioqqutitsinernut tunngatillugu, soorlu akuutissanik radioaktiviunuk tillinnermut imaluunniit inatsisinik unioqqutitsilluni suliaqarnermut Kalaallit Nunaanni pinerluttulerinermut inatsimmi aalajangersakkat atuutissapput.

## **7. Naalagaaffiit akornanni tigooraasutut naalagaaffinnut isumaqatigiissutit**

- 7.1. Kalaallit Nunaannit atomip nukinganik atortussiat avammut tunisarinissaanut tunngavigisassaq tassaavoq naalagaaffiit akornanni tigooraasutut naalagaaffinnut isumaqatigiissuteqarnissaaq, imatut paasillugit nunat tamalaani siammartiterinnginnissamik pisussaaffinnik nunap naapertuutsinissaanut piunasaqaatit, aammalu ikummatitut atugaanerani tamarmi atortussiamik tigusamik isumaginninnermut naleqqiullugu pituttuisutut inatsisilerinikkut pisusaaffinnik nunat isumaqatigiissutit avataanniittunik illugiilluni isumaqatigiissuteqarfigisimanissaat. Nunat tamalaani siammartiterinnginnissamut pisussaaffinnik nunap naapertuutsitsinissaanut piunasaqaatit pillugit nunat isumaqatigiissutit avataanniittunik illugiilluni isumaqatigiissutissanik suliaqarnissamut tunngavissaqalissappat Inuussutissarsiornermut, Suliffeqarnermut Niuernermullu Naalakkersuisoqarfik nunanut allanut ministereqarfimmut saaffiginnissaaq. Naalagaaffiit akornanni tigooraasutut naalagaaffinnut isumaqatigiissutit Inuussutissarsiornermut, Suliffeqarnermut Niuernermullu Naalakkersuisoqarfillu ataqatigiissaareqateqarluni nunanut allanut ministereqarfimmit suliarineqassapput.

- 7.2. Naalagaaffiit akornanni tigooraasutut naalagaaffinnut isumaqatigiissutit namminersornermut inatsimmi § 13, imm. 3 naapertorlugu atsiorneqassapput.
- 7.3. Naalagaaffiit akornanni tigooraasutut naalagaaffinnut isumaqatigiissummi naalagaaffimmit oqartussaasoqarfiup pingaarnerutitatus piumasaqatigisassai ilaatigut tassaapput:
- Naalagaaffinnut NPT-mik akuerinnissimasunut urani taamaallaat avammut tunineqartarnissaa.
  - Naalagaaffik tigusaqartoq IAEA-mi isumannaallisaanermik nakkutilliineranut ilassutitullu protokolimut ilaasuunissaa, imaluunniit – atomip nukinganik sakkoqartutut pissaaneqarfiit akuerisat tallimat pineqassappata – naalagaaffiit taakku assingusumik iliuuserisaanni ilaasuunissaa.
  - Isumannaallisaanermik nakkutilliineq pillugu illugiilluni isumaqatigiissutit IAEA-p isumannaallisaanermik nakkutilliinerata atorunnaariataassanerani atuutissapput.
  - Timalittut illersuinermut nunat tamalaani najoqqutassat atomip nukinganik atortussiamut tigooqqakkamut atuutissanerat.
  - Kalaallit Nunaannit atomip nukinganik atortussiat tigooraasutut naalagaaffimmut ilimageriikkamut naleqqiullugu nunamut allamut nuussinissamut naalagaaffimmit oqartussaasumit sioqqutsisumik akuersissummik peqartoqassasoq.
  - Kalaallit Nunaannit uranimik avammut tunisinermut niuernerme isumaqatigiissutit isumaqatigiissut naalagaaffiit akornanni tigooraasutut naalagaaffinnut isumaqatigiissummik tunngaveqartuunissaanik immikkut piumasaqaammik imaqassasut.
  - Nunani pineqartuni Kalaallit Nunaannit uranip atugarinerani pinngortunit eqqakkanik atortussanillu allanik isumaginninnermut naalagaaffiit eqqussuisut akisussaasuunissaat.

**8. Isumannaallisaanermik nakkutilliinermut sulissaqarfimmi nunat tamalaani sullissisarfinnik suleqateqarneq**

- 8.1. Naalagaaffimmit oqartussaasoqarfik isumannaallisaanermik nakkutilliinermut suliassaqarfimmi nunat tamalaani sullissisarfinnik suleqateqarnermi peqataavoq, IAEA-p saniatigut ilaatigut tassaasinnaasut Euratom, Nuclear Suppliers Group, Zangger-komité aamma Naalagaaffiit Peqatigiit (FN).
- 8.2. Isumannaallisaanermik nakkutilliinermut suliassaqarfimmi nunat tamalaani sullissisarfinnik suleqatiginnermut Inuussutissarsiornermut, Suliffeqarnermut Niuernernullu Naalakkersuisoqarfik ilanngunneqassaaq, namminersornermullu inatsit naapertorlugu

4. april 2016

UPA2016/107  
Ilanngussaq 1

kunngearfiup aallartitaasa ilaattut nunat tamalaani ataatsimiinnerni naalagaaffimmit  
oqartussaasoqarfik peqatigalugu ilaasassalluni.